

^{capitulum}
Index Locorum quæ in presenti opere
re continentur:†

- I: Onotomias Locorum Theologicorum; ^{Huc referantur}
^{prolegomena}
seriem et connexionem eorum ostendens: Catechesis C.
II: Aphorismi Theologici de Sacra Scri- ^{ptura}
ptura:
III: DE DEO: ^{Huc referat huc p[er] loc[um] in Cate-}
IV: De persona Christi ^{chesi.}
V: De creatione et Angelis.
VI: De providentia ^{Huc pertinet 6: loc[us] in}
VII: De Electione et reprobatione ^{eg Catech:}
VIII: De imagine Dei in homine
ante lapsum
IX: De p[ec]cato originali, s: e: de la-
p[er]u primor[um] parentum. ^{Legat h[ic] 4: loc[us] in Cat[ena]}
X: De libero arbitrio, s: e: de
virib[us] h[uius] p[er] lapsu[m] adhuc
reliquis. ^{Huc pertinet 2: loc[us] in Cat[ena]}
XI: De lege: Vid: 3: loc[us] Cat:
XII: De Euangelio; ref: h[ic] 5: loc[us] Cat:
XIII: De poenitentia. Leg. h[ic] 7: loc[us] Cat:
XIV: De fide qua coram DEO
iustificamur. ^{Huc p[er]tinet 5: loc[us] in Cat[ena]}
XV: De bonis opib[us]. Vid: 6: loc[us] Cat:

- 16: De Sacramentis,
17: De Sancto Baptismo. } Huc pertinet 8: loc: Cat
18: De Sacra Coena
19: De Ecclesia. ref: huc loc: 9. Cat:
20: De Ministerio Ecclesiastico. Leg: in 5to loc: Cat: 3:
Sept: Decal.
21: De Ordine Politico: Vid: in 3: loc: Cat: 4: Sept:
Decal.
22: De Conjugio: Leg: in 3: loc: Cat: 6: Sept: Decal.
23: De quatuor hois noviss: Vid: X: loc: Cat:

APHORISMI
SUCCINCTI
ET SELECTI, IN VI-
GINTI TRIBUS CAPITI-
bus, totius THEOLOGIAE nu-
cleum continentes:

*AD USUM DISPUTATIO-
NUM SCHOLASTICARUM AC-
commodati & conscripti*

à

JOHANNES GER-
HARDO THEOL. DOCTORE
& Superintendente Heldbur-
genfi.

CUM GRATIA ET PRIVILEGIO ELE-
ctor. & Ducum Saxon.

J E N Æ

Typis et sumptibus Tobiaë
Steinmanni, Anno

I 6 I L

22103

STRENUO,
SPLENDORE

GENERIS, ERUDITIONE,
autoritate ac virtutibus Nobilissimo viro,

Dn. BALTHASARIA Wangenheim
Seniori, hereditario in grossen Behrun-
gen/2c. Fautori & Meccœnati suo
plurimum honorando.



EMINI DUBI-
um aut ignotum est,
Vir Strenue, ac modis
omnibus Nobilissime,
Fautor & Meccœnas
plurimum honorande, ad partes
Ministerij Ecclesiastici ritè obeun-
das, inter alia cum primis etiam hoc

requiri ut ^{adhortari} ὁ ἐπισκοπῶν ^{in doctrina} sit διδάσκων non
solum ^{sanā} τὰ ἀρετὰ ἀλλὰ καὶ τὴν εἰσαγωγὴν καὶ τὴν ἐκκαθάραν
τῆς ἐκκλησίας, ^{contradictentes} sed etiam τὰς ἀντιλεγόντας ἐλέγχειν,
docente Apostolo Tit. 1. v. 9. Quemad-
modum n: urbis ac templi Hierosoly-
mitani reparatores iussu Nebemie
gladijs accincti stabant, unā qui-
dem manu laborem perficientes, al-
terā verò clypeum ferentes, Ne-
hem. 4. v. 17. Ita quoq; Ministri Ec-
clesiæ, qui spirituales Dei domum
extruere laborant, velut in perpe-
tua acie stantes, non solum sanā do-
ctrinā ædificent, sed etiam cœlestis
veritatis hostes gladio Spiritus re-
pellant. Quemadmodum boni pasto-
ris est, oves fidei sue traditas non so-
lum ad salubria pascua deducere,
sed etiam à luporum insidijs atq; in-
cursibus defendere, ita eos quos gre-
gi do-

gi Dominico Spiritus sanctus præse-
 cit Pastores atq; Episcopos, decet non
 solum ^{pascere} ποιμαίνειν ^{Ecclesiam} τὴν ἐκκλησίαν ^{dei} & ^{Act.} Act.
 20. v. 28. Sed etiam Pseudoprophe-
 tas, qui sunt ^{supi} λόκοι ^{χαπαῖες} ἀπαγῆς Matth. 7.
 v. 15. ab ovili Domini fortiter abi-
 gere. Quemadmodum duplex Me-
 dico finis est propositus, sanitatem
 videlicet præsentem conservare &
 deperditam restituere, Gal. 1. de sa-
 nit. tuenda cap. 1. & alibi passim,
 Concil. diff. 3. Celsus lib. 5. cap. 26.
 unde duæ constituuntur Medicinæ
 principales partes, ὑγιαίνειν καὶ θεραπεύ-
 τικῇ: ita quoq; illis, quibus spiritua-
 lis animarum cura commissa est,
 convenit non solum verâ & sanâ
 doctrinâ auditores suæ fidei tradi-
 tos informare, sed etiam ab hæresi-
 bus, quæ sunt veluti pestis & gan-

grana quadam 2. Tim. 2. v. 17. eos-
dem omni cura præservare.

Debet igitur, dicit Augustinus
4. de doctr. Christ. cap. 4. divina-
rum Scripturarum tractator & Do-
ctor, defensor rectæ fidei ac debella-
tor erroris & bona docere & mala
dedocere, atq; in hoc opere sermonis
conciliare aversos, remissos erigere,
nescientibus quid agatur, quid expe-
ctare debeant, intimare. Atq; eo po-
tissimum fine exercitia illa schola-
stica, quas Disputationes vocant, in-
stituta sunt, quæ præterquam, quod
alios habent usus, atq; eos quidē lon-
gè maximos, discētū in super studia
atq; animos formant, ut cœlestis do-
ctrinæ adversarijs sese opponere,
eosdemq; vi Spiritus cōvincere pos-
sint. Disputationes sunt quæ fideliores

^{dominus laus}
 ac ^{dominus laus} ~~dominus laus~~ morbo juveniles ani-
 mos liberant. Disputationes sunt,
 quæ fidei ^{το ληροφωριαν} in cordibus non
 mediocriter confirmant. Disputatio-
 nes sunt, quæ ad obscuriorum Scri-
 pturæ locorū enucleationē, <sup>Φαινομέ-
νως</sup> sibi contradicentium conciliatio-
 nem, & genuinam dubiorum expli-
 cationem lampadis instar viam no-
 bis monstrant. Inde adeò à primis
 primitivæ Ecclesiæ temporibus in
 precio atque consuetudine eas fuisse
 apparet: Initiatæ autem sunt,
 & consecratæ à CHRISTO, qui
 anno ætatis duodecimo, ^{in templo} ~~in templo~~
^{sedentem} ~~sedentem~~ ^{in medio} ~~in medio~~ ^{propheta} ~~propheta~~
^{καθεσμεν} ~~καθεσμεν~~ ^{εν μεσω των διδασκαλων} ~~εν μεσω των διδασκαλων
^{et} ~~et ^{audivit} ~~audivit ^{illas} ~~illas ^{et interrogavit} ~~et interrogavit ^{illas} ~~illas
^{και ηκασεν αυτων και επηρωτησε αυτες} ~~και ηκασεν αυτων και επηρωτησε αυτες,
 Luc. 2. versicul. 47. Postea tem-
 pore ministerij sui sæpius insti-
 tuit συζησεις cum Phariseis &~~~~~~~~~~~~~~

Sadduceis, Marc. 8. v. 11. cap. 12. v. 28. In prima Apostolorum Synodo precedente ^{multa disputatione} ~~quodam~~ ^{synodo} factum est, deinde decretum, Act. 15. v. 7. De Ecclesia sui temporis Augustinus testatur, quod in illa & lectum & disputatum olim fuerit Epist. 119. ad Januar. Extat disputatio Atbanasi cum Ariano coram Probo iudice instituta; versantur in manibus Augustini collationes cum Donatistis, & ut ^{summam} ~~quodam~~ ^{con} dicam, nullus ferè veterum est, qui non adversus sui temporis hæreticos calammum strinxerit. Probare igitur per omnia non possumus, quod celebris nostri temporis Politicus lib. 4. de Repub. cap. 7. scribit, cum semel constituta & omnium consensu firmata religio fuerit, ne posthac in
dispu-

disputationem deducatur, cavendum est, ut omnes seditio-
num viae, omnes aditus intercludantur, &
praesidia pacis muniantur. Qua-
rumcunque enim rerum disputatio-
nes in utramque partem seruntur, ea-
rum probabilis est ac dubia ratio.
Quid autem ab impietate propius
abest, quam leges divinas, quarum
sempiterna sit natura & quae omni-
um animis ac mentibus assensione
certissimam habere debeant, probabi-
libus argumentis in dubium revo-
care? &c. Quae dementia est im-
motam religionis veritatem publi-
cis disputationibus ingeniorum fe-
rociū & strepere rationis proter-
vitati exponere? &c. Hæc inquam
probare & nostro calculo per omnia
confirmare non possumus, multo

minus illud, quod alius in Aphorismis. *Aulicopoliticis* Aphor. 289. scribit, *Aulicus* autor sit Principi, ne Disputationes publicas & altercationes frequentes in causa religionis permittat, id quod tum Orientis, tum Africæ populi, ipsiq; Hispanorum Reges optime perspicientes de religionibus differere severe prohibitum voluerunt. Hæc ille. Fatemur sanè ex Disputationibus de Religione animorum distractiones, simultates, quandoque etiam aperta dissidia oriri, id verò ex accidenti demum contingit, & pessimè hominum veritati adversantium libidini ferendum est acceptum. Maledicta sit omnis concordia, quæ contra CHRISTUM & contra veritatem instituitur, siqui.

siquidem non tam concordia, quam
fœdissima conspiratio est dicenda.
Quamvis verò non solum velita-
torie istæ in scholis Disputationes,
sed etiam seriæ cum adversarijs
cœlestis doctrine concertationes
suos habeant usus, sua commoda,
cum necessitate etiam quadam
conjuncta, negari tamen nequit,
idem hic contingere, quod in a-
lijs ejusmodi rebus evenire con-
suevit, nimirum rei per se bonæ
abusum esse pessimum, tantò ple-
rùmq; pejorem, quo res in sese me-
lior. Multi enim apicem quasi Theo-
sophiæ in disputando constitutum
censent, serio sinceræ pietatis stu-
dio. Et accuratiore interioris ho-
minis cultura interim posthabi-
ta. Pleriq; malunt disputare quam
vive-

vivere, dicebat olim discipuli pessi-
mi Præceptor optimus; eodem modo
etiam hoc loco conqueri possumus,
Multi Christum querere malunt di-
sputando, quam vitam ipsius imi-
tando, cum tamen præstet Christum
vivere, quam digladiando querere,
ut loquitur autor præfationis in D.
Bernhardum. Denuò autem repe-
to, neutiquam ipsas vel Scholasticas
vel Ecclesiasticas disputationes im-
probari, sed veræ ac seriæ pietatis
neglectum, quod suo se quidam satis
functos officio arbitrentur, si stre-
nuos suâ opinione sese præstent do-
ctrinæ cœlestis propugnatores, atq;
interim ad Christi vitam imitan-
dam, eandemq; hominibus suæ fidei
commisissis instillandam segnes sint
atq; remissi. Cum tamen docente

Gerso.

Gersoni lib. 4. de consolati. Theol.
prosa 4. Theologus sit vir bonus, in
sacris literis eruditus, non quidem
eruditione solius intellectus, sed
multo magis affectus, ut ea, quæ per
Theologiam intelligit, traducat per
jugem ruminatiōem in affectum
cordis, & executionem operis. Quis
enim Christum in illo corde habita-
re credat: quod ambitione flagrat,
odij ardet, invidiâ contabescit?
Quis cor istud verâ fide purifica-
tum dixerit, quod avaritiæ & vo-
luptatum sordibus totum adhuc est
contaminatum? Notitiā literæ
concedere illi possumus, sed notitiā
Spiritus ei planè denegamus. Disci-
te à me, inquit Christus (non solum
quod sermo meus sit veritas, Job. 17.
v. 17. sed etiam) quod sim mitis &
huma-

humilis corde, Matth. 11. v. 29. Ego
sum via, veritas & vita, dicit Jo-
han. 14. v. 6. Vita ratione meriti,
quod verâ fide amplectendum; ve-
ritas ratione doctrinæ, quæ fideli
corde apprehendenda; via ratione
vitæ, quæ serio studio est imitanda.
Qui doctrinam tantum Christi,
non etiam vitam ipsius prædicat, di-
midia tantum ex parte Christum,
prædicat. Confiteris, te nosse Deum,
sed factis negas. Non rectè plane sed
impiè linguam Christo, animam de-
disti Diabolo, ait Bernhardus serm.
24. sup. Cant. Col. 565. Refellantur
igitur adversarij, & acriter refel-
lantur Disputationibus, lectionibus,
concionibus, interim etiam mode-
stia, mansuetudinis & caritatis, quas
Christus suo nos docuit exemplo, ra-

trio habeatur. Nec improbo sobriam
& moderatā vehementiā, in loco ad-
hibitam, quam Aug. ab Evodio suo
usurpatā Epist. 147. ad Proculian. ita
explicat: si quid in disputando pro fi-
de sua & pro Ecclesiae caritate dixit
fortasse ferventius, quam tua gra-
vitas nollet audire, non illa contu-
macia, sed fiducia nominanda
est. Collatorem enim & disputa-
torem non assentatorem & adu-
latorem se esse cupiebat. Interim
tamen ministerium justae corre-
ptionis non convertatur in ar-
ma furoris, quā de re sic præci-
pit Augustinus Epist. 174. ad Pa-
scentium. Cum divinis Scriptu-
ris, quantum possumus, colloqua-
mur, sine contentione pacati, non
inani ac puerili animositate stu-
dentes alterutrum vincere, ut pax

Christi potius vincat in cordibus
 nostris. Qui de seipso scribit lib. 3.
 contra literas Petiliani c. 1. Ego
 quando cuiquam vel dicendo vel
 scribendo respondeo, etiam contu-
 meliosis criminationibus lacesitus,
 quantum mihi dominus donat, fre-
 natis atq; coërcitis vanæ indigna-
 tionis aculeis, auditori lectorivè
 consulens, non ago, ut efficiar homi-
 ni conviciando superior, sed errores
 convincendo salubrior. Absit igitur
 ut in religiosa ac sacra disputatione
 ad scommata & convitia politica
 procedatur. Hic enim locum habet
 illud apud Comicum græcum: ^{convinces} ἐλεγχέ
^{argumento convictum, verum nec debet} ἐλεγχέσθαι τοιοῦτοις ἢ ὅτι περὶ ἀνδρῶν ποιν-
 τας (vates sacros) ^{sicut} ὡς περὶ δεινοπώλιδας. ^{pistores}
 Adsit pium veritatis studium, pro-
 pter quam ^{oportet etiam domesticam sequi} οὐ καὶ τὰ οἴκῳ ἀναγείν mo-
 nente

nente Philosopho 1. Eth. ad Nicomac.
c. 4. adhibeatur ^{incompositum animum} ἀνισόηλον μέγεθος ^{judicium} πρὸς

κρίματι fascinatum judicium, melius
æstimetur vinci à vera dicente,
quàm vincere mentientem, ut docet
Xistus in Enchiridio morali ref. vit.
Philos. cap. 110. (At illud ^{παλινοῦν} ^{δὲν}
quando hodiè auditur?) vocentur
ea tantùm sub incudem Disputatio-
num, quæ scita sunt utilia, necessa-
ria, ac in Scripturis definita. Quid
enim opus est, ut ea affirmentur vel
negentur, vel definiantur cum dis-
crimine, quæ sine crimine nesciun-
tur, Augustin. in Enchirid. ad Lau-
rentium cap. 59. Melius est dubita-
re de occultis, quàm litigare de in-
certis. Idem lib. 8. de Genes. ad lit.
cap. 5. Quæ Deus occulta voluit;
non sunt scrutanda: quæ autem ma-
nifesta

nifesta fecit, non sunt neganda: ne in illis licite curiosi, in istis damnabiliter inveniamur ingrati. Ambrosius de vocat. gent. cap. 7. Proinde, ubi de re obscurissima disputatur, non adjuvantibus divinarum Scripturarum certis, clarisq; documentis, cobibere se debet humana præsuntio. Augustinus de peccat. merit. lib. 2. cap. ult. (quod utinam observatum fuisset à Scholasticis, atq; adhuc observaretur ab illis, qui subtiles & inutiles Scholasticorum Disputationes ipsorum, quasi postliminiò in Ecclesias & Scholas introducere satagunt, de quibus videatur Erasmus in Compend. Theolog. pag. 34. Et in annotat. 1. Tim. 1.) sanctè de rebus sanctis disputetur, non quasi in homi-

num

num theatro, sed coram Deo & sanctis Angelis, adeoque in medio totius Ecclesie confesso, idque non contentionis sed veritatis studio. Hæ & similes conditiones si observentur, disputationes illum obtinebunt finem, ob quem primitus sunt institutæ, ac dum demum locum habebit illud Augustini lib. de nat. & grat. c. 20. O frater bonum est, ut memineris, te esse Christianum, credere ista fortasse suffecerit, sed tamen, quia disputare vis, nec obest, imò etiam prodest, si firmissima præcedat fides &c. Sin verò neglectis precibus, prætermisso pietatis studio, ac posthabito Dei timore disputetur, eveniet illud, quod ejusdem libri cap. 25 habetur: Procliviores sumus quærere, quid contra ea respon-

deamus, quæ nostro obijciuntur erro-
ri, quàm intēdere, quā sint salubria,
ut careamus errore, unde cum istis
(adversarijs) non tam Disputatio-
nibus, quàm pro eis sicut pro nobis
Orationibus est agendum. Quo
sensu etiam accipiendum Sisinnij
consilium Neſtario Constantinopo-
leos Episcopo datum apud Socra-
tem lib. 5. Histor. Ecclesiast. c. 10.
ut ad compescendam hæreticorum
audaciam, concertationes Diale-
cticas vitaret, testesq; adhiberet
formulas fidei à veteribus editas,
eò, quòd dissidijs schismata non com-
ponerentur, sed pugnatiores etiam
evaderent adversarij. Tollatur
igitur abusus, vero ac salutari Di-
sputationum usu sarto tecto perma-
nente. Sectemur cum pietate ve-

veritatem & cum veritate pietatem,
cum universa Theologia, definien-
te Apostolo ad Tit. 1. vers. 1. sit
^{conscientia} ^{veritatis} ^{que est iuxta pietatem}
^{inimicis} ^{adversarios} ^{his} ^{nam} ^{evangelium}.

Quo fine etiam Aphorismos hosce
Theologicos conscripsi, ut pie ac
placide ^{Disputationis} ^{syntacticas} materiam suppe-
ditarent. Eos Vir Strenue ac mo-
dis omnibus Nobilissime, T. St. de-
bitâ cum observantia inscribere,
volui, nullus dubitans, eorum le-
ctionem ipsi fore baud omninò in-
gratam. Siquidem omnium ore
depredicatur quotidianum illud ac
perpetuum studium, quod St. T.
pervolvendis Theologorum Scri-
ptis, cum primis verò sacris literis
summâ cum laude impendit. Lon-
gissimè enim abest à perversa illo-
rum opinione, qui existimant, hæc


*studia viros genere Nobiles dede-
re: Contrà verò nobilissimo suo ge-
neri nobilissimum esse ducit discere
ea in terris, quorum scientia perse-
verat in cœlis, atq; eam demum esse
veram & sanctam nobilitatem, quæ
virtutibus (& pietatis studijs) in-
clarefcit, ut loquitur Hieronymus
ad Celanciam. Inde adeo tam ex-
actam & omnium non solum prædi-
catione sed & admiratione dignam
Theologiæ cognitionem Str. T. sibi
comparavit, ut hominem professione
Theologum te audire existimet, qui
eam de rebus sacris differentem au-
dit, quod Coburgi mihi contigisse non
sine delectatione recordor. Neq; ve-
rò hæc est nuda & ignava quasi re-
rum sacrarum cognitio, sed cum ve-
ro ac sincero pietatis & omnium
Chri-*

*Christianarum virtutum studio cō-
iuncta, ut de St. T. non immerito
usurpari possit illud Pindaricum,
quod flores decerpserit ex omnibus
virtutibus. Suscipe igitur, Vir Stre-
nue ac modis omnibus nobilissime,
exiguas hasce quas offero chartulas,
meq; eâ, quâ cœpisti benevolentia,
in posterum cōplecti perge. Quam-
vis præter vota & preces à mea te-
nuitate nihil expectare possis. Da-
bantur Heldburgi Calendis Aprilis
Anno 1611.*

St. T.

colens

JOHANNES GERHARD
D.



I. ΥΠΟΤΥΠΩ-
ΣΙΣ LOCORUM THEOLOGI-
corum, seriem & connexio-
nem eorum ostendens.

I.


PRINCIPIUM THEO-
logiæ ^{unicum et domesticum} *μονον καὶ οικειον* est DEI
verbum.

2. Prodiit enim DEUS ex
arcana maiestatis suæ sede, seq; in ver-
bo hominibus manifestavit.

Multis vicibus multisq; modis
3. Πολυμερως καὶ πολυτροπως olim
locutus est Patribus per Prophetas,
novissimè locutus est hominibus per
Filium (& Apostolos) Hebr. i. v. i.

4. Verbum illud DEI Prophetæ &
Apostoli primum vivâ voce annun-
ciarunt, postea summa & necessaria

A divina



divinæ revelationis capita DEI voluntate in Scripturas redegerunt. Iren. lib. 3. cap. i.

5. Proinde indubitatum DEI verbum non nisi in Prophetis & Apostolicis Scriptis hodie inveniri potest.

6. Ex hoc DEI verbo promanat &
circa illud occupata est Theologia, τὰ
ῥαγματα τοῦ Θεοῦ
8. καὶ λόγια proponens. Rom. 3. v. 2.

de Deo. Est ergo ex vi nominis λογικῆς
περι θεῶν, doctrina de D E O.

8. De cujus essentia & voluntate homines erudit ad ipforum salutem.

9. Hæc enim est vita æterna, ut agnoscamus verum DEUM, & Mediatorem Christum in carnem missum, Jo. ban. 17. v. 3.

10. Doctrinam de essentia divina absolvit quaestio, Quis sit DEUS? videlicet Jehova Elohim, unus in essentia, trinus in personis.

II. DEUS enim sese sic manifesta-
vit, quòd in divina essentia una & in-
divisa

divisa sint tres personæ, nec plures,
nec pauciores, videlicet Pater, Filius
& Spiritus sanctus.

12. Pater est prima persona non fa-
ctus, nec creatus, nec genitus, nec pro-
cedens, ^{non factus et non genitus.}
αγεννητος και αγεννητος.

13. Filius est secunda persona, non
factus, nec creatus, sed ab æterno à
Patre genitus.

14. Idem in plenitudine temporis
assumfit humanam Naturam, in qua
& per quam precium redemptionis no-
stræ persolvit.

15. Spiritus sanctus est tertia perso-
na, non factus, nec creatus, nec geni-
tus, sed ab æterno à Patre & filio pro-
cedens.

16. Voluntas Dei æstimanda ex ip-
sius decretis ab æterno factis.

17. Eorū præcipua duo sunt: Decre-
tū Creationis & Reparationis, ^{creationis}
και ποσειως
^{et reparationis}
και ανακατασκευης, και αποκατασκευης.

18. Qualia fuerint illa decreta, exe-

cutio in tempore ostendit.

19. Quod enim & quomodo Deus in tempore agit, illud & eo modo agere ab æterno decrevit.

20. Cujus pronunciati ratio pendet à divinæ voluntatis immutabilitate.

21. Creatio in tempore facta est decreti de condenda rerum Universitate ab æterno facti manifestatio.

22. Estq; Angelorum, hominum, & reliquarum creaturarum sex primis mundi diebus à DEO Patre, per Filium, in Spiritu sancto ad sui gloriam productio.

23. Angelorum pars magna à Deo defecit; reliqui in bonitate confirmati Deum celebrant, hominibus inferviunt.

24. Primi duo homines itidem legem divinam cordibus insculptam, & voce divinâ promulgatam impulsu Satanæ sunt transgressi.

25. Sic

25. Sic ergo per lapsum istum imago Dei in illis oblitterata, & Natura ipsorum peccato est corrupta.

26. Proinde posterii ipsorum nati sunt & nascuntur iustitiâ originali destituti, & peccato miserè corrupti.

27. Isto peccati contagio omnes animæ vires in homine ita sunt corruptæ, ut tenue rationis lumen & exiguæ voluntatis vires circa res externas manserint.

28. Lapsus hic protoplaston omniscium Deum latere non potuit, ideò ex immensa misericordia propter Filii intercessionem de reparatione hominum ab æterno decretum fecit.

29. Quod quale fuerit, itidem executio hujus decreti ostendit; misit in tempore Filium Redemptorem & Mediatorem, eum ergo mittere ab æterno decrevit.

30. Beneficia Mediatoris per verbum omnibus offert, & credentibus

applicat, ergo per verbum ea omnibus offerre, & credentibus applicare ab æterno constituit.

31. Hoc decretum in Scripturis dicitur Electio & Prædestinatio, de qua non nisi à posteriori, hoc est, ex manifestatione ejus judicandum.

32. Animadvertimus in executione hujus decreti, quod Deus homini reparando proposuerit Verbum & Sacramenta.

33. Verbum revocatur ad duo summa capita, Legis & Evangelii.

34. Lex est doctrina operum, manifestat ergo Naturæ corruptionem, terret, & præscribit bene agendi normam.

35. Evangelium est doctrina fidei, Christum Mediatorem, qui pro peccatis satisfecit, monstrans & conscientiam hominis erigens.

36. Praxis Legis & Evangelii consistit in vera pœnitentia.

57. Cu-

37. Cujus ob id partes duæ sunt :
Contritio, quæ ex Lege, & Fides, quæ
est ex Evangelio.

38. Fides apprehendit Christi justitiam in verbo Evangelii oblatam, per quam homo Legis voce prius contritus, coram Deo justificatur, & accepto simul Spiritu sancto incipit renovari.

39. Fide enim purificantur corda.
Act. 15. v. 9.

40. Proinde fructus veræ pœnitentiæ sunt bona opera.

41. Siquidem fides per caritatem efficax est, Gal. 5. v. 6. & Christus non solum justitiam suam, sed & Spiritum sanctum nobis donat, qui Naturam nostram incipit renovare, & carnis concupiscentias refrenare.

42. Bonorum operum classes tres sunt, quædam enim respiciunt Deum, quædam nos ipsos, quædam proximum.

43. Summa enim pietatis hæc est,

ut ^{pie}εὐσεβῶς, ^{iuste}δικαίως ^{et}καὶ ^{sobria}σωφρονῶς vivamus. Tit. 2. v. 12.

44. Sacramenta sunt verbi signacula, fidei confirmandæ ergo instituta; sunt verbum visibile.

45. Talia in V. T. sunt Circumcisio & Agnus Paschalis; in Novo Baptismus & Cœna Domini.

46. Per verbum illud tum ^{audibile}αὐδῶν, tum ^{visibile}ὀπταῶν colligitur Deo in his terris Ecclesia.

47. Cujus sunt tres hierarchiæ: Ecclesiastica, Politica, & Oeconomica.

48. Ecclesiasticæ hierarchiæ Monarcha & Caput vult esse Papa Romanus.

49. Sed cum absq; divina ordinatione velit esse ^{constitue Christus}αὐτὶς ^{Christus}ἐκείνῃς, inde fit Antichristus.

50. Ministerium verbi sive hierarchia Ecclesiastica constituitur hodie per vocationem mediatam.

51. Politica hierarchia complectitur

tur Magistratus tam inferiores quam superiores.


52. Ad Oeconomicam hierarchiam pertinet Conjugium, quod est Ecclesiæ quasi quoddam seminarium.

53. Ecclesiam suam Deus in hac vita subijcit cruci, cujus rei causas habet longè urgentissimas.

54. Tandem autem in futura vita eam glorificabit ab omnibus hostibus, malis & periculis liberatam atq; liberam.

55. Mors & iudicium extremum absq; ullo intermedio purgatorio piis & credentibus est aditus ad vitam æternam.

56. Impii autem & increduli olim abjicientur in inferni ignem inextinguibilem.



II. APHORISMI THEOLOGICI DE SACRA SCRIPTURA.

1. **U**Nicum Theologię principium est Dei verbum in Scripturę sacrę monumentis hodie propositum.

2. Nomine Scripturę sacrę proprię & strictę accepto intelligimus V. & N. T. libros indubitato Propheticos & Apostolicos.

3. Qui etiam dicuntur Canonici, cum sint canon & regula plenissima divinę agnitionis & cultus.

4. Tales in V. T. sunt : Genesis, Exodus, Leviticus, Numeri, Deuteronomium, liber Josuę, Judicum, Ruth, duo libri Samuelis, duo Regum, duo Paralipomenon, Esdras, Nehemias, Esther, Job, Psalmi, Proverbia, Ecclesiastes, Canticum Canticorum, Esaias, Jeremias cum Threnis, Ezechiel, Daniel, Oseas, Joël, Amos, Oba.

Obadiah, Jonas, Micheas, Nahum, Habacuc, Zephaniah, Haggæus, Zacharias, Malachias.

5. Reliqui V. T. libri sunt Ecclesiastici, (Hieronymo dicuntur Apocryphi) qui nec à Prophetis scripti, nec ab Ecclesia Judaica p. Canonicis habiti.

6. Destituuntur etiam Christi & Apostolorum testimonio:

7. Quin etiam à probatissimis Conciliis & Patribus *ἐξω τῶ Κανον* esse statuuntur.

8. Adde, quod in plerisq; ipsorum ostenditalia possint, quæ vel exploratò Canonicis repugnant, vel in veritatem Historicam & Chronologicam impingunt, vel sibiipsis contradicunt.

9. Canonici N. T. dicuntur, qui ab omnibus Ecclesiis sine ulla dubitatione pro verè & certò Apostolicis semper sunt recepti.

10. Tales sunt; Evangelium Matthæi,

thæi, Marci, Lucæ, Johannis; Acta Apostolorum; Epistola Pauli ad Romanos, duæ ad Corinthios, ad Galatas, ad Ephesios, ad Philippenses, ad Colossenses, duæ ad Thessalonicenses, duæ ad Timotheum, ad Titum, ad Philemonem, prima Petri, prima Johannis.

11. Reliqui non fuerunt tam consentienti suffragio olim ab omnibus recepti, quo respectu dicuntur à quibusdam Apocryphi.

12. Tales sunt; Epistola ad Hebræos, Jacobi una, Petri secunda, Johannis secunda & tertia, Judæ una, Apocalypsis Johannis.

13. Sed cum pleriq; veterum non tam de autore eorum primario scilicet Spiritu sancto, quàm de autoribus secundariis dubitaverint, ideò quoad probandi autoritatem libenter patimur eos Canonicis exæquari, neq; hac de re cum quoquam pugnabimus.

14. Scri-

14. Scriptura illa sacra est ^{Deo inspirata}
56 2. Tim. 3. v. 16. ideo sancti Dei homines non solum locuti sunt impulsu Spiritus sancti, 2. Petri 3. v. 21. sed etiam scripserunt.

15. Idem Dei verbum, quod viva voce sine Scriptura in V. T. diutissime, in N. T. non ita longo tempore annunciatum ac conservatum, idem inquam postea per Dei voluntatem in Scripturas est redactum. Iren. lib. 3. cap. 1.

16. Proinde discrimen aliquod reale inter verbum Dei prædicatum & verbum scriptum non patimur constitui.

17. Accidit enim verbo Dei, ut vel prædicetur vel scribatur.

18. Quamvis verò Prophetæ & Apostoli ^{dicti} *ῥητορικῶς* à Spiritu sancto non integras suas conciones conscripserint: tamen ab iis electa sunt quæ scriberentur, quæ saluti credentium sufficere

ficere visa sunt. August. tract. 49. in Johan.

19. Ideoq; sacram Scripturam dici mus esse perfectam, id est, continere ea omnia, quæ ad fidei instructionem & vitæ informationem ad propositum vitæ æternæ brabeum contendenti- bus necessaria sunt.

20. Perfectionis hujus evidens te- stimonium proponitur 2. Tim. 3. v. 16.

& 17. ubi Scriptura sacra ita utilis ad

^{doctrinam,} διδασκαλίαν, ^{reargutionem,} ἀντιλεγχόν, ^{correctionem,} ἀντιπαρονομαζόν,

& ad ^{disciplinam} παιδείαν dicitur, ut perfectus sit

Homo Dei ad omne opus bonum in- structus, ideoq; etiam Scriptura po- test nos σοφισαί sapientes reddere ad salutem.

21. Cum ergo utilitas, quæ cum re- latione ad indigentiam accipitur du- plex sit: adæquata & totalis seu suffi- ciens, omnem indigentiam auferens; & partialis, quæ non sola, sed cum aliis ministris indigentiam tollit, mani- festum

festum est de priori utilitatis specie Apostolum loqui.

22. Ex illis, quæ scripta sunt, possumus discere fidem in Christum, Joh. 20. v. ult. ad omne bonum op^o instrui, 2. Tim. 3. v. 17. & poterant divitis epulonis fratres Moſen & Prophetas audiendo (utiq; in Scripturis) gehennæ cruciatus effugere, Luc. 16. v. 29.

23. Ex quo talis Scripturæ perfectio, qualem ei assignamus, spontè sequitur: Qui enim credit in Christum, qui ad omne bonum opus instruitur, & vitæ æternæ fit particeps, quid ultra desiderabit.

24. Considerandum etiam hoc argumentum, Apostolus Paulus annuntiavit Ecclesiæ Ephesinæ omne Dei consilium, scil. de salute nostra Act. 20. v. 27. Idem Apostolus nihil dixit extra Moſen & Prophetas, Act. 26. v. 22. Ergò in Moſe & Prophetis omne consilium Dei de salute nostra continetur.

25. Quod

25. Quod si perfecta est Scriptura, valeant ergò traditiones, quæ præter Scripturam eodem pietatis affectu & fide suscipiendæ obtruduntur.

26. Sunt enim dubiæ fidei, sunt quandoq; inter se contrariæ, sunt corruptelis veritatis obnoxix vel maxime.

27. Testatur Ecclesiastica Historia, quòd in primitiva Ecclesia sub nomine Apostolicarum traditionum falsa sint conficta, quodq; opinio traditionis magnis etiam viris olim imposuerit.

28. Porro cum ab ipso Deo Scriptura sacra hoc fine sit hominibus proposita, ut ex ea erudiantur ad salutem, inde concludimus, Scripturam esse perspicuam.

29. Num Deus mentis & linguæ artifex disertè loqui non possit? imò verò summâ providentiâ carere fucò voluit ea, quæ divina sunt, ut omnes intel-

intelligerent, quæ ipse omnibus loquebatur. Lactant. lib. 6. div. Instit. c. 21.

30. An non quod erudire debet, hoc est, ex rudi & ignorante doctum ac sapientem facere, oportet esse perspicuum.

31. Perspicuitas docet, non obscuritas vel perplexitas.

32. Ceterum, quando Scripturam sacram dicimus perspicuam, nequaquam volumus omnia omnino, quæ uspiam in Scripturis proponuntur, ita comparata esse, ut primo intuitu cuivis sint obvia.

33. Sed hoc volumus tantam esse Scripturæ perspicuitatem, ut ex ea certa aliqua & constans sententia de dogmatibus, quorum cognitio ad salutem cuivis necessaria est, haberi possit.

34. Sermo Propheticus & Apostolicus sunt partes Scripturæ integran-

B

tes,

tes, at de utriusq; perspicuitate extant testimonia, quomodo ergò Scriptura tanquam totum constituetur obscura.

35. Sermo Propheticus in V. T. propositus comparatur lucernæ, ψ . 119. v. 105. 2. Petri 1. v. 19. de sermone Apostolico dicitur 2. Cor. 4. v. 3. & 4. quod per accidens demùm obscur⁹ & operus sit, per se igitur & ex sua Natura erit perspicuus.

36. Ex demonstrata Scripturæ perfectione & perspicuitate consequitur, eam esse controversiarum, quæ de Christianæ religionis capitib⁹ agitantur, normam certam atq; unicam.

37. Quod ψ . 19. v. 5. de Apostolis dicitur: In omnem terram exivit linea seu perpendiculum eorum, id Paulus Rom. 10. v. 18. ad doctrinam Apostolorum accommodat, atqui eadem scripserunt & docuerunt Apostoli.

38. Christus etiam & Apostoli in controversiis fidei definiendis nupiam

piam ad aliam, quàm Scripturæ normam vel provocârunt, vel nos ablegarunt, quos Ductores & Pastores, quæ ovicula non sequatur?

39. Sermo Christi, Prophetarum & Apostolorum in Scriptura sacra comprehensus judicabit omnes in novissimo die, Joh. 12. v. 48. Rom. 2. v. 16. Apoc. 20. v. 12. quid ergò prohibet, quò minus in hac vita possit esse norma, & quidem perfecta?

40. Si enim pars quædam doctrinæ coelestis est extra libros Canonicos proposita, quomodo integrum ex illis olim erit judicium?

41. Porro cum omnibus Christianis non solum concessum, sed & mandatum sit Spiritus probare, 1. Joh. 4. v. 1. cavere à Pseudoprophetis, Matth. 7. v. 15. omnia probate, 1. Thess. 5. v. 21. & hac ratione ipsis incumbat, veritatē divinam ab humanis somniis discernere, utiq; etiam norma illi⁹ veritatis

Scriptura scilicet ad omnes pertinebit, & proinde Laici à Scripturæ lectione non sunt arcendi.

42. Quod Spiritus sanctus approbat & commendat, id prohibitum nemo dixerit. At commendantur Berhoënſes hoc nomine, quòd Pauli concionem ad Scripturas exegerint, Act. 17. v. 11. commendantur electi advenæ dispersionis Ponti, Galatię, Capadocię, Asię & Bithynię, quòd Prophetico sermoni tanquam lucernę attendere consueverint, 2. Petri 1. v. 19. commendatur omnibus Christianis diligens Scripturarum studium. Coloss. 3. v. 16.

43. Cumq; Laici Hebręę & Gręcę linguę, quibus V. & N. T. libri sunt conscripti, plerunq; ignari sint, & tamen Scripturam legere debeant, ideò non improbandum est eorum studium, qui Scripturas sacras in linguam vernaculam transtulerunt.

44. Et

44. Et tamen solus Hebraicus textus in V. Græcus in N. T. est authenticus, quippe in quibus linguis utrumq; est editum.

45. Quod à fontibus illis discedit, pro verbo Prophetico & Apostolico hætenus haberi nec potest, nec debet, cum non sit ^{Deo inspiratum} *Ἰεροννέου*.

46. Vulgata ergò illa versio, quam Hieronymi esse, facilius dici quàm probari potest, nullo jure in sublime istud authenticæ autoritatis solium collocari potest:

47. Habet namq; mendas graphicas, ellipticas, Chronographicas, & dogmaticas complures.

48. Corruptum habent sensum, qui Hebraicum textum corruptum esse dicunt.

49. Nec puram veritatem amant, qui fontes purè fluere negant.

50. Finis atq; usus Scripturæ sacrae per ejusdē legitimā interpretationem obtinetur.

51. Cum verò Scriptura perfecta & perspicua sit, ideò ex seipsa & per seipsam interpretanda est.

52. Quod enim perfectum est, heterogeneousorum assumendo carere debet, quod perspicuum, alieno lumine non indiget,

23. Etsi v. perspicua sit Scriptura, tamen mentis nostræ tenebricosi oculi ad lucem illam cœcutiunt :

54. Accessurus ergò ad Scripturæ interpretationem mentem à S. S. illuminari seriis gemitibus petito.

55. Dei gloria & hominum ad salutem instructio suprema lex Interpretationis esto.

56. Cumq; quodlibet doctrinæ celestis caput propriis & perspicuis verbis alicubi in Scriptura sit expositum, ideò reliquorum locorum interpretatio illis conformis esto, sic erit fidei analoga. Rom. 12. v. 6.

57. Nativitas vocabulorum significatio.

cationes sedulò observato.

58. In dubiis ad fontes Hebræos in V. ad Græcos in N. T. decurrito.

59. Cujusq; Dicti scopus, circumstantiæ, antecedentia & consequentia studiosè respiciuntor.

60. Obscuriora & pauciora quę sunt per plura & clariora explicantor.

61. A litera, in articulis fidei præsertim, ne recedito, nisi ipsa Scriptura improprietatem ostendat, eamq; exponat.

62. Patrum Scriptis adminiculi & *manuuctionis* *χειρὶ γράφειν* loco in Scripturæ interpretatione dextrè utitor.

63. Interim ea non ut Canonica habeto, sed ex Canonicis considerato: quod in eis divinarum Scripturarum auctoritati congruit, cum laude eorum acceptato; quod non congruit, cum pace eorundem respuito. August. lib. 2. contra Cresc.

cap. 32.

B 4

III. APHO.

III. APHORISMI THEO- LOGICI DE DEO.

1. **S**ummus totius Scripturæ finis est
Dei agnitio, & eam consequens
ejusdem celebratio.

2. Ab uno illo omnia, ad unum il-
lum omnia.

3. Deum esse, etiam Naturæ liber
ostendit, est enim ^{mundus} ο κόσμος ^{et cognitionis di-} της θεογνω-
^{σιν} σιας ^{παιδαγωγία} παιδαγωγία. Basil. in Hexaëm.

4. Libri hujus folia præcipuè tria;
Cælum, Terra, Mare & omnia, quæ
in illis, ut Clem. Alexandr. loquitur.

5. Sed ex Scripturæ sacre libro co-
gnitio Dei certior, evidentior & per-
fectior peti potest:

6. Obtenebrati sunt per lapsum
mentis nostræ oculi, inde est, quod
minùs expeditè in libro Naturæ pro-
gredi possimus.

7. Naturalis illius de Deo notitiæ fi-
nis

nis ab Apostolo constituitur ^{quod} *ἡμεῖς*
^{Deum} *τὸν Θεόν*, Act. 17. v. 27.

8. Testatur ipsa de sui imperfectio-
ne, ideò ad revelationem pleniorē
in Ecclesia inveniendam debet esse
manuductio.

9. Essentia Dei transcendit creata
omnia, ideò etiam cognitio ejus per-
fecta omnem transcendit intelle-
ctum, ^{Divinum incomprehensibile} *ἡμεῖς* *Θεὸν ἀκατάληπτον*, Damasc. 1.
orth. fid. c. 1.

10. Et quod inde consequens est,
sicut summus ille Spiritus (DEUS) à
nullo intellectu propriè valet excogi-
tari, ita nullà definitione potest pro-
priè definiri aut determinari. Aug. de
cogn. veræ vitæ cap. 7.

11. Nullis tam plenè vocibus indi-
cat⁹ intelligitur, quàm illis, quæ igno-
rationem prætendunt nostram. Scal.
exerc. 365. sect. 2.

12. Quæ proinde occulta Deus esse
voluit, non sunt scrutanda : nihilo ta-

men minus, quæ sui revelatione manifesta fecit, non sunt negligenda, ne in illis illicitè curiosi, in his damnabiliter inveniamur ingrati. Ambrosius i. de vocat. gent. c. 7.

13. Deus omnibus rebus dedit esse, est ergo primum, summum & independens Ens.

14. Est ^{ipse} ~~aut~~ ^{met} ~~av~~ ^{tos}, Scal. l. d. ^{essentia super} ~~801a~~ ^{essentia} ~~essentialis~~ ^{801a}, Dionys. lib. i. de div. nomin. cap. i.

15. Est essentia omnium essentiarum, creator omnium creaturarum, vita omnium vitarum, causa omnium causarum.

16. Ipse dat omnibus omnia, à nullo accipit quicquam.

17. Supra eum nihil, extra eum nihil, sine ipso nihil, infra eum nihil: sub ipso totum, in ipso totum, cum ipso totum: ab ipso omnia, per ipsum omnia, in ipso omnia. August. de Specul. c. 33.

18. Esse

18. Esse Dei & esse creaturarum infinito fecernuntur discrimine, ^{solummodo} non ^{et eximie} ~~non~~ Deo cōpetit essentia.

19. Deus est Spiritus, Joh. 4. v. 24. Spiritus carnem & ossa nō habet, Luc. 24. v. 39. Deus ergō incorporeus est.

20. Quæ corporea Deo tribuuntur
ἀνθρώποις παθῶς, ea intelligenda sunt θεο-
πρεπῶς.

21. Condescendit nobis Deus, ut nos
confurgamus ei, & cum homines si-
mus, humano more nobis loquitur.

22. Scriptura per corporalia docet
spiritualia , per visibilia docet invisi-
bilia.

23. Sic oculos habere Deus dicitur, qui sunt super justos : manum, quâ dat escam omni carni : pedes, quorum terra scabellum est : hæc omnia habet per effectum, non per affectum. Bern. serm. 4. sup. Cant.

24. Est ergò totus oculus, quia videt
omnia: totus est man⁹, quia operatur
omnia,

omnia; totus est pes, quia ubiq; est.
August. super ψ . 136.

25. Æternus Deus est, principii & finis expers, ab ipso omnia, ipse à nullo, nulli mutationi aut successioni obnoxius, ipse solus potest dicere, Sum qui sum, Ero qui ero. Exod. 3. v. 6.

26. Si initium Deo tribueretur, mutatio etiam tribui deberet; ^{in creatis} αἰτῖς, ^{in tempore expers, principii carens fine exemptis} ἀρχῶν, ἀναρχῶν, ἀτελεύτητος, ἀναλ-
^{tabilis} λωτός est, verè ergò ^{eternus} αἰών.

27. Quod si expers mutationis est, utiq; etiam compositionis, & quidem cujuscunq;.

28. Solus ipse verè & propriè simplex, præter ipsum composita omnia, si non aliter saltem ex actu & potentia, exesse & essentia.

29. Essentia Dei non solùm simplissima est, sed etiam infinita & im-
mensa, reb⁹ omnib. adest Deus non solùm per suam potentiam, quâ conser-
vat omnia, sed etiam per essentiam,
quâ

quâ intimiùs rebus creatis præsens est,
quàm ipsæ sibiipsis.

30. In illis verbis, in quib⁹ Deus dicitur ubiq; esse per essentiam, credendum est plus contineri, quàm homo vivens valeat capere. Lomb. i. sent. dist. 37. F.

31. Nec tamen per locorum spacia, quasi mole corporeâ diffusus est Deus, ita ut in dimidio mundi corpore sit dimidius, & in dimidio vicissim dimidius, atque ita per totum totus, sed in solo cœlo totus & in sola terra totus, & nullo contentus loco, in seipso ubiq; totus, August. Epist. 57. ad Dard.

32. Neq; propterea aut rebus est immixtus, aut rerum sordibus infectus: est intra omnes creaturas, non inclusus: est extra omnes creaturas, non exclusus.

33. Bonitas, Sapientia ac Potentia Dei ex creaturarum inspectione: Miseri-

sericordia, Justitia & veritas ex mundi
adminiftratione colligitur, unde cor-
datiores ex gentilib. hæc agnoverunt:

34. In Scripturæ libro de his & aliis
D E I attributis testimonia numero
plura, pondere graviora, perspicuita-
te clariora extant.

35. Cum verò Deus immutabilis sit,
ideò hæc attributa non sunt qualitates
in Deo, sed sunt ipsa Dei essentia. Sa-
pientia non est aliquid superadditum
divinæ essentiæ, sed ipsa essentia.

36. Nihil est in Deo, quod non sit ipse
Deus. Bernh. serm. 80. sup. Cant.

37. Intelligamus ergò Deum, si pos-
sumus, quantum possumus, sine quali-
tate bonū, sine quantitate magnum,
sine indigentia creatorem, sine situ
præsentem, sine habitu omnia conti-
nentem, sine loco ubiq; totum, sine
tempore sempiternum, sine ulla sui
mutatione mutabilia facientem, ni-
hilq; patientem. Aug. 5. de Trin. c. 1.

38. Unum

38. Unum verum Deum esse Catholica credit & profitetur Ecclesia, ab ipso Deo in Scripturis hoc edocta.

39. Cum hac divinæ essentiae unitissima (ut ita loquar) unitate Trinitas personarum non pugnat: unus ille verus Deus est Pater, Filius & Spiritus sanctus.

40. Dicimus tres personas, sed non ad præjudicium unitatis in essentia, dicimus unum Deum, sed non ad confusionem Trinitatis. Bernh. lib. 5. ad Eugen. in princ.

41. Quæris, quomodo hoc esse possit? sufficiat tibi credere sic esse, extra verbi limites hoc scrutari temeritas est, credere pietas, nosse vita æterna est. Bernh. l. d.

42. Esse Patris est esse Filii & esse Spiritus sancti, sed esse Patrem non est esse Filium, nec esse Spiritum sanctum.

43. Ego & Pater unum sumus, dicit Filius

Filius Joh. 10. v. 30. Quod dixit unum, respicit ad essentiæ unitatem, & liberat te ab Ario: quod dixit sumus, refoicit personarum distinctionem, & liberat se à Sabellio. August, lib. 5. de Trin. cap. 9.

44. Nec debemus unum cogitare Deum, quin trium personarum fulgore circumfundamur, nec debemus tres personas distinguere, quin subito ad unum Deum feramur. Nazianz. serm. de sacro Bapt.

45. Credatur à nobis una Divinitas sine confusionis separatione distincta, ut nec singularis putetur in Trinitate persona, nec triplex in unitate substantia, sed ita assignetur pluralitas unitati, ne Trinitati subtrahatur æqualitas. Aug. serm. 29. de tempore.

46. Pater à nullo est factus, nec creatus, nec genitus, nec procedens: Filius à Patre solo est, non factus, nec creatus, sed genitus: Spiritus sanctus à Pa-

à Patre & Filio est non factus, nec creatus, nec genitus, sed procedens. Athanas. in Symb.

47. Vitandum est in divinis nomen diversitatis, ne tollatur essentialis unitas: vitandum nomen separationis vel divisionis, ne tollatur divinæ essentialis simplicitas: Vitandum nomen disparitatis, ne tollatur personarum æqualitas: vitandum nomen alieni & discrepantis, ne tollatur essentialis identitas: vitandum nomen singularitatis, ne labefacteretur una tribus communis Deitas.

48. Vitandum nomen unici, ne tollatur personarum numerus: vitandum nomen confusi, ne tollatur personarum ordo: vitandum nomen solitarii, ne tollatur trium personarum consortium. Th. p. i. q. 31. art. 2.

49. Non debemus dicere cum Zanchio, quod tres personæ sint partes Dei essentialis, lib. 2. de trib. Elohim c. 7. p. 529.

C

50. Re-

50. Rectius Augustinus pronun-
ciat, essentiam prædicari de Patre, Fi-
lio & Spiritu sancto, non ut genus de
speciebus, nec ut species de indivi-
duis, nec ut totum de partibus, sed alio
quodam ineffabili & incomprehensi-
bili modo.

51. Nec cum Calvino lib. 1. Instit.
cap. 13. sect. 23. & Zanchio lib. 1. de trib.
Eloh. c. 3. itemq; Sohnio tom. 2. Exeg.
p. 123. dicendum, quod Pater sit Deus
καὶ ὁ υἱός.

52. Ubi enim essentiae identitas, ibi
nulla ^{eminentia} *ἐξουσία* aut inæqualitas. Castè &
cautè hîc loquendum.

53. Nec propterea deneganda Filio
æternitas, quia à Patre genitus est, si-
quidem ab æterno est genitus.

54. Æternus Pater æternum gene-
rat Filium.

55. Generatio illa Filii facta intelli-
gatur ^{sine passione} *ἀπαύτως*, ^{sine tempore} *ἀχρότως*, ^{sine fluxu} *ἀπερὺς*, ^{sine perenni} *ἀχρόσι-*
^{biliter} *ως*. Damasc. lib. 1. orth. fid. c. 8.

56. Ni.

56. Nihilominus est propriè dicta generatio: ὁ λόγος propriè est Dei Patris Filius, verè igitur & propriè est à Patre genitus.

57. Observa autem & hîc & alibi, quæcunque à creaturis transferuntur ad Deum, repurganda esse prius ab omnibus imperfectionibus, & tum demùm id quod perfectum est, Deo tribuendū esse. Zanch. 6. de trib. Eloh. c. 7.

58. Veterum dicta, q. ex mente Patris prodierit Filius, non sunt odiosè exagitanda, voluerunt potissimùm ^{quod sine} ^{passione fuerit generatio} παῖδες τῆς γεννησεως denotare. Nazianz. orat. 2. de Filio. Basil. sup. 1. Joh.

49. Neq; tamen extendenda hæc sunt, sed piè exponenda.

60. Dignè loqui de personis, vim transcendit rationis, excedit ingenia, quid sit nasci, quid processus, Me nescire sum professus: Rob. Holcoth. q. 10. determinationum, referente Bi. ele. 1. sent. dist. 13. q. un.

61. Colligamus definitionem. Deus est essentia spiritualis, simplex, intelligens, æterna, verax, bona, iusta, sancta, casta, misericors, liberrima, immensæ sapientiæ & potentiæ, alia à mundi-creaturis & corporibus omnibus: Pater æternus, qui ab æterno ex essentia sua Filium imaginem suam substantialem genuit, & Filius imago Patris coæterna, ab æterno à Patre genitus: & Spiritus sanctus à Patre & Filio procedens, Creator & Conservator rerum omnium, Redemptor & Sanctificator Ecclesiæ, unus verus DEUS benedictus in secula.

62. Breviter, DEUS est Jehovah, Elohim, id est, una divina essentia trium personarum. Sancta illa Trinitas est indivisa trium unitas.



IV. APHO-

IV. APHORISMI THEO- LOGICI DE PERSONA ET OF- ficio Christi.

1. **Q**uàm salutaris est Christi Salva-
toris cognitio, tam grata nobis
esse debet doctrinæ de Christo expli-
catio.

2. Christus est *θεάνθρωπος*, verus
Deus & Homo verus.

3. Ejusdem igitur periculi est in
Christo vel Divinitatem vel carnem
nostri corporis negare.

4. Deus est per æternam ex Patre
generationem; homo est per carnis
ex Maria assumptionem.

5. Neq; enim carnem è cœlo *ὁ Λόγος*
secum detulit, sed veram humanam
Naturam ex purificato Mariæ sangui-
ne assumpsit.

6. *Assumptio* *προσληψις* illa omnem Naturæ
cursum, imò omnem mentis nostræ
captum excedit, peculiari quippe Spi-
ritus

ritus sancti operatione facta est.

7. Neq; tamen ^{seminally} ~~σπέρματος~~ sed ~~μηδ' ἄλλως~~ hīc egit sanctus Dei Spiritus.

8. Virginem sine virili semine concipere; virginem esse sanctissimi par-
tus matrem, imò Deiparam; Naturæ terminos excedit, non autem Spiritus sancti operationem terminat.

9. Assumfit ὁ λόγος & humanam Naturam non solum veram; sed & integram, hoc est, tūc perfectam, tūc ab omni peccati labe immunem.

10. Assumfit autem in personæ suæ unitatem, proinde carnis assumptio est ipsa τὸ λόγος & carnis personalis unio.

11. Persona non assumfit personam, sed secunda Trinitatis persona humanam assumfit Naturam.

12. Non ergo alius est Deus, alius homo in Christo; sed idem ipse est Deus, qui & homo.

13. Non

13. Non ^{alius} αλλο ^{et} καὶ ^{alius} αλλο, sed ^{aliud} ἄλλο
^{et} καὶ ^{aliud} αλλο est in Christo.

14. Ita namque asserenda Naturarum dualitas, ut non negetur arctissima atque indissolubilis personæ unitas.

15. Solam Filii personam incarnatam esse Veteres dicunt.

16. In qua locutione vox personæ non opponitur divinæ Filii Naturæ, sed Patris & Spiritus sancti personæ.

17. Alibi enim dicunt, & rectè, quòd tota Divinitas ^{in una} ^{~ sui ipsius} ^{personarum} ἐν μιᾷ τῶν ἐαυτῆς ὁσέων sit incarnata.

18. Persona τῆ λέγῃ & Natura divina τῆ λέγῃ non differunt realiter.

19. Divinitas tota & perfecta est in qualibet persona.

20. Ergò incarnatâ unâ personâ rectè dicitur tota Divinitas incarnata;

videlicet in una illa persona & λόγος.

21. Unio illa Naturæ divinæ & humanæ in Christo personalis est, sed non personarum : est unio Naturarum, sed non naturalis.

22. Est etiam unio inseparabilis tum temporis tum loci respectu.

23. Quam enim λόγος & semel assumpsit carnem, eam nunquam deponet.

24. Quam sibi semel univit Naturam, eam nusquam deponit.

25. Assumpta illa humana Natura non est ^{per se subsistens} ἰδιούρως &, nec ^{ipsa persona} αὐτοῦ ποιεῖ &, nec ^{sine persona} αὐτοῦ ποιεῖ &, sed ^{in persona} ἐν ὑποστάσει &.

26. Ἐν ὑποστάσει & est non qualicumq;, in λόγῳ gestatione, sed plenissimā totius personæ & λόγος communicatio-
ne.

27. Ergo post factam incarnationem nec persona & λόγος extra carnem, nec caro extra personam & λόγος statuenda.

29. Quæ Deus conjunxit, quæ in
Deo

Deo conjuncta, homo nec separet nec
divellat.

29. Nec statuenda est nuda quædam
unitarum Naturarum *περίστασις*, sed
potius arctissima & intima *περίχω-*
ρησις.

30. Ad denotandam personæ uni-
tatem dicunt veteres, unionem esse
factam *ἀδιαφύκτως*, *ἀχωρίστως*, *ἀδιασά-*
τως.

31. Ad denotandam Naturarum
dualitatem, dicunt unionem esse fa-
ctam *ἀσυνχώρως*, *ἀτρέπτως*, *ἀαλλοιω-*
τως, *ἀμετάσλητως*.
inconfuse *inconvertibiliter* *inalterabiliter*
immutabiliter

32. Manet caro finita in ipsa unionem,
proinde non fit Naturarum exæqua-
tio vel coextensio.

33. Infinita *πρόσωπον* per unionem
particeps fit caro, proinde non fit Na-
turarum per *ἀπέχοντα* locorum sepa-
ratio.
intervalla

34. Propter hanc unionem hypo-
staticam rectè dicitur, Filius Dei est Fi-

C 5

lius

lius Mariæ : & vicissim Filius Mariæ est Filius Dei; Deus est homo, & homo est Deus.

35. Quæ propositiones commodissimè dicuntur personales:

36. Fundamentum enim earum consistit in unionè personali, & tota earum vis, veritas, proprietas & connexio ex unionè personali duarum Naturarum in Christo æstimanda est.

37. Ad Logicæ regulas referri nec possunt, nec debent, cùm illa ^{verbi} & λόγος ^{incarnatio} ενσαρκωσις ^{rationem} λογικὴν humanum, imò Angelicum excedat.

38. Regulares ergò non sunt istæ propositiones, cùm supra rationis & Logicæ regulas assurgant.

39. Sed nec figuratè dici debent, cùm non in figura, sed verè & propriè Filius DEI sit hominis Filius.

40. Consequens unionis personalis est idiomatum communicatio.

41. Cùm

41. Cùm enim Deitas & attributa Deitatis sint ^{idem} ταυτοῦτι, cumq; idioma-
ta sua proximè Naturam attingen-
tia humanitas habeat, ideò divinæ &
humanæ Naturæ in Christo unio,
quandam idiomatum communica-
tionem affert.

42. Primò enim Naturæ illæ duæ
non subsistunt separatim, sed unitæ
sunt in unam hypostasim.

43. Ergò nec singulæ seorsim & so-
læ agunt, quæ cujusq; propria sunt, sed
persona agit omnia juxta cujusq; Na-
turæ proprietatem.

44. Inde est, quod propria unius
Naturæ tribuuntur personæ in con-
creto.

45. Veteres hoc vocant ^{retributionem} ἀντιδοσιν, ^{retributionem} ^{κατανοήσεως} κατανόησεως, & usitatissimè ^{κατανοήσεως} κατανοήσεως, ^{κατανοήσεως} κατανόησεως.

46. Subjecti loco in his proposi-
tionibus semper ponitur nomen per-
sonæ ad vindicandam personæ unita-
tem.

47. In

47. In prædicato quandoq; expresse adduntur, semper implicitè intelliguntur particulæ distinctivæ ad asserendam Naturarum distinctam proprietatem.

48. Propositiones illæ sunt reciprocae, hoc est, tam divina de homine, quam humana de Deo prædicantur.

49. Est enim æqualis unio; tam arctè humana Natura divinæ, quam divina humanæ unita est.

50. Filius hominis est creator cœli & terræ: Filius Dei est passus. Utrumque rectissimè dicitur.

51. Creatio non quidem competit assumptæ humanitati per Naturæ conditionem, tamen propter ^{personam} ~~identitatem~~ ^{ταυτοτητα} rectissimè Filio hominis tribuitur.

52. Sic passio non competit Divinitati per Naturæ conditionem: tamen propter intimam illam & ineffabilem Naturarum unionem non minus ad Filium

Filium Dei pertinet, quàm si illam in ipsa sua Natura divina sustinuisset.

53. Siquidem ὁ Λόγος humanam Naturam in personæ unitatem assumendo, omnia ejus idiomata personaliter sibi appropriavit.

54. Id Vigilius lib. 2. contra Eut. sic exprimit: Deus non est passus in proprietate Naturæ, sed in unitate personæ.

55. Deinde unio illa personalis facta est propter officium Mediatoris.

56. In quo Natura altera non otiosè quiescit, aut sua tantum privatim ac separatim agit, nihil aut aliud agente alterâ, sed utraque Natura agit cum communicatione alterius.

57. Inde est, quod nomina officii competunt Christo, & prædicantur de Christo secundum utramq; Naturam.

58. Utriusq; enim Naturæ actiones concurrunt ad ^{consummationem} ἀποτελεσμα, quoddam commune, & sit actio ^{per hominibus} θεανθρώπων ἢ ^{per virginem} θεογονικῇ.

59. Veteres id vocant ^{communionem et} κοινότητα καὶ
περίφρασιν.

60. Tertiò in Mediatoris officio hu-
mana Natura non agit tantùm huma-
na, sed quia τὰς ^{divinis actionibus dives fuit} θείας ἐνεργίας ἐπλήσθη-
σεν propter purissimam ad Verbum u-
nionem, ideò est & vocatur Deitatis
organum, non separatum aut divisum
sed personaliter unitum, in quo, cum
quo, & per quod ὁ λόγος in officio Me-
diatoris agit. Damasc. 3. Orth. fid.
cap. 17.

61. Divina quidem Natura in Chri-
sto cùm sit perfectissima, nihil ^{incompleta} ἐπλήσθη-
σεν in ista unione, sed humanæ Naturæ
^{magnum additamentum} μεγάλη προσθήκη facta, cùm præter, su-
pra & ultra essentielles suas propieta-
tes, quas in æternum retinet, divinas
^{privilegia} ἐξουσίας in & ex hypostatica illa unione
sit sortita.

62. Veteres id vocant ^{exaltationem} ὑπερύψωσιν,
^{glorificationem, transumptionem divinæ dignitatis} δοξασιν, ^{imperfectis} μεταληψιν θείας αἰτίας, μετα-
δοσιν,

onem et communicationem divinae potentiae ^{meliorati-}
 οὐσιν καὶ μετοχὴν τῆς αὐτῆς ἐξουσίας, βελτιώ-
 nem divitiarum ^{ad ascensionem}
 σιν, πλοῦτος, ἀνάστασιν.

63. Collationem illam ^{eminentiam} τῶν ἐξουσιῶν
 secundum humanam Naturam Chri-
 sto factam esse, Scriptura evidenter te-
 statur, & pii veteres magno consensu
 approbant.

64. Quando ergo à Patre talia Fi-
 lio in tempore collata dicuntur, se-
 cundum humanam Naturam collata
 esse intelligantur.

65. Ut sit relatio inter Patrem dan-
 tem, & Filium in tempore accipien-
 tem, non respectu divinæ Naturæ, jux-
 ta quam est essentialiter unum cum
 Patre, & quæcunq; Pater agit, eadem
^{similiter} ομοίως agit. Joh. 5. v. 19. sed respectu
 humanæ Naturæ, quæ istorum erat
 capax atq; indiga.

66. Data autem sunt verè in-
 finita & immensa dona, videli-
 cet ^{omnis potestas} πᾶσα ἐξουσία, ^{divina gloria} τῆς αὐτῆς δόξης, ^{omnes} πάντες
^{thesauri} θησαυροὶ ^{sapientiae} σοφίας, ^{officia} ἐνέργειαι, ^{omnis} τῆς αὐτῆς
 τικῆς,

^{prolestar faciendi iudicium,}
τιμή, ἐξ ὧν ποιεῖν κρίσιν, præsens impe-
rium in cœlo ac terra.

67. Neq; tamen physica quædam
hic cogitetur vel statuatur idiomatum
divinorum effusio, sed ut ipsa unio, ita
quoq; communicatio personalis est.

68. Nullam idiomatum suorum ex-
cidentiam Divinitas λόγος est passa,
nec idiomatica illa per hanc communi-
cationem sunt carni propria facta.

69. Sed divina Natura Filii idioma-
ta sua intra arctissimum ^{persona} ὑπόστασεως
sue complexum retinens, ac nihilo-
min⁹ humanam Naturam in ^{communicationem} κοινωνίαν
atque unitatem ^{persona} ὑπόστασεως sue assu-
mens, eandem simul in ^{communicationem} κοινωνίαν idio-
matum divinorum assumit, hoc est, in
& cum humana Natura, ac per eam,
utpotè ὄργανον ^{personale} ὑποστυτικόν idiomatica
sua exerit.

70. Communicationis ergò illius
fundamentum in ^{assumptione} πρόσληψι proprie
consistit.

71. Non

71. Non enim humana Natura assumpsit divinam, sed ὁ λόγος est persona assumens, Natura humana in ea & ab ea assumitur.

72. Unio Naturarum æqualis est, interim assumere in illa unione τῷ λόγῳ, assumi verò carni competit.

73. Ac proinde etsi unio Naturarum est æqualis, tamen conditio Naturarum unitarum inæqualis est.

74. Injuriâ sui corporis non fateor affectam Deitatem, sicut Majestate Deitatis glorificatam novimus carnem. Aug. contra Felic. cap. ii.

75. Deniq; communicatio illa, cum sit unionis essentialis consequens, in primo incarnationis momento quidem facta.

76. Intercessit tamen exinanitionis status propter nos & nostram salutem.

77. Ut enim pati & mori posset Mediator noster Christus, ideò gloriam

D &

& Majestatem secundum humanam Naturam sibi communicatam in diebus carnis suę plenā luce non exeruit.

78. Non exeruit inquam, interim eā non omnimodè caruit; evacuavit se non omnimodā gloriæ & potentiæ depositione, sed usus & manifesti splendoris retractione.

79. Ad hunc exinanitionis statum pertinent conceptio, gestatio in utero, nativitas, incrementum ætatis & sapientiæ, obedientia in forma servili usq; ad mortem crucis, quam secuta est sepultura.

80. Exinanitionem secuta est gloriosa Christi exaltatio; ad quam pertinent descensus ad inferos, resurrectio ex mortuis, ascensio ad cœlos & sessio ad dextram Dei.

81. Quæ omnia pertinent ad Mediatoris officium, propter q̄ mirabilis illa divinæ & humanæ Naturæ unio facta, & quod secundum utramq; Naturam Christus administrat.

82. Ad

82. Ad hoc valuit Naturarum in Christo diversitas (*δι' ἁότης*) & personę unitas , ut q; opus erat fieri ad hominum restaurationem , si humana non posset Natura , faceret divina ; & si divinę minimè conveniret , exhiberet humana :

83. Atq; ita non alius atq; alius , sed idem ipse esset , qui utrumq; perfectè existens , per humanam solveret , quod illa debebat ; & per divinam posset , quod expediebat. Ansh. 2. Cur Deus homo. cap. 18.

84. Homo nudus satisfacere non poterat , Deus non debebat , factus igitur Deus homo , ut , qui pro se nihil debebat , pro nobis satisfacere posset.

85. Hoc Mediatoris officium Christus ita exequitur , ut sit Propheta , Sacerdos & Rex noster.

86. Officium Propheticum consistit in Evangelii revelatione & Ministerii institutione ac conservatione.

87. Officii sacerdotalis partes sunt
Satisfactio & Intercessio.

88. Regnum Christi consideratur
vel in hac vel in altera vita.

89. In hac vita est regnum poten-
tiæ vel gratiæ, illud est generale Im-
perium super omnia, hoc verò com-
plectitur specialia gratiæ opera in Ec-
clesia.

90. In altera vita erit regnum glo-
riæ, in quod electi omnes olim è pul-
vere suscitati recipientur, cujus parti-
cipes faciat nos Christus Rex no-
ster in secula bene-
dictus.



V. APHO.

V. APHORISMI THEO- LOGICI DE CREATIONE ET Angelis.

1. **D**Eus Naturâ invisibilis, ut à visibilibus sciri posset, opus aliquod fecit, quod opificem suâ visibilitate manifestaret. Ambros. in cap. 1. Rom.

2. Temporalis hæc Dei actio est & vocatur Creatio.

3. Quæ nihil aliud est, quàm totius Universi à Patre per Filium in Spiritu sancto sex distinctis diebus ex nihilo facta productio, ad ipsius Dei gloriam & hominum salutem.

4. Autor igitur creationis est Deus in essentia unus, in personis Trinus.

5. Quin & solius Dei immediata actio est illa rerum omnium creatio.

6. Pater creavit dicendo, quod Evangelista de Hypostatico & consubstantiali Dei Verbo accipiendum esse

docet. Johan. 1. vers. 1. & 9.

7. Spiritus Domini incubabat aquis, Gen. 1. v. 2. id Psaltes de Spiritu oris, hoc est, hypostatico & consubstantiali Dei Spiritu accipiendum esse ostendit. *ψ.* 33. v. 6.

8. Ergo quod Moses creatorem vocat Elobim, id rectissimè ad personarum Trinitatem refertur.

9. Quòd Patrem per Filium in Spiritu sancto omnia creasse audis, id cave de essentia vel potentia in agendo inæqualitate accipias.

10. Cùm quæcunq; Pater agit, eadē *similiter* *ομοιωσ* agat Filius, Joh. 5. v. 19.

11. Sed totum hoc ad personarum realem distinctionem, & qui ex eo resultat in operibus ad extra agendi ordinem referri debet.

12. Creavit ergo Pater per Filiū nō tamquam per *αεγρον* vel separatū aliquid instrumentum, sed ut per coæternam & consubstantialem sibi imaginem.

13. Cre.

13. Creavit autem omnia ex nihilo.

14. Alia quidem immediatè, alia verò mediatè. Damasc. 2. orth. fid. c. 5.

15. Idq; distinctis sex diebus, unde creatio à veteribus dicitur ^{opus} ~~εργον~~ ^{sexu} ~~εξαν-~~
^{duum} ~~μερον~~.

16. Uno omnia condita esse momento rationi quidem videtur congruum, sed Scripturæ Mosaicæ est ad-
versum.

17. Primo die creata sunt cœlum & terra, hoc est, totius futuri operis rudis ac informis materia.

18. Creata etiam lux est ad dispellendas abyssi tenebras ac dierum notitiumque vicissitudinem inchoandam.

19. Lux illa procul dubio obscurior, obscura igitur de ejus Natura quæstio.

20. Secundo die factum est firmamentum, hoc est, totum illud cœlestium corporum systema.

21. Supra illud aquas esse Spiritus
D 4 sanctus

sanctus disertè asserit, quæ cujus usus
sint, novitis, qui eas fecit.

22. Credamus hoc Scripturæ, cujus
major est autoritas, quàm ingenii hu-
mani capacitas. August. 2, de Gen. ad
lit. c. 4.

23. Tertio die aquas sublunares o-
mnipotens Dei Imperium congregat
& aridam apparere facit.

24. Quæ ergò sunt bases terræ? qui
maris aggeres? omnipotens Dei ver-
bum.

25. Nec verò terram Deus voluit
esse infrugiferam, sed omnis generis
herbas proferre jussit. Esai 45. v. 18.

26. Herbæ istæ non quidem omnes
homini sunt esui, interim omnes ho-
minis sunt usui.

27. Quarto die suspendit Deus in
laquearibus firmamenti majora ac
minora luminaria.

28. Quæ nihil aliud sunt, quàm lu-
cis istius primogeniæ ὀχήματα, atq; ve-
hicula.

29. Stel-

29. Stellæ tam fixæ quàm erraticæ agunt in hæc inferiora motu, lumine & influentiis.

30. Influentiæ illæ quales sint, obscurissimæ ac minima ex parte nobis obviæ est indaginis.

31. Cavendum ergò, ne humanorum scelerum causas astris ascribamus, cum astrorum conditor ab omni scelere sit immunis.

32. Sapiens dominabitur astris, id intellige de vera ac divina sapientia, quæ consistit in Dei timore ac sincera pietate.

33. Non ergò Matheſis, sed matæa est, quæ hominum fortunas, eventa & actiones ex astris prædicere fatagit. Scal. exerc. 251.

34. Quinto die repletur aqua piscibus, aër volatilibus.

35. Ex aqua præducit Deus ea, quæ intra aquam vivere non possunt, & quæ non nisi in aqua vivunt, quod o.

mnipotentia ac omnisapientia est argumentum.

36. Sextus dies natalis est animalibus terrestribus & ipsi homini.

37. Quæ omnia condita propter hominem, homo propter Deum.

38. Nulla creatura homini nocuisset, omnes potius ipsi inserviissent, si non peccasset. Aug. lib. 3. de Gen. ad lit. c. 15.

39. Detrectans homo creatori debitum servitium amisit datum sibi in creaturas dominium.

40. Creaturus hominem Deus præviam quasi consultationem instituit, quia animal ^{rationale} λογικόν rationis & consilii capax creandum erat.

41. Creatis rebus omnib. homo demum creatur, est enim totius Universi epitome, centrū ac complementum.

42. Factus etiam est in terra & de terra, nec tamen ad terram & propter terram, sed ad cœlum & propter cœlum.

43. Is

43. Is qui cœli ac terræ conditor est, in homine requiescere voluit, ideò post factum hominem requievit.

44. Quin adeò sunt omnia propter hominem condita, ut ipsos Angelos Naturâ & dignitate longè superiores homini inservire Deus iusserit.

45. Et quid mirum omnia propter hominem à D E O facta, cùm D E U S ipse propter hominem homo factus?

46. Angelorum creationem Moses non describit, nec tamen ob id ex creaturarum censu eos eximit.

47. Quo die creati sint subtiliùs quæritur, quàm fructuosius invenitur.

48. Naturæ incorporeæ ratione dicuntur Spiritus, officii ratione Angeli.

49. Spiritus quidē sunt, neq; tamen
ad

ad simplicitatem diuinæ Naturę assurgunt.

50. Cùm esse & essentia , actus & potèntia , Natura & actiones in ipsis sint distincta.

51. In corporibus quandoq; apparent , nec tamen corporei sunt , cùm assumptorum corporum sint formæ assistentes , non informantes.

52. Intelligent Angeli per species tùm connatas tùm superadditas.

53. Quam vocant cognitionem Angelorum vespertinam , cui addunt matutinam , quâ in luce verbi omnia intuitivè omnia cognoscere dicuntur.

54. Sed quid homunculorum in terra repentium intellectui de Angelorum intellectu potest esse obvium !

55. Ne nostræ quidem intelligentiæ modum plenè scimus , & de Angelico intellectu balbutire incipimus !

56. Nec solùm intelligentiâ , sed & potentiâ instructi sunt Angeli , ideo

Vir.

Virtutes ac Potestates dicuntur.

57. Finita tamen hæc ipsorum potentia, ut & finita est essentia.

58. Finiuntur autem non corporei loci circumscriptione, sed certi cuiusdam æ designatione.

59. Quidam dicunt æternitatem Dei esse mensuram Angelorum; Scal. ex. 359. sect. 7.

60. Hoc intelligendum est de mensura perfectionis, non autem de mensura durationis.

61. Esse inter Angelos certas Hierarchias non negamus, quæ verò illæ sint, sciri à nobis posse negamus.

62. Angelorum Ordo notus ei, qui eos ordinavit.

63. Quem coràm intuebimur, cūm olimerimus ^{simples angelis} ἱσ αγγελοι. Matth. 22. v. 30.

64. Conditī sunt à Deo Angeli omnes boni & perfecti, nam à bono & perfecto nil nisi bonum & perfectum.

65. Sed quidam; imò magna pars ipso.

72. Angelorum numerus nobis est innumerus.

73. Quomodo Angeli sibi invicem loquantur, discutiant & determinent illi, qui eos invicem colloquentes audiêrunt.

74. Ex subtilitate Naturæ & temporum experientia, quin & revelatione superiori quædam præscire possunt Diaboli, non tamen omnia.

75. Multa mirabilia facere possunt, non autem miracula propriè sic dicta.

76. Faciunt, quod possunt Deo permittente, quod possunt, non faciunt Deo prohibente.

77. Atq; hæc est primi ^{Dei operis} *ἡγεγνηματ* in tempore facti, hoc est, creationis qualiscunq; descriptio, cujus causa est ^{excellencia et divinitas} *ὑπερ-ολη και πλεον* bonitatis divinæ. Damasc. 2. orth. fid. c. 2.

78. Neq; enim ex indigentia, sed ex beneficentia fecit Deus sua opera; nostris

nostris non ampliatur laudibus, sed
suis manifestatur operibus. Euch. lib.
I. in Gen.

79. Est causa Universi finalis ratione
suae bonitatis; exemplaris ratione
suae sapientiae; efficiens ratione
suae potentiae. Thom. I. q. 46. art. I.

80. Dei ergo gloria finis creationis
est ultimus; hominum utilitas
secundarius & intermedius.

81. Bonus Deus benè fecit & bona
fecit omnia, ipsi sit laus, honor & glo-
ria in sempiterna secula.

VI. APHORISMI THEO- LOGICI DE PROVIDENTIA.

1. ^{omnipotens} Deus ~~παντοκράτωρ~~ non Universi
tantum est creator, sed & ejus-
dem sustentator & gubernator.

2. Omnia benè fecit, omnia benè
gubernat & administrat.

3. Sicut nihil factum nisi per essen-
tiam

tiam creatricem, ita nihil viget nisi per ejusdem potentiam servatricem. Ansh. in Menol.

4. Divina hæc omnium creaturarum sustentatio & gubernatio usitatè vocatur Providentia.

5. De qua evidens testimonium fert ipsa Natura; evidentius verò sacra Scriptura.

6. Universa igitur divinâ Providentiâ existere & gubernari veræ pietatis jura prædicant. Euseb. 6. de præpar. Evang. cap. 5.

7. Consistit autem Providentia divina in his tribus; in ^{præscientia} *πρόγνωσις*, ^{proposito} *πρόθεσις*, ^{gubernatio} *καὶ διοίκησις*.

8. Quod Hugo de S. Victore sic effert. In Providentia considerandam esse scientiam dirigentem, voluntatem imperantem & potentiam exequentem.

9. ^{Præscientia} *πρόγνωσις* est præsentissimus o
E mnium

mnium præteritorum, præsentium & futurorum intuitus.

10. Deus in τὸ ὅν non labili sed fixo, non successivo sed stabili & immobili omnia omninò intuetur.

11. Omnia temporum spacia & intervalla æternitatis suæ proprietate excludit.

12. Ut præteritorum non reminiscitur, ita nec futura è longinquo prævidet, sed præsens omnia videt.

13. Scita sunt mutabilia, transeunt & succedunt; sed scientis visio alterationis vices ignorat. Polycratic. lib. 2. cap. 21.

14. Hac scientiâ Deo omnia magis nota, quàm ipsa sibi metipsis.

15. Deus seipsum videt in seipso, reliqua omnia videt in seipso, quia ab ipso & in ipso sunt omnia.

16. Immutabilis hæc est Dei scientia, nihilo tamen minùs res quædam, ad quas se extendit, in seipsis sunt mutabiles.

17. O.

17. Omnia sunt necessaria necessitate consequentiæ, non autem necessitate consequentis.

18. Neq; enim ignotum potest esse omniscio Deo, quo vis agendi in causis contingenter & liberè agentibus sit declinata;

19. Interim suâ illâ visione non affert eis absolutam aliquam necessitatem, alias desinerent esse liberè & contingenter agentia.

20. Flagitiosum igitur est perpetrantium flagitiorum necessitatem ex divina Providentia arcessere.

21. Si ideò peccaret homo, quia Deus illum peccaturum præsciverit, non hominis sed sua peccata Deus præsciret, quod ^{impossibile} est.

22. Non ^{quod} potest solum, sed etiam ^{et} ^{quomodo} per ^{per} ^{diu} causam & modum agendi prævidet Deus.

23. Prævidet res, prævidet rerum causas, quæ ergò ex causis suis sunt vo-

luntaria vel contingentia, per divi-
nam Providentiam talia esse non de-
finunt.

24. Quomodo causarum ordo, qui
præscienti Deo certus, id efficeret, ut
nihil sit in nostra voluntate, cum in
ipso causarum ordine locum habeant
nostræ voluntates? August. 5. de Civ.
Dei cap. 9.

25. Neque verò nuda *πρόγνωσις* est
Providentia, cum Deus non sit otiosus
rerum spectator, sed etiam ^{decretum} *πρόορις*
sive ^{propositum} *πρόθεσις* voluntas & decretum re-
bus omnibus prospiciendi.

26. Providi est non tantum habere
notitiam, sed & voluntatem prospici-
endi benevolam.

27. *Πρόθεσις* illa æterna exactissime
respicit actualem rerum ^{gubernationem} *διοίκησιν* in
tempore.

28. Quicquid enim & quo modo
Deus in tempore sua *διοίκησις* agit, il-
lud & eo modo ab æterno agere suâ
πρόθεσις decrevit.

29. Δι-

29. ^{gubernatio} Διοίκησις est actualis ac temporalis illa rerum omnium sustentatio ac gubernatio, quā Deus omnia sapienter, liberè, potenter ac benè moderatur atq; dirigit.

30. Hæc Διοίκησις ad omnia omninò se extendit, attingit à fine usq; ad finem ^{potenter} ἐνδύσως, ac disponit omnia ^{utiliter} 254-5ως. Sap. 8. v. 1.

31. Si enim non est injuria & probrum Dei minutissimas quasq; res fecisse, multò minùs probrum illi⁹ erit, factas regere. Ambros. 1. de offic. cap. 13.

32. Omnia ex nihilo facta, ad nihilum omnia reciderent, nisi summum illud & verum Ens omnia sustentaret, quæ conservatio nihil aliud est, quàm existentiae continuatio. Scal. exerc. 250. sect. 1.

33. Utradiorum esse à Sole, esse umbræ à corpore, ita omnium creaturarum esse à divina dependet conserva-

tionem. Raym. de Sabaud. in Theol. natur. cap. 16.

34. Nec solum conservat Deus res creatas, sed etiam gubernat eas, moderatur atq; dirigit.

35. Quamvis verò omnia divinæ gubernationi subjecta, peculiariter tamen Deo curæ est genus humanum, & cum primis ex genere humano collecta Ecclesia.

36. Hac Providentiâ suâ institutum Naturæ cursum Deus ordinariè conservat.

37. Sic enim res administrat, ut eas proprios motus exercere sinat. Aug. 7. de Civ. Dei cap. 30.

38. Agit Providentia divina ordinariè per media, in illis tamen nostra non recumbat fiducia.

39. Nulla enim est causarum secundarum efficacia, quæ non descendit à prima causa.

40. Quin nec ad media eo modo alligata

ligata est Providentia, quò minùs absque illis opera sua exequi possit.

41. Omnium secundarum causarum virtus eminenter & causaliter est in prima.

42. Facile igitur causarum secundarum defectus suppleri potest à virtute primæ.

43. Positis causis secundis in actu, nihilominus divina Providentia effectum earum mutare ac impedire potest.

44. Cum causæ secundæ absq; influxu primæ agere nequeant.

45. Quinimò ex causis secundis alium effectum divina Providentia scit producere, quàm ipsarum naturalis fert proprietas.

46. Qui Naturæ leges & ordinem dedit, Naturæ legibus & ordini non est alligatus.

47. Hanc, quâ sustentantur ac diriguntur, Providentiam, ipsa bruta naturali instinctu quodāmodo sentiunt.

48. Peculiariter Deo curæ est humanæ vitæ ingressus, progressus atq; egressus.

49. In utero formare, Job. 10. v. 8. ex utero extrahere, ψ. 22. v. 10. dicitur.

50. Vitam nostram ita regit, ut ne decidui quidem illi capitis pili absq; voluntate ipsius decidant. Matth. 10. v. 30.

51. Constituit homini terminum, quem præterire nequit. Job. 14. v. 5.

52. Ita tamen moderatur vitæ humanæ cursum atq; exitum divina Providentia, ut causas secundas nec excludat, nec ad eas sit alligata.

53. Hinc intelliges conjugia ita esse fatalia, ut interim quandoq; sint fatalia;

54. Ac terminum vitæ certum quidem esse, nec tamen Parcarum quadam lege & Stoica necessitate absolutum.

55. Ut

55. Ut vitam, ita quoq; actiones hominum moderatur divina providentia.

56. Aliter tamen concurrit ad actiones bonas, aliter ad malas.

57. Actiones civiliter bonas ita moderatur, ut non solum Naturam agentem conservet, & agendi vires concedat, sed etiam actiones illas probet, juvet & peculiariter ad eas quandoq; impellat.

58. Actiones spiritualiter bonas ita præcipit & probat, ut per Spiritum suum in nobis & per nos eas efficiat.

59. Malas verò actiones nec præcipit, nec vult, nec juvat, nec ad eas impellit.

60. Mali enim non tam efficiens, quàm deficiens causa quærenda est. August. 12. de Civ. Dei cap. 7.

61. Cum sit defectus potius à Dei opere, quàm opus aliquod. Id. 14. de Civ. Dei cap. 11.

62. Deus perfectissimus & purissimus actus deficere non potest, causa ergò mali esse nequit.

63. Concurrit autem divina Providētia in malis actionib⁹ præsciendo, Naturam sustentando, permittendo, deferendo, Satanę tradendo, metas præfiniendo, & bonum ex illis eliciendo.

64. Indurat ἀπειθαδικῶς non emolliendo, *πειθαδικῶς* qualemcunq; molliem auferendo, *παρεδοτικῶς* hominem sibiipſi & Satanę indurandum tradendo, *ὕλικῶς* signa & prodigia ostendendo, καὶ διατακτικῶς duritiem ad bonum finem dirigendo.

65. Hinc Suidas ex veteribus, DEUS omnia administrat κατ' οἰκονομίαν, ^{secundum} κατ' ^{beneplacitum} εὐδοκίαν in bonis, ^{secundum concessionem} κατὰ συγχώρησιν in malis.

66. Permissio illa non est imprudentis, neq; simpliciter inviti, neq; curantis, neq; otiosè spectantis, neq; hominum ac Satanę molitionibus liberum campum

campum aperientis, sed iustissimi vindicis, ac sapientissimi Moderatoris.

67. Peccata peccatis Deus eo modo punit, ut tamen peccatorum causa non sit.

68. Cumq; divina Providentia causas secundas non excludat, nec earum qualitatem ordinariè immutet, inde ratione & respectu particularis causæ quædam dici possunt fortuita ac casualia, quæ tamen Universalis causæ ordinem non defugiunt.

69. Casus & fortuna sunt humanæ ignorantia voces. August. 5. de Civit. Dei cap. 9.

70. Pia divinæ Providentiæ meditatio hoc efficere in nobis poterit, ut in prosperis nec simus elati, nec in adversis desperabundi.

71. Totos nos & omnia nostra committam⁹ ei, qui ita curat unumquemq; nostrum, tanquam solum curaret, & ita universos, ut singulos.

VII. APHO.

VII. APHORISMI THEO- LOGICI DE ELECTIONE ET Reprobatione.

1. **P**Rædestinatio est peculiaris quæ-
dam divinæ Providentiæ circa
homines salvandos actio.

2. Per eam enim dirigitur creatura
rationalis ad finem, qui proportio-
nem ejus excedit, videlicet ad vitam
æternam.

3. Quo sensu pars divinæ Providen-
tiæ Prædestinatio constituitur, Thom.
p. 1. q. 23. art. 1.

4. Doctrina de Prædestinatione si-
lentii nube non est involvenda, cum
in Scripturis à S. S. sit evoluta.

5. Tractetur autem sobriè, reveren-
ter & prudenter.

6. Dicamus, non quod & quantum
humani cordis curiositas desiderat,
sed quod & quantum Spiritus sancti
magisterium suppeditat.

7. Quod

7. Quod revelavit Deus ad nostram ædificationem, id non convertatur ad aliquorum destructionem.

8. Prædestinatio quoad quid nominis est non tantum finis, sed etiam mediorum ad finem ducentium antegressa destinatio.

9. Prædestinatio & Electio in Scripturis pari passu ambulant.

10. Nullam igitur ad mortem æternam Prædestinationem agnoscimus.

11. Aliàs sequeretur, Deum etiam ad causas mortis æternæ, videlicet incredulitatem & peccata prædestinasse, quod impium.

12. Neq; enim sicut prædestinavit Deus Sanctos ad justitiam accipiendam, sic prædestinavit iniquos ad eandem amittendam. Fulg. lib. i. ad Mon.

13. Aliàs sequeretur, Deum ad hoc homines quosdā prædestinare, q. ipse disposuit & præcepto prohibere, & misericordiā diluere & justitiā punire.

14. Præ-

14. Prædestinatio sive electio dicitur etiam in librum vitæ scriptio.

15. Neque enim Deo liber iste vitæ quosdam commemorat, ne ipsorum oblivione fallatur; sed Prædestinationem significat eorum, quibus æterna vita dabitur. Aug. 20. de Civ. Dei c. 15.

16. Ut ergò nullus electorum perit, ita qui in libro vitæ scripti, nunquam ex eo delentur.

17. Illi autem propriè & juxta Scripturæ phrasin dicuntur in libro vitæ scripti, qui perseverante fide Christo adhærent.

18. Electio non minùs quàm creatio est immediata uni⁹ ac solius Dei actio.

19. Quæ ad Filium Dei non solùm ut est unus cum Patre & Spiritu sancto Deus, sed etiam ut est constitutus Mediator, spectat.

20. Quo sensu non solùm à Christo, sed etiam in Christo electi dicimur. Eph. i. v. 4.

21. Est

21. Est autem actio non emanans, sed immanens.

22. Atq; ea quidem ordinata, unde electi dicuntur ordinati ad vitam æternam. Act. 13. v. 48.

23. Ordinis illius rationem manifestat nobis Evangelium, per quod mysterium salutis nostrę æternis temporibus tacitum in tempore revelatur, Rom. 16. v. 26.

24. Quo sensu facta dicitur electio ^{secundum prędictum et pręsentiam} ~~κατὰ τὴν προφητείαν καὶ τὴν προγνωσιν~~, Eph. 1. v. 11. 1. Petri 1. v. 2.

25. ~~Πρόθεσις~~ illa est consilium & beneplacitum Dei de hominibus per fidem in Christum salvandis.

26. ~~Πρόγνωσις~~ itidem ad fidei intuitum necessariò referenda, neq; enim omnis, quos quocunque modo Deus præscivit, sed quos in Christum Spiritus sancti gratiâ perseveranter credituros prævidit, eos ad æternam vitam elegit.

27. Ele-

27. Elegit autem ex gratia, non secundum prævifa operum merita.

28. Gratia illius causa & fundamentum unicum est Christus, in hoc dilecto gratis dilecti sumus, Eph. i. v. 6.

29. Cum verò Christus absq; fide nemini profit, ideò mentio Christi in hoc negotio includit notionem fidei.

30. Quo sensu non solum in Christo, sed & in fide electi dicimur. 2. Thess. i. v. 14.

31. Vicissim quia finis fidei, non *προσναίξας* sed constanter perseverantis est vita æterna, ideò perseverantia in fide simul connotatur.

32. Finis electionis respectu nostri est sanctificatio in regno gratia & glorificatio in regno gloria.

33. Respectu Dei finis electionis est ipsius gloria & misericordiae manifestatio conspicua.

34. Absolutè igitur errant, qui absolutum electionis decretum fabricant.

35. Si

35. Si absolutum esset decretum electionis, absolutum quoq; esset decretum Reprobationis, cum contrariorum eadem sit ratio.

36. Sed absoluto Reprobationis decreto adversatur benefica Dei omnium hominum salutem seriò expetentis voluntas.

37. Quam Scriptura verbis, Christus lachrymis, Deus ipse juramento testatam facit.

38. Nihil absoluti hîc cogitandum. Vult Deus & seriò vult peccatoris vitam, sed vult etiam ejusdem per verbum & Spiritum sanctum conversionem.

39. Si peccator verbum illud repellit & Spiritui sancto resistit, atque ita non convertitur, vult Deus justam peccatoris damnationem.

40. Hæc sibi invicem non repugnant, sed mirabile justitiæ & misericordiæ divinæ temperamentum manifestant.

41. Quæ de abscondita Dei voluntate revelatæ in verbo contraria quidam proferunt, ea cum non sint revelata, meritò à piis absconduntur.

42. Neq; solùm verbis testatur Deus, sese omnium salutem seriò expetere, sed etiam reipsâ.

43. In primo Adamo omnes (ratione seminali) condidit ad vitam æternam, in secundo Adamo omnes reparavit ad vitam æternam.

44. Primus Adam ad Imaginem Dei creatus, cujus pars erat immortalitas.

45. In primi illius parentis lumbis erant omnes homines, in ipso igitur dici possunt, ad imaginem Dei & immortalitatem conditi omnes.

46. Hæc investitura vitæ, quæ in primo parente omnibus contigit, cum absoluta quorundam ad mortem prædestinatione manifestè pugnat.

47. Re-

47. Reparationem per Christum factam Universalem esse, qui negat, veritatem Solis radiis in verbo scriptam abnegat.

48. Non solum indefinitè pro hominibus, sed etiam Universaliter pro omnibus, quin etiam specificè & notanter pro illis qui pereunt, Christus mortuus pronuntiatur.

49. Mundi oris non sunt, qui pro potiore mundi parte talia dicta accipiunt.

50. Neq; enim minoris meriti fuit secundi Adami obœdientia, quam culpæ primi inobœdientia.

51. Nudas suas ^{pro opinionibus sine scriptura} ~~δοκίμας~~ ^{απὲρ γραφῆς} ~~απὲρ γραφῆς~~ ^{secundum opinionem} ~~κατὰ δοκίμην~~ afferunt, qui Christum tantum pro pereuntibus mortuum esse disputant.

52. Non respondent sufficienter, qui Christum sufficienter tantum, non autem efficienter pro omnibus mortuum esse dictitant.

53. Cum causam illius inefficiæ ad absolutū quoddam Dei decretum, non ad hominum culpam unicè referant.

54. Quod Christus precioso suo sanguine omnibus peperit, id Spiritus sanctus in precioso verbi deposito omnibus offert.

55. Offeritur omnibus Evangelium, in Evangelio beneficia Christi, in beneficiis Christi gratia Dei, in gratia Dei vita æterna.

56. Et sic Patris dilectio, Filii satisfactio ac Spiritus sancti vocatio semper sunt conjunctæ.

57. Illa vocatio in se & ex se respectu Dei vocantis est Universalis, jubet enim omnibus prædicari Evangelium.

58. Particularis autem redditur hominum culpâ, qui detestando verbi contemptu & se & posteros tanto thesauro spoliant.

59. Quo sensu semetipsos vitâ æternâ in

nā indignos judicare pronunciantur,
Act. 13. v. 46.

60. Si ad individua descendatur,
fatemur multa in lumine gratiæ ad-
huc esse obscura, quæ in lumine glo-
riæ olim omnibus erunt manifesta.

61. Variata est per populos ac tēpora
Dei vocantis gratia, absoluto interim
decreto non est aliquibus denegata.
Prosper. 1. de vocat. gent. cap. 5.

62. Nec gratia Dei omnes vocantis
deprimenda, nec vires liberi arbitrii
gratiam acceptantis extollenda.

63. Salus hominum agnoscatur so-
lius divinæ gratiæ donum; damnatio
hominum statuatur solius humanæ
culpæ meritum.

64. Judicia Dei semper agnoscan-
tur esse justa, licet non semper nobis
sint manifesta.

65. Prævenit ac præparat nos divi-
na gratia, antequam possimus; opera-
tur in nobis, ut possimus; cooperatur

nobis , quando ipsius dono jam possumus.

66. Ex quibus omnibus apparet, nec electionis nec Reprobationis decretum esse absolutum.

67. Non exequitur tantum Deus electionis decretum per Christum, sed fecit etiam in Christo electionis decretum.

68. Quo enim modo Deus in tempore homines justificat & salvat, eo etiam modo ab æterno eos justificare & salvare decrevit.

69. Actio Dei in tempore est speculum decreti de illa actione facti sine tempore.

70. Cujus causa est voluntatis divinæ immutabilitas.

71. Proinde ut omnes & solos perseveranter in Christum credentes in tempore Deus salvat; ita quoq; solos & omnes perseveranter in Christum credituros ab æterno salvare constituit,

tuit, hoc est, ad vitam æternam elegit.

72. Sobria igitur de Prædestinatione doctrina & meditatio incipiat à vulneribus Christi.

73. In verbi luce refulget nobis vera lux Christus : in Christo fuget cor Dei ad salutem nos eligentis.

74. Extra verbi lucem & semitam quicquid hîc vel cogitando fingitur, vel sermocinando profertur, caligo est, error est.

75. Contra verò verbi lucem sequendo neq; ad dextram præsumptuosæ temeritatis, neq; ad sinistram carnalis securitatis declinabimus.



VIII. APHORISMI THEO- LOGICI DE IMAGINE DEI IN homine antelapsum.

1. **D**ecretum Prædestinationis factum sine tempore subsecuta est hominis ad imaginem Dei creatio in tempore.

2. Imago illa Dei in primo homine utinam tam obvia nobis ad sui notitiam, quam præclara olim fuit ad summam generi nostro conciliandam gratiam!

3. Sed enim intellectum nostrum plena fugit ejus rei cognitio, cuj⁹ jamdudum (proh dolor) periit possessio.

4. Neque aliter de ea differimus, quam qui in carceris detenti tenebris præstantiam inquirunt sibi incognitæ lucis.

5. Imaginem illam Dei exponit Apostolus de justitia & sanctitate veritatis, Eph. 4. v. 24.

6. Quæ

6. Quæ cum in qualitatibus & virtutum censu sint, velex eo apparet, minus rectè Imaginem ad Naturam, similitudinem ad virtutes referri.

7. Eadem quoad substantiam in homine post lapsum mansit Natura, quæ fuit in eo ante lapsum.

8. Jam verò ad Imaginem Dei renovari dicimur, Proinde Imago Dei non est ipsa animæ rationalis essentia, quippe quæ est etiam in non renatis.

9. Quod per renovationem demùm obtinendum, id per carnis vetustatem non habetur.

10. Quod per regenerationis donum obtinetur, per carnalem generationem non possidetur.

11. Reparatur in renatis Imago Dei ^{renovatione} ^{agnitionem} ^{ἀνακαινώσει} ^{ἐκ} ^{ἀγνώστης}, Coloss. 3. vers. 10.

12. Lux illa divinæ agnitionis non est concreata animæ humanæ post lapsum proprietas, sed ex Spiritus

sancti dono ac collustratione orta re-
natorum cum Deo conformitas.

13. Ex quo sequitur, non esse defi-
niendam Imaginem Dei illis rebus,
quæ animæ hominis etiam non renati
essentialiter competunt.

14. Justitia & sanctitas illa primæva,
in qua Imaginem Dei Apostolus con-
stituit, complectitur lucem divinæ
agnitionis & sapientiæ in mente, con-
formitatem plenam cum lege Dei in
voluntate, rectitudinem omnium ani-
mæ virium & affectuum in corde.

15. Erat homo vivum sapientiæ, bo-
nitatis, caritatis, justitiæ, sanctitatis &
puritatis divinæ speculum.

16. Ratio perfectè subdita erat Deo,
voluntas rationi, affectus & reliquæ
potentiæ voluntati.

17. Nullus in homine erat servilis
metus, tristitia nulla, beata in Deo
creatore quies & exultatio perpetua.

18. Inde non solum ex creaturis
Deum

Deum cognoscebat exterius, sed etiam vivas in seipso divinæ cognitionis literas habebat interiùs.

19. Gestabat homo Imaginem Dei, ut filius sui patris, cui debet pietatem & amorem; ut servus sui Domini, cui debet reverentiam ac timorem; ut miles sui Ducis, cui debet obœdientiam & fidem; ut œconomus sui heri, cui debet exactam dispensationis suæ rationem.

20. Innocentiæ & mundicie interioris symbolum erat exterior hominis nuditas; quietem & felicitatem interiorem manifestabat Paradisi inhabitatio.

21. Nullus erat in corpore motus, cui verecundia deberetur: nihil putabat homo velandum, quia nihil sentiebat refrenandum. Aug. ii. de Gen. ad lit. c. i.

22. Perfectioni primi hominis repugnat pugnam aliquam superiorum & inferiorū animæ virium ipsi tribere.

23. Nec

23. Nec sana docent, qui languorem aliquem per justitiæ originalis antidotum sanatum ac repressum in primo homine statuunt.

24. Odio digni sunt, qui concupiscentiam malam & odio Dei dignam in primo homine considerato in puris naturalib⁹ ex materiæ conditione ortam actu primo fuisse disputant.

25. Statuere, quod ex materiæ conditione per se mala in homine concupiscentia oriatur, in Deum naturæ autorem injurium est.

26. Nec admittit Dei sapientia ac potentia, ut præter ipsius intentionem ex materiæ conditione mala illa concupiscentia dicatur orta.

27. Quis enim patienter audiat Dei operibus hoc tribui: Amphora cœpit institui currente rotâ, mox urce⁹ exit?

28. Quid præter intentionem ejus oriretur, absq; cujus intentione nihil oritur?

29. Qua-

29. Qualescunque illæ Imaginis di-
vinæ reliquiæ post lapsum adhuc su-
perstites homini naturales sunt, utiq;
ergò & primæva rectitudo primo ho-
mini fuit naturalis.

30. In homogeneis enim à Natura
partis ad Naturam totius rectè proce-
ditur.

31. Propagata fuisset Imago Dei in
posterios homines per naturalem ge-
nerationem; jam verò quæ naturali-
ter propagantur, ipsa quoque sunt na-
turalia.

32. Ex quibus omnibus apparet,
Imaginem Dei non fuisse primi ho-
minis externum quoddam & superna-
turale ornamētum, quale est virgi-
nis fertum & Samsonis robur; sed de-
cus quoddam intrinsecum & concrea-
tum.

33. Neque tamen ipsa hominis sub-
stantia, vel pars quædam hominis es-
sentialis fuit.

34. Cre-

34. Creatus dicitur homo ad Dei Imaginem, aliud ergo fuit homo ipse, aliud Imago Dei in ipso.

35. Sanctitas & iustitia soli Deo competunt per essentiam, homini autem non nisi per inhærentiam.

36. Pars quædam divinæ illius Imaginis fuit immortalitas, fecit enim Deus hominem ^{recte et in incorruptibilitate} *ευθην καὶ ἀφθάρτου*, Sap. 2. v. 23.

37. Mors illa corporis, cui post lapsum omnes subjecti sumus, non est naturalis quædam hominis conditio, sed est pœna descendens ex transgressionis maleficio:

38. Non est Naturæ à Deo institutæ debitum, sed hominis à Deo deficientis meritum.

39. Quomodo potuisset homo mortalis existens Dei immortalis Imaginem in seipso exprimere?

40. Peccati januam ubi pulsanti Sata-næ homo aperuit, ibi demum mors ad ipsum

ipsum & omnes posteros intravit,
Rom. 5. v. 12.

41. Immortalitas illa, ad quam primus homo conditus, itidem ut ipsa tota Dei imago fuit naturalis & intrinseca quædam Naturæ humanæ proprietas.

42. Exactissima erat in corpore omnium qualitatum harmonia, & regabatur ab anima ad imaginem Dei & immortalitatem condita.

43. Ut ergo post lapsum sumus *φύσει* filii iræ ac mortis, Eph. 2. v. 3. ita primus homo ante lapsum fuit *φύσει* ^{natura} filius gratiæ & vitæ.

44. Alius tamen immortalitatis gradus fuit in Natura instituta, alius olim erit in Natura plenè restituta.

45. Primi hominis immortalitas erat posse non mori, electorum immortalitas olim erit non posse mori. August. 6. de Gen. ad lit. cap. 25.

46. Cūq; immortalitas fuerit pars divinæ

vinæ imaginis, inde apparet, etiam in corpore hominis quodammodo Dei Imaginem reluxisse.

47. Decor limi arguebat etiam formositatem animi. Bernhard. Serm. 24. super Cant. col. 564.

48. Quærenti, an etiam Eva ad Imaginem Dei condita, respondemus, vocem Imaginis esse inter ea, quæ prædicantur ^{ab uno ad unum} ~~ad~~ ^{ad} eos ^{ad} eos ev.

49. ^{primario} ~~πρωτος~~ & ^{præcipue} ~~ευγενης~~ refulgebat Imago Dei in animæ atque omnium hominis virium cum lege Dei conformitate, quæ utrique sexui salvâ graduum diversitate communis erat.

50. ~~Δευτερος~~ relucebat Imago Dei in externo illo domini privilegio, cuius eminentia viro propriè compete-
bat.

51. Neve quid ad felicitatem homini deesset, præter gratiam animæ & corporis, etiam loci gratiam, h. e. Paradisi inhabitationem Deus ipsi concesserat.

52. Spi-

52. Spiritualis & corporeus erat a Deo homo conditus, duplicem igitur habebat Paradisum spiritualem & corporeum.

53. Corporeus sive terrestris Paradisus fuit simulacrum & ^{manductio} ~~manducatio~~ ^{paradisi} ~~paradisi~~ ^{coelestis} ~~coelestis~~ interioris ac spiritualis, hoc est, summæ tranquillitatis ac lætitiæ in hominis mente.

54. Corporeus Paradisus, in qua parte terrarum situs fuerit, ostendemus ei, qui talem terrarum situm, qualis ante diluvium fuit, apertè nobis ostenderit.

55. Hortum illum adhuc superesse credemus ei, qui ramum aliquem ex eo nobis attulerit, vel idoneis fundamentis eum superesse demonstraverit.

56. Vivunt omnino Henoch & Elias in Paradiso non terrestri illo, sed coelesti, quem latroni promittebat Christus, Luc. 23. v. 43.

57. Hortum Paradisiacum nobilita-

G

runt

runt duæ cum primis arbores; Arbor
scilicet vitæ ac arbor scientiæ, Gen. 2.
vers. 9.

58. In arbore vitæ propositum erat
homini morborum ac senii ^{παρασκευαστικόν} ~~παρασκευαστικόν~~, uti etiam æternæ beatitudinis
Sacramentum.

59. Arbor scientiæ erat hominis ara
atque templum, cujus fructibus ab-
stinendo debitum creatori exhiben-
dum erat obsequium.

60. Post lapsum ab eventu sic di-
cta est, siquidem fructus illius decer-
pendo ^{fructuum experientiam} ~~κατὰ τὴν ἐξουσίαν~~ homo didicit, quan-
tum bonum per peccatum amiserit,
& quantum malum suâ sibi inobædi-
entiâ accersiverit.

61. Ex propagatione illa Imaginis
divinæ à primo homine in posteros,
quæ ipso permanente permansisset,
colligimus etiam animas fuisse pro-
pagatas.

62. Quod enim extra animam &
sine

line anima in corpore humano esse nequit, eo propagato necesse est etiam ipsam animam propagari.

63. Quam animarum propagationem adhuc perdurare, peccati originalis, quod in locum divinæ Imaginis successit, propagatio arguit.

64. Ergò ut ex animata Adæ costa animata formata est olim fœmina, ita ex animatis parentibus animati hodiè propagantur liberi.

65. Sententiam eorum, qui quotidianam & immediatā animarum creationem statuunt, tum defensuri sumus, si evidenter docere nosmet poterunt, quomodo animæ ex Adamo non veniant, & tamen ex illo justam damnationis sententiam inveniant. August. Epist. 157.

66. Propagationem animarum statuimus, modum propagationis aliis inquirendū ac discutiendū relinquimus.

67. Dicitur Deus animas dare, quia

omnium causarum naturalium activitas ab ipso. Scal. ex. 188. sect. 1.

68. Nimis autem largè ex eo inferitur, quod det animas per immediatam creationem, cum & corpus in utero formare dicatur. Job. 10. v. 9.

69. Modestiam eorum non improbamus, qui fidei suæ sufficere dicunt, scire quò piè vivendo venturi sint, et si nesciant, unde venerint. Aug. 10. de Gen. ad lit. c. 23.

70. Origo animæ lateat, modò peccati originalis propagatio & animarum redemptio clareat. Idem Epist. 157. ad Optat.

71. Imaginem Dei, si juxta Scripturæ phrasin de justitia & sanctitate vera accipiatur, amissam esse Spiritus S. arguit & experientia nos convincit.

72. Quid enim aliud est peccatum originis, quàm carentia divinæ Imaginis, quæ successit in locum primæ istius integritatis?

73. Ita

73. Ita tamen amissa est hæc Imago,
ut tenues quædam ipsius reliquię sint
superstites, quę sunt veluti ^{radu} ~~epitoma~~ &
magni nominis umbra.

74. Hæc de Imagine Dei doctrina
ad bonitatis divinę & miserię nostrę
agnitionem nos deducit, ac spei no-
strę expectationem fulcit.

75. Laus sit Deo Patri, qui in Ada-
mo ad sui imaginem nos condidit; laus
sit Filio, qui instaurationem illi⁹ Ima-
ginis nobis iterum promeruit; laus sit
Spiritui sancto, per quem Imago
illa in nobis vicissim instau-
rari incipit.



IX. APHORISMI THEO-
LOGICI DE PECCATO ORIGINA-
li, hoc est, de lapsu primorum paren-
tum & eum secuta Naturæ corru-
ptione in posteros pro-
pagata.

1. **I**N concreata integritate & perfe-
ctione primus homo non persti-
tit, ideò etiam ad posteros hereditario
jure ea non pervenit.

2. Secutus est fallacem serpentis
persuasionem, inde incidit in nefari-
am præcepti divini transgressionem.

3. In serpente illo naturali latebat
serpens infernalis.

4. Personatus igitur & Diabolo sti-
patus serpens fuit, qui primos homi-
nes astutiâ suâ seduxit.

5. Aggreditur mulierem sapientiæ
dotibus viro nō omnimodè equalem.

6. Per insidiosam de sensu præcepti
interrogationem sollicitat ipsam ad
peri-

periculofam dubitationem.

7. Exteriùs fictâ voce interrogat, interiùs animum venenatis spiculis vulnerat, ac dubitationis virus ei inpirat.

8. Poſtea ſucceſſu audacior factus Evæ dubitationem convertit in apertam negationem.

9. Malevolentia Deum accuſat ipſemet malevolentiffimus, mendaci divinae eminentia ac ſapientia pollicitatione decipit, ipſe à divina ſapientia remotiffimus.

10. Cauſa igitur primævi lapſus ſunt Diabolus ſeducens & homo liberè conſentiens.

11. In ſocietatem hujus lapſus Deus, utpote bonus & nullius niſi boni autor, neutiquam pertrahendus.

12. Qualem Deus hominē initio condidit, talē ipſum eſſe perpetuo voluit, ac p̄inde ad lapſum occulto quodam

decreto vel Imperio non impulit.

13. Ejus rei Deus non est autor; cu-
jus vindex est & ultor, iniquitatem,
quam punit, ipse non fecit. Fulgent.
lib. 1. ad Monim.

14. Antequam homo laberetur, ut
posset non labi, perfectam facultatem,
ut posset nolle labi, integram volun-
tatem Deus ipsi dederat; ne laberetur,
severissimam mortis comminatio-
nem addiderat.

15. Non erat creatus homo, ut vel-
let peccare: interim in ea libertate
constitutus, ut posset velle: tantâ lu-
ce ornatus, ut posset non velle.

16. Cave dixeris, homine non pec-
cante, Deo defuisse occasionem exer-
cendæ misericordiæ & justitiæ.

17. Non enim indiget Deus justitiâ
recti, quantô minus iniquitate per-
versi. Augustinus II. de Genes. ad lit.
cap. 7.

18. Nec perficitur Deus operi-
bus

bus ad extra , quæ sunt internæ perfectionis tantum vestigia ac documenta.

19. Incredulitatem primum hominis peccatum fuisse series Mosaicæ descriptionis ostendit.

20. Quamdiu verbum & fides in corde retinetur , adversus Deum non superbitur.

21. Et quicquid sit de ordine interioris intentionis , incredulitas fuit primum peccatum in actu externo commissionis.

22. Neque mens hominis divinâ luce collustrata avertisset se à Deo per elationem , nisi prius à verbo fecisset secessionem.

23. Adamum negat Apostolus seductum, i. Tim. 2. v. 14. quod de modo & ordine seductionis accipiendum.

24. Si vel maximè Adamus non est seductus ab alio , tamen seductus est à seipso.

25. Adæ an Evæ peccatum gravius fuerit, otiosè quæritur, peccârunt impari sexu, sed pari fastu. August. ii. de Gen. ad lit. c. 35.

26. Apertio oculorum lapsum insecuta nihil aliud est quàm peccati sensus & trepidantis conscientiæ stimulus.

27. Videbant se esse nudos, hoc est, concreatæ integritatis & innocentiae veste spoliatos; nuditas ante lapsum ipsis non erat incognita, sed non turpis & probrosa.

28. Videbant carnem stimulis libidinum concitari & legem membrorum legi mentis turpiter reluctari.

29. Quantæ per lapsum tenebræ mentem occupaverint, vel ex eo apparet, quod arborum umbris existimant se velari posse coram eo, cujus oculi Sole sunt clariores.

30. Latere volebant eum, quem latere nihil potest, & carnem occultare

ab

ab eo, qui est inspector cordis. August.
11. de Genes. ad lit. c. 34.

31. Cœcitati mentis conjuncta erat
trepidatio cordis ; terrebantur folii
strepitu, qui antea gaudebant Dei allo-
quio & conspectu.

32. Vocantur ad tribunal Dei, co-
ram quo ipsorum causâ discutitur, &
sic culpam pœna premit comes.

33. Hoc primorum parentum pec-
catum Naturam humanam , quæ tota
in ipsis erat, & de qua extra illos nihil
erat, corripit ac tabefecit. Ansh. de
conc. virg. cap. 2.

34. Fuit Adam & in illo fuimus o-
mnes, periit Adam & ipso perimus o-
mnes. Ambros. in cap. 15. Lucæ.

35. Parentibus feudum amittenti-
bus idem amisisse censentur liberi.

36. E corrupta radice fructus proger-
minant pravi, ex impuro fonte sordidi
pro-

promanant rivuli, ex parentibus leprosis liberi generantur leprosi.

37. Sic ex primis parentibus justitiâ originali destitutis & peccati labe infectis nascuntur tales liberi justitia destituti, peccato infecti.

38. Neque enim ad DEI, sed ad suam Imaginem peccato corruptam Adamus filium genuit, Genes. 5. vers. 3.

39. Peccatum personale Adami corrumpit Naturam, Naturæ corruptio per carnalem generationem propagatur in sobolis personam.

40. Peccavit Adam, non ut homo privatus, sed ut massa ac caput humani generis.

41. Ut Natura, ita quoque corruptio Naturæ in posteros propagatur; ut peccatum, ita quoque reatus, peccati consequens.

42. Atq; hoc est illud, quod dicitur
origi.

originale peccatum, quod qui vel negant vel extenuant, gratiæ Dei non mediocriter detrahunt.

43. Prædicatores Naturæ sunt inimici gratiæ.

44. De originali isto peccato testantur non solum manifesta Spiritus sancti oracula, sed etiam peccata actualia omnia, gravis variarum calamitatum ac mortis sarcina, denique regeneratio ad vitam æternam omnibus necessaria.

45. Vanum ergo ac frivolum est illud Pelagii, quod peccatum in mundum intraverit imitatione, non propagatione.

46. Siquidem mors, peccati stipendium, regnat etiam in eos, qui non peccarunt in similitudinem prævaricationis Adæ, Rom. 5. v. 14.

47. Neque ^{imitatione} ~~culpæ~~ sed ^{natura} ~~quæ~~ nos esse iræ filios pronunciat Apostolus, Eph. 2. vers. 3.

48. Pec-

48. Peccatum hoc originale dicitur non ab origine vel universæ vel humanæ Naturæ, sed ab origine cujusq; personæ post lapsum ex Adamo genitæ.

49. Quin & originale dicitur, actualium peccatorum ratione, quorum communis fons est atq; origo.

50. Quoad quid rei, est non tantum originalis justitiæ ^{privatio} ~~τὸ ἐπὶ τοῖς~~, sed etiam vitiosæ qualitatis ^{positio} ~~τὸ ἐπὶ τοῖς~~, ^{consequens} ~~ἐπὶ τοῖς~~ ^{ἐπὶ τοῖς} cuius utriusque est reatus.

51. Inde parentes faciunt nos antè damnatos quàm natos, Bernhard. in Medit. cap. 2. col. 1190.

52. Concupiscentia prava, in qua vis hujus mali cum primis elucet, non tantum poëna & causa peccati est, sed & ipsa peccatum.

53. Inest enim ei inobedientia contra dominatum mentis. August. lib. 5. contra Julian. cap. 3.

54. Nec in inferioribus tantum sed & superioribus animæ facultatibus pravæ

pravæ concupiscentiæ vitium habet locum.

54. Siquidem voluntas hominis nondum regenerati itidem prona est ad mala & vanitates.

55. Inter opera carnis referuntur hæreses, idololatria, inimicitia &c. Gal. 5. v. 20.

56. Ex quo evidenter colligitur, carnem accipi pro toto homine, qualis est post lapsum extra Dei gratiam & regenerationem.

57. Per peccatum originis tota hominis Natura intimè ac penitissimè est corrupta, interim vitium distinguendum ab ipsa hominis substantia, quæ est Dei & Naturæ beneficium.

58. Peccatum est ^{malum} κακόν ^{ad hærent} παράκειμενον, Rom. 7. v. 21. Ergò non aliquid ^{per se sub-} αὐτόν ^{sistens} 52707.

59. Concipiuntur homines in peccato, ergò non sunt ipsum peccatum.

60. Subjectum originalis peccati est
totus

totus homo cum omnibus animæ viribus & corporis membris.

61. Iustitia originalis erat non tantum æquabile corporis temperamentum, sed etiam omnium animæ virium rectitudo & intrinsecum ornamentum.

62. Sic peccatum originis quod in ejus locum successit, non est morbida aliqua corporis qualitas, sed omnium animæ virium infectio.

63. Habitus enim & privationes circa idem versantur subjectum.

64. Propagatur hoc malum per carnalem generationem.

65. Ideò homo post lapsum est caro, quia ex carne nascitur, Joh. 3. v. 3. Naturâ est filius iræ, Eph. 2. v. 3. nascendo igitur peccatum contrahit, propter quod est filius iræ.

66. Quotquot igitur per carnalem generationem ex parentib. nascuntur, peccato originali obnoxii nascuntur.

67. Pro-

67. Proinde ipsi quoq; fidelium ac renatorum liberi originalē hanc lucem secum in mundum afferunt.

68. Neq; enim generatio sed regeneratio Christianos facit. August. 3. de peccat. merit. & remiss. cap. 9.

69. Fiunt, non nascuntur Christiani. Tertull. in Apolog. cap. 17.

70. Solus ille sine peccato natus, qui sine virili semine in utero virginis à Spiritu sancto conceptus.

71. Non est peccati labe infectus, qui ex sanctificatis visceribus sanctus natus.

72. In cujus dignitatis consortium ne ipsam quidem B. virginem admitimus.

73. Dicimus Mariam gloriosam de Spiritu sancto concepisse, non autem & conceptam fuisse; dicimus peperisse virginem, non tamen & partam à virgine. Bernh. Epist. 174. ad Lugdun.

74. Quidam peccati originalis effectus

H

fectus

fectus sunt tantum pœnæ, quidam simul pœnæ & peccata.

75. Pœnæ sunt tum temporales, tum eterne; utpote calamitates variæ, morborum agmina innumera, mors temporalis, ira Dei, damnatio æterna.

76. Pœnæ & peccata simul sunt pravi concupiscentiæ motus, damnabiles cordis affectus, & actualium peccatorum cumulus.

77. Originalis peccati culpa pronos nos semper trahit ad vitia. Cassiodor. in ψ . 118.

78. Actualium istorum peccatorum numerus verè est nobis innumerus, quis enim delicta intelligit? ψ . 19. v. 13.

79. Ab omnibus peccatis tam ab originali, quam ab actualibus credentes emundat sanguis Jesu Christi, 1. Joh. 1. v. 8.

80. Quo aspergimur in Baptismo, qui ob id sanctum & salutare est ^{regē} ~~est~~

λινε-

^{regenerationis}
^{ἀναγενέσεως} lavacrum, Tit. 3. v. 5.

81. Cui regenerationi individuo nexu conjuncta est renovatio, quæ in hac vita non est numeris omnibus absoluta.

82. Si enim perfecta in Baptismo novitas fieret, non diceret Apostolus, interiorum hominem renovari de die in diem, August. 2. de peccat. merit. & remiss. cap. 7.

83. Agnitâ proinde extremâ Naturæ nostræ corruptione ad Medicum Christum & perfectam ^{renovationem}
^{ἀνακαινώσειν} in vita æterna expectandam suspiremus.



X. APHORISMI THEO-
LOGICI DE LIBERO ARBITRIO,
hoc est, de viribus humanis post
lapsum adhuc reli-
quis.

1. **P**Eccati Originalis venenum o-
mnes hominis vires penitissimè
invasit atq; intimè corrumpit.

2. Inde magnum ipsis accessit de-
crementum & detrimentum.

3. Vires hominis æstimandæ potis-
simum ex anima rationali ad imagi-
nem Dei condita.

4. Animæ rationalis facultates duæ
sunt, Mens intelligens, Voluntas eli-
gens.

5. Ex utriusq; potentia *συνδρομή* &
concurso nascitur id, quod vulgò vo-
catur liberum arbitrium, ^{propositum} *προσέκτιστον*.

6. Quod est mentis & voluntatis fa-
cultas, arbitrium enim mentis est, Li-
bertas voluntatis.

7. Li-

7. Libertas tribuitur arbitrio. primum habito respectu ad modum agendi, qui est liber & voluntarius.

8. Neq; enim cogitur aut violenter externo motu rapitur voluntas, neq; ex naturali solum instinctu agit, sed internum & liberum habet motus sui principium.

9. Hæc libertas est naturalis atq; essentialis voluntatis proprietas.

10. Ac proinde per lapsum non est amissa.

11. Neq; enim per lapsum voluntas desinit esse voluntas.

12. Dicitur hæc libertas à coactione, à necessitate; libertas interior & in subjecto.

13. Proinde arbitrium hominis hoc respectu semper liberum, licet non semper bonum. August. in Enchir. cap. 30.

14. Ita tamen libera hominis voluntas, ut Dei Imperium agnoscere cogatur.

15. Ac proinde non est libera à jure & obligatione.

16. Impressit enim DEUS humanæ menti notitias naturales, quarum lucem & ductum voluntas debet sequi.

17. Illas si sequitur, verè libera est.

18. Cum vera sit libertas Deo ac justitiæ servire.

19. Quo sensu non malè Tullius: Legum servi sumus, ut liberi esse possimus, pro Cluent.

20. Ergò ut respectu libertatis à coactione homo semper habet liberum arbitrium, etiam post lapsum.

21. Ita respectu libertatis ab obligatione homo nunquam habet liberum arbitrium, ne quidem ante lapsum.

22. Æstimatur etiam libertas arbitrii respectu & ratione objecti, quod est bonum vel malum.

23. Hæc vocatur libertas ad objectum & interior.

24. Qua-

24. Qualis sit illa voluntatis humanæ libertas ex consideratione diversorum hominis statuum innotescet.

25. Libertas arbitrii in homine ante lapsum fuit facultas rationis ac voluntatis, quâ potuit homo peccare & non peccare, stare & cadere. Ansh. de lib. arbitr. cap. 7.

26. Nondum enim voluntas ipsius erat immutabiliter ad bonum determinata.

27. Constituta erat hominis voluntas in bivio, proposita ipsi erat vita & mors, Eccles. 15. v. 18.

28. Fulgebat in mente lux sapientiæ, in voluntate erat conformitas cum Deo archetypo: relicta interim libertas in concreata bonitate perseverandi, vel ab ea deficiendi.

29. Hæc dici potest libertas rectitudinis, libertas à servitute & miseria.

30. Nec fuit essentialis quædam voluntatis proprietas, sed separabile, quoddam accidens.

31. Per lapsum liquidem amitti potuit, & verè prohi dolor est amissa.

32. Homo malè utens libero arbitrio, & se perdidit & ipsam. August. in Enchir. cap. 30.

33. Quo respectu arbitrium hominis non amplius est liberum, sed servum & captivatum.

34. Homo faciens peccatum, servus factus est peccati. Johan. 8. v. 34.

35. Amissâ per lapsum Dei imagine, libertas rectitudinis & facultas bonum eligendi simul est amissa.

36. In cujus locum successit extrema virium corruptio, & effrenis ad malum impetus.

37. Inde ad mala tantum libera est post lapsum hominis voluntas, quæ est misera & miserabilis libertas.

38. Ac tristissimæ servitutis loco potius habenda.

39. Apo-

39. Apostolus eam vocat libertatem à justitia, homo enim justitiæ servire detrectans jugo malæ dominæ iniquitatis subditus factus est. Rom. 6. v. 20. August. de verb. Apost. serm. 12.

40. Anima hominis sub hac voluntaria & malè libera necessitate & ancilla tenetur & libera;

41. Ancilla propter necessitatem, libera propter voluntatem. Bernhard. serm. 81. sup. Cant.

42. Voluntas hominis post lapsum prona est ad malum, neq; tamen libera esse desinit, quia ad malum non cogitur, sed spontè illud eligit.

43. Unde apparet, libertatem voluntatis interiorum cum peccandi servitute consistere posse.

44. Perinde ut libertas cum immutabilitate agendi bonum & confirmatione in bono consistit.

45. Quarum prior competit Deo, posterior bonis Angelis.

46. Mansit igitur in homine etiam post lapsum liberum arbitrium, si de libertate à coactione intelligatur.

47. Periit in homine liberum arbitrium, si de *duraper* bonum eligendi & malum averfandi accipiatur.

48. Siquidem in locum concreatæ lucis, quæ in mente primi hominis fulgebat, successerunt tenebræ, Eph. 5. v. 8.

49. Proinde intellectus hominis in salutari & salvifica Dei cognitione non tantum cœcutit, sed planè est obtenebratus.

50. Voluntas peccati Tyrannidi subiecta est, ejusdèq; mancipium factum.

51. Quo respectu homines dicuntur in peccatis mortui, Coloss. 2. v. 13.

52. Qui per Naturam nihil aliud possunt, quàm in peccatis foetere & in sepulchro peccatorum computrescere.

53. Proinde conversio est solius Dei opus, in quo merè passivè homo sese habet.

54. Deus

54. Deus est, qui cor hominis in conversione aperit, emollit, circumcidit ac renovat.

55. Deus est, qui non solum perficere bonum, sed etiam velle bonum in homine operatur, Philip. 2. v. 13.

56. Externam quidem locomotivam homo librè regit, ac proinde civilem aliquam justitiam præstare potest.

57. Quæ in se ex genere actus peccatum quidem non est, interim quia persona nondum est Deo reconciliata, καὶ ἄλλο fit peccatum.

58. Ut firmum semper maneat pronunciatum Apostolicum: quicquid nō fit ex fide, peccatum est, Rom. 14. v. ult.

59. Siquidem ut opera verè & coram Deo sint bona, benè, à bonis & bono fine ea fieri oportet.

60. Quamvis igitur in actionib. externis ad humanā vitam vel etiam externum religionis exercitium spectantib⁹ libertas aliqua humanæ voluntati sit relicta.

61. Gen.

61. Gentiles siquidem ea, quæ legis sunt, φύσις Naturâ facere Apostolus pronunciat Rom. 2. v. 14.

62. Tamen ad motus spirituales inchoandos, & ad cultum Deo placentem præstandum, nullæ ne modicullæ quidem in homine vires supersunt.

63. Neq; enim sumus idonei cogitare aliquid boni ex nobis tanquam ex nobis, sed sufficientia nostra ex Deo est, 2. Cor. 3. v. 5.

64. Sancta igitur cogitatio, bonum propositum, pium consilium, omnisq; motus bonæ voluntatis ex Deo est, per illum aliquid boni possumus, sine quo nihil possumus. Aug. de dogm. Eccles. cap. 17.

65. Illa ipsa tamen in externis actionibus & operibus præsentis vitæ libertas suis non destituitur remoris atque impedimentis.

66. Sæpè consultant homines, sed consilia ipsorum dissipat omnia moderans

derans Deus. Esai. 8. v. 10.

67. Disponit Dominus, tantum proponere nostrum est; Sæpeq; vota aliud quam pia fata volunt.

68. Magna insuper est Satanæ tyrannis, qui reproborum voluntates peccatorum funibus irretitas, quò lubet, Dei permisso trahit.

69. Ipsa negotiorum moles mentis iudicium & voluntatis arbitrium sæpè turbat.

70. Quibus impedimentis externis accedit interior humanarum virium etiam in externis reb⁹ languor ex peccato ortus;

71. Cui conjuncta affectuum ^{inordinatio} ~~αταξία~~, torrentis instar voluntatem quandoq; abripiēs, & mentis iudicium intervertens.

72. Quæ consideratio virium in spiritualibus deperditarum, in externis infirmatarum magnitudinem gratiæ divinæ nos convertentis & salvantis
agno-

agnoscendam proponit, securitatem
cordibus excutit, superbix cristas de-
primit, in precibus & custodia dono-
rum Spiritus diligentiores efficit.

73. Post conversionem voluntas ho-
minis liberata non est otiosa, sed novis
illis desuper datis viribus efficax, & *desuper*
cooperatur *consequitur*.

74. Spiritus sanctus ut bonum veli-
mus, sine nobis in nobis operatur, cum
autem volumus & sic volumus, ut fa-
ciamus, nobiscum cooperatur.

75. Ita enim aguntur Filii Dei, ut et-
iam ipsi agant. August. de corr. & grat.
cap. 2.

76. Hæc vocari potest libertas à ser-
vitude peccati, ubi enim Spiritus Do-
mini hominem regenerans & illumi-
nans, ibi libertas, 2. Cor. 3. v. 17.

77. Interim ipsa illa liberatæ volun-
tatis libertas Spiritus sancti adiutorio
ac regimine perpetuo indiget.

78. Etenim cum in renatis caro ad-
huc

huc reluctetur Spiritui, Gal. 5. vers. 17.
ideò nundum plenè sunt ab omni pec-
cato liberi.

79. Est in Spiritu renatorum libera
servitus, est in carne renatorum serva
libertas.

80. In altera demum vita conse-
quentur plenam arbitrii libertatem,
quà non solùm à peccandi servitute,
sed etiam ab omni omninò peccato, ab
omni miseria, & lapsus periculo erunt
liberi.

81. Quæ vocari potest libertas à pec-
cato & mutabilitate.

82. Per quam non solùm non pec-
cabunt, nec solùm poterunt non pec-
care, sed etiam non poterunt pecca-
re; ad eam libertatem provehat
nos Christus libertatis no-
stræ vindex.



XI. APHO.

XI. APHORISMI THEO- LOGICI DE LEGE.

1. **H**Ominis reparationi inserviunt
Verba & Sacramenta, salutaria
spiritualis nostri morbi alexiphar-
maca.

2. Verbi summa Capita duo sunt,
Lex & Evangelium.

3. Lex manifestat morbum, Evan-
gelium verò ostendit Medicum.

4. Lex per Mosen data, gratia au-
tem & veritas per Jesum Christum no-
bis contigit, Joh. i. v. 17.

5. Legis per Mosen datæ tres sunt
classes : Moralis , Judicialis & Cere-
monialis.

6. Lex Moralis solenni promulga-
tione per Mosen tantum repetita, pri-
mitus enim cordibus hominum erat
insculpta.

7. Estq; speculum æternæ Dei justi-
tiæ , speculum perfectionis Naturæ
ante

ante lapsum pristinae, speculum peccati & corruptionis Naturae post lapsum intimae, speculum oboedientiae à renatis præstandae, speculum perfectionis in futura vita secuturæ.

8. Legem hanc, qui ex Ecclesia eliminandam censent, ipsi eliminandi sunt.

9. Christo enim contradicunt, qui à legis explicatione prædicationis suæ fecit exordium, Matth. 5. 6. 7.

10. Contradicunt Apostolis, qui poenitentiam & remissionem peccatorum in Christi nomine prædicarunt. Luc. 24. v. 47.

11. Sanè Lex est peccati speculum, non remedium.

12. Interim tamen morbo nondum agnito, nullum remedii est desiderium.

13. Neq; enim opus habent Medico valentes, Matth. 9. v. 12. id est, qui se valere opinantur, omnes enim reverà

I non

non solum ægroti, sed & mortui sunt
in peccatis.

14. Lex datur, ut gratia quæratur.
August. de Spir. & lit. c. 19.

15. Quod Lex imperat, fides impe-
trat. Idem homil. 29. in Joh.

16. Per Legem peccati cognitio, per
fidem abolitio, Ambros. in 3. cap. Rom.

17. Ideoque ministerium mortis ob
id necessarium, ut vita in Christo desi-
deretur.

18. Non infundit Deus misericor-
diæ oleum nisi in vas contritum & con-
fractum. Bernh. serm. 3. in Annunc.
col. 113.

19. Nec ignoscit, nisi agnoscas: nec
tegit peccata, nisi detegas; nec conso-
latur, nisi doleas.

20. Lex est perfecta ad æternam vi-
tam via, sed infirmatur per carnem,
Rom. 8. v. 3. unde redditur ad vitam
nobis invalida.

21. Lex spiritualis est, integram cor-
poris,

poris, animæ & spiritus, internam & externam, per omnes vitæ partes obedientiam exigit; actiones, verba & cogitationes spirituales flagitat; Naturam omnibus modis sanam requirit.

22. Nos autem carnales sumus, Rom. 7. vers. 14. nascimur caro de carne, Johan. 3. vers. 6. nec à carnis vetustate in hac vita penitus liberamur.

23. Proinde legem in hac vita implere non possumus.

24. Non est homo qui non peccet, 1. Reg. 8. vers. 46. sed peccare & Legem implere sunt contradictoria, Ergò non est homo, qui Legem impleat.

25. Obstruitur igitur omne os & totus mundus obnoxius fit Deo, Rom. 3. v. 19.

26. DEUS voce Legis conclusit omnia sub peccatum, Rom. 11. vers. 32. Gal. 3. v. 22.

27. Norma præceptorum affirmativorum est primum illud de amando & timendo Deo super omnia.

28. Norma præceptorum negativorum est ultimum illud de non concupiscendo. August. de perfect. justit.

29. Proinde præceptis affirmativis non satisfacit qualicumq; inchoato amore & timore Dei.

30. Nec præceptis negativis satisfacit qualicumq; ab externis delictis continentia.

31. Si vel maximè inchoamus obedientiam externam, & delicta externa cavemus, semper tamen deficimus in primo & ultimo præceptis.

32. Ideò autem in Decalogo fit externi & crassioris delicti expressa notatio, ut quid de gravitate internorum delictorum judicandum sit, ex Dei judicio mens humana intelligat.

33. Coram Deo adulter est, non solum, qui cum alterius conjuge rem habet,

bet, sed etiam qui alteri⁹ uxorem concupiscit, Matth. 5. v. 28.

34. Coram Deo fur est, non solum qui alteri res suas ipso invito aufert, sed etiam qui prohibitâ concupiscentiâ eas usurpat.

35. Nec manui solum & externis membris Deus præcipit, sed toti homini.

36. Quis verò potest dicere, mundum esse à concupiscentiis cor suum? Prov. 20. v. 9. Proinde quis gloriari potest, se non esse transgressorem Legis?

37. Promissiones ergò Legis nobis sunt inutiles.

38. In Christo autem sunt ratæ & Amen, 2. Cor. 1. v. 20.

39. Quod impossibile erat Legi, id Deus misso Filio nobis præstitit, Rom. 8. v. 3.

40. Si verò per Legem iustitiæ, Christus frustrà mortuus, Gal. 2. v. 21.

41. Ac si renati perfectè implent Le-

gem, cur quotidie orant debitorum remissionem? ita eos docente ac manu-
ducente Christo, Matth. 6. v. 12.

42. Quodcunq; debitum non contrahitur, ejus remissio cur expetitur?

43. Graves sunt Mosis manus & jugum Legis importabile, Exod. 17. v. 12. Bernh. ferm. 3. in Cantic.

44. Radiat Mosis facies, ^{intuen} ~~atque~~ ⁱⁿ ~~eis~~ ^{non} ~~possumus~~ ^{possumus}, Exod. 34. v. 29. 2. Cor. 3. v. 13.

45. Gravis & difficilis Mosis lingua, auscultare & obsequi ejus verbis non possumus, Exod. 4. v. 10.

46. Lapideæ sunt Decalogi tabulæ, conterunt cor nostrum, non sanant, Exod. 24. v. 12.

47. Nec in terram promissam Moses sed Josua introduxit; cœlestis Josua Christus, non Moses ad vitam eternam nos ducit.

48. Lex malleus mortis est, tonitru inferni & fulmen iræ divinæ.

49. U-

49. Utilitas Legis est, ut hominem de sua infirmitate convincat, & gratiæ medicinam, quæ est in Christo, implorare compellat, August. Epist. 200. ad Afell.

50. Discamus ergò agnoscere vocem Legis, ut vocem Pastoris nostri Christi propriam agnoscamus.

51. Quicquid ostendit peccatum, iram & mortem, id exercet Legis officium, sive in Veteri sive in Novo Testamento id fiat.

52. Non ergò Veteri Testamento Legem, Novo Evangelium appropriem⁹.

53. Facta quidem sub Veteri Testamento solennis Legis promulgatio, in Novo Evangelii.

54. Interim tam Legis, quàm Evangelii doctrina sub utroq; Testamēto sonuit.

55. Nec in Novo solum, sed & Veteri Testamento per Legem peccati agnitio, per fidem in Christum peccati abolitio.

56. Ceremoniales autem & Foren-
ses leges in N. T. abrogatæ sunt.

57. Illæ enim fuerunt umbræ & typi
Christi, exhibito igitur corpore expi-
rârunt.

58. Hæ fuerunt ad Judaicam Politiam
accommodatæ, quam Deus hisce le-
gum cancellis usq; ad Christum con-
clusam esse voluit.

59. Ultrarumq; verò tam Ceremo-
nialium quàm Forensium Legum ab-
rogatio talis est, ut quod in illis morale
est, sive (ut loquuntur) genus, ma-
neat.

60. Et Mosaicæ Ceremoniæ per al-
legoricam expositionem nostræ ædifi-
cationi possunt accommodari.

61. Hæc de Lege in genere; quæri-
tur in specie de distributione Decalo-
gi, & de Imaginibus.

62. Cardinalis numerus præcepto-
rum Decalogi certus est, non autem
ordinalis.

63. Res

63. Res ergò quæstionis est, non fidei, præceptorum Decalogi ordo.

64. Movenda igitur hac de re non sunt certamina non necessaria, quibus benè constitutæ Ecclesiæ turbentur; nec libertas Christiana in hisce ut captivetur ab adversariis, permittendum.

65. Pro enumeratione in nostris Ecclesiis usitata ita concludim⁹: Quicquid est Deus alienus, prohibetur primo præcepto, Imagines quibus cultus divinus tribuitur, sunt Dii alieni. E. prohibentur primo præcepto.

66. Nec absurdè dicitur, binâ repetitione præcepti de non concupiscendo, geminum genus concupiscentiæ, videlicet actualis & originalis damnari.

67. Hujus enim distinctionis fundamenta ex Hebraica literatura & Apostolicis Scriptis proferri possunt.

68. Nec dici potest, præceptum de

Imaginibus peculiare præceptum ob id constituere, quod simpliciter earum usus sit prohibitus.

69. Invitâ enim veritate id affirmari, variis documentis probari potest.

70. Historicas Imagines Christiana libertas admittit: idololatricas, superstitiosas, & lasciviæ notis contaminatas, Lex Dei abolet; eas quæ verè scandalum præbent, caritas è medio tollit.

71. Quotiescunq; igitur accedit opinio cultus, ut Imaginibus deferatur honor divinus, vel existimetur Imagines habere aliquid peculiare sanctitatis, vel fingatur, Deum ita ad Imaginem aliquam alligatam esse, ut ibi magis exaudiat & efficax sit, quàm alibi, non amplius earum usus est adiaphorus.

72. Sed nec laudamus sententiam Græci illius Pelusiotæ in Synodo VII.


*templi cultus nullus, quod non ornat, simulachrum
ὁ τοῦ λόγου εἶδος, οὐ καὶ σὺν εἰκότι αὐτῶν.*

83. Nec probam⁹ sumtuosarum Imaginum

ginum copiam, ne accidat id, quod Bernhardus col. 1134. conqueritur, ut splendide fulgeat Ecclesia in parietibus, & egeat in pauperibus, lapides suos auro induat, & filios suos nudos deferat, ne de sumtibus egenorum serviatur oculis divitum.

74. Ut ergo in aliis adiaphoris, ita & hac in parte requiritur prudentia Christiana, ne intempestivo eorum usu scandalum præbeamus infirmis, neq; tamen cedamus illis, qui subintroeunt ad tentandam libertatem, quam habemus in Christo, ut nos in servitutem redigant, Gal. 2. v. 4.

75. Legem suam cordibus nostris per Spiritum inscribat, qui eam lapideis tabulis digito suo olim eam inscripsit.



XII. APHORISMI THEOLOGICI DE EVANGELIO.

1. **L**Egi Evangelium est ^{mutuo respondet} παράλληλον.
2. Utriusque doctrinae origo est coelestis.
3. Utraq; promittit vitam æternam, sed diversimodè.
4. Lex perfectè obœdientibus, Evangelium in Christum credentibus.
5. Utraq; doctrina in Ecclesia proponenda.
6. Utraq; enim in hominis conversione usum habet necessarium.
7. Utraq; in hominis Christiani pectore & praxi conjunctissima est.
8. Nihilo tamen minùs conjunctæ hæ doctrinae accuratè sunt discernendæ.
9. Sublato enim vel saltem labefactato earum discrimine, ipsa arx Christianismi convellitur.
10. Neq; tamen talis quædam contra-

tra-

trarietas earum introducenda, quâ se mutuò destruant.

11. Lex enim non adversatur promissionibus Dei, Gal. 3. v. 21.

12. Sed Lex stabilitur per fidem, Rom. 3. v. 31.

13. Quod Lex à nobis requirit, id à Christo nostri loco præstitum esse, Evangelium nunciat.

14. Finis ergò & impletio Legis Christus, ad justitiam omni credenti, Rom. 10. v. 4.

15. Per Christum ^{justitia} & ^{δικαιοσύνη} Legis in nobis impletur, Rom. 8. v. 4.

16. Quin etiam fides à Spiritu sancto per vocem Evangelii accensa, per caritatem est efficax, Gal. 5. v. 6.

17. Summa autem legis est dilectio, Rom. 13. v. 10.

18. Atq; hoc pacto Lex cordibus inscribitur, Jerem. 31. v. 33.

19. Nec tamen dilectio illa in hac vita est perfecta.

20. Pro-

20. Proinde nec oboedientia Legis.

21. Inchoatio est, complementum
sequetur in futura vita.

22. Evangelium quoad quid nomi-
nis, est bonum nuncium.

23. Nunciat enim in consilio S. S.
Trinitatis Christum Deum atque ho-
minem Mediatorem ac Redemptorem
nostrum constitutum esse:

24. Nunciat, Christum sanctissimâ
suâ obedientiâ Legi perfectè satisfacis-
se, gratiam Dei, remissionem peccato-
rum, donationem S. S. justitiam & vi-
tam æternam toti mundo pmeruisse.

25. Nunciat, beneficia illa à Christo
parta credentibus applicari & ex gra-
tia donari.

26. Quia igitur hujus doctrinæ præ-
dicatio, gaudii materiam uberrimam
affert, meritissimè vocabulis Biffer &
εὐαγγελίζεσθαι, in ea denotanda, Prophe-
tæ & Apostoli uti voluerunt.

27. Biffer quidam derivant à Basar
caro,

caro, quod significat, annunciare carnea & mollia.

28. Alii rationem appellationis hancce proferunt, quod Biffer significet nunciare læta omni carni.

29. Ut ita conditio doctrinæ hujus indicetur, quod sua bona ultrò omnibus offerat.

30. Simulq; auditorum illius fors exprimatur, quod sint caro & multis infirmitatibus obnoxii, ut proinde hanc salutem divinitus oblatam neutiquam negligere debeant.

31. Biffer & *εὐαγγελίζεσθαι* usurpantur, quando hostes, à quibus magnum & anceps imminebat periculum, fugati & pax restituta nunciantur, 1. Sam. 4. v. 17. 1. Sam. 31. v. 9. 2. Sam. 1. vers. 20. 2. Sam. 4. v. 10. 2. Sam. 18. v. 19.

32. Sic Evangelium nunciat DEUM nos liberasse è manu inimicorum, Luc. 2. v. 74. eripuisse nos ex potestate tenebrarum, Col. 1. vers. 13. expoliasse

Prin-

Principatus & Potestates, ac triumphum de illis egisse, Col. 2. v. 15.

33. Βίβη & εὐαγγελίζεσθαι etiam usurpantur, quando nunciatur alicui natus filius, Jerem. 20. v. 15.

34. Sic in Evangelio nunciatur, Puer nobis natus, & Filius nobis datus, Esa. 9. v. 6. qui dederit potestatem, filios Dei fieri omnibus, qui fide eum recipiunt, Joh. 1. v. 12. ut ita per ipsum ἡ ἱερεσία iterum nobis contingat, Gal. 3. vers. 5.

35. Usurpantur denique hæ voces, quando captivis nunciatur liberatio, lugentibus consolatio, Esa. 61. v. 1. & 2.

36. Sic in Evangelio nunciatur, Christum eduxisse nos vinctos è lacu, in quo non erat aqua, Zach. 9. v. 11.

37. Hinc lætissima illa acclamatio, Esa. 40. v. 1. Consolamini, consolamini populum meum, dicit Deus vester, & loquimini ad cor Jerusalem, & prædicate illi, q̄ completa sit militia ejus.

38. Inde

38. Inde etiam proficiunt dulcissime
appellationes & periphrases hujus do-
ctrinæ, utpotè quòd sit Evangelium
gratiæ Dei, Actor. 20. v. 24. scientia sa-
lutis, Luc. 1. v. 77. verbum regni, Matt.
13. v. 19. potentia Dei ad salutem omni
credenti, Rom. 1. v. 16. sermo vitæ, A-
ctor. 5. v. 20. Phil. 2. v. 16. verbum vitæ
æternæ, Joh. 6. v. 68. verbum salutis,
Actor. 13. v. 26. verbum reconciliatio-
nis, 2. Cor. 5. v. 19. Lex Spiritus vitæ,
Rom. 8. v. 2. Evangelium salutis no-
stræ, Eph. 1. v. 13. promissio hereditatis,
Rom. 4. v. 13. fons aquæ salientis in vi-
tam æternam, Joh. 4. v. 14. pascua,
aqua refectionis, mensa, calix exube-
rans, virga, baculus, Ps. 23. v. 2. 4. 5. o-
dor vitæ, 2. Cor. 2. v. 15. &c.

39. Proinde læta illa vox Evangelii
non est transformanda in Legem ac-
cusantem & terrentem.

40. Quod faciunt illi, qui dispu-
tant, Legem imperfecta tradere præ-
K cepta

cepta de externis tantum operibus, ex timore præstandis : Evangelium verò perfectiora, excellentiora & severiora præcepta proponere.

41. Quasi verò Lex non fuerit jam antè jugum, quod Patres nostri non potuerunt portare, Actor. 15. v. 10. jugum oneris, virga humeri & sceptrum exactoris, Esa. 9. v. 6. ut novo Legislatore indigeremus?

42. Aliæ ergò Legis & Evangelii quærendæ differentiæ, quas Scriptura sic exprimit.

43. Lex aliquo modo Naturâ nota est, Rom. 2. v. 14. 15. Evangelium verò est mysterium rationi penitus absconditum, Matth. 16. v. 16. Rom. 16. vers. 25. 1. Cor. 2. v. 7. Eph. 1. v. 9.

44. Lex est doctrina operum & concionator de faciendo : Evangelium est doctrina fidei & concionator de facto, hoc est, annunciat per Christum, ea præstita esse, quæ Lex requirit, Rom. 3.

v. 21. cap. 4. v. 5. cap. 10. v. 5.

45. Lex flagitat à singulis perfectam obœdientiam erga omnia Dei mandata ; Evangelium verò docet fidem in Christum Mediatorem.

46. Lex concludit sub peccatum, Gal. 3. v. 22. facit reum coram Deo totum mundum, Rom. 3. v. 19. iram operatur, Rom. 4. v. 15. subjicit maledicto, Gal. 3. v. 10. Proinde est ministerium mortis & damnationis : Evangelium est verbum salutis, pacis & reconciliationis.

47. Ultraque ergò doctrina versatur circa peccatum, sed diversimodè.

48. Lex ostendit, accusat, damnat peccatum : Evangelium v. ostendit eum, qui satisfecit pro peccato, ac proinde peccatum tegit, tollit, remittit.

49. Legis promissiones requirunt perfectam operum obœdientiam : Evangelii v. promissiones sunt gratuita.

50. Hinc legis, pmissiones nobis sunt in-

utiles, Heb. 7. v. 18. vitio scilicet carnis nostræ, Rom. 8. v. 3. sed in Christo promissiones Dei fiunt & sunt ratæ, 2. Cor. 1. v. 20.

51. Lex monstrat, quæ sint bona opera, non autem confert vires ea faciendi: Evangelium continet promissionem Spiritus renovationis, qui Legem scribit in corda, Jer. 31. v. 33.

52. Utrumq; ergò beneficium est Evangelii, justificatio & renovatio: gratia & donum per gratiam: imputatio justitiæ Christi, & donatio Spiritus sancti.

53. Interim tamen ea non sunt confundenda, nec in renovatione justificatio constituenda, quippe quæ justificationis consequens est, non causa.

54. Non enim Deus propter renovationem & inchoatam obœdientiam in gratiam nos recipit & justificat, sed justificados & in gratiam receptos per S. S. renovat, ut obœdientiam erga
Legem

Legem inchoare possint.

55. Quam inchoatam oboedientiam, licet sit imperfecta, & multipliciter contaminata; tamen in illis, qui fide in Christum justī sunt, Deo placere, Evangelium ostendit.

56. Lex securis & hypocritis proponenda: Evangelium verò contritis & confractis.

57. Lex coërcet veterem hominem: Evangelium verò novum sub gratia retinet.

58. Et quia renati in hac vita non liberantur penitus à vetustate carnis, sed manet in illis lucta carnis & Spiritus, Gal. 5. v. 17. ideò etiam Legis ministerio indigent.

59. Idq; duplici fine, tùm ut caro seu vetus homo in illis coërceatur, tùm ut novus homo discat, in quibus operibus se exerceat.

60. Cæterùm apprimè notandum has Evangelii promissiones duplici

modo Universales esse, tum ratione temporis, tum etiam ratione objecti.

61. Per Universalitatem temporis intelligimus, quod unum & idem sit Evangelium, quo omnes sancti omnibus temporibus ab initio mundi sunt salvati.

62. Jesus Christus heri & hodiè, idem etiam in sæcula, Heb. 13. v. 8. profuit ergò passio Christi, antequam fuit.

63. Est enim agnus occisus ab origine mundi, Apoc. 13. v. 8. scilicet ratione æterni decreti, ratione promissionum, ratione typorum & ratione efficaciarum.

64. Credimus proinde cum Apostolis per gratiam Dei salvari, quemadmodum Patres nostri, Act. 15. v. 8.

65. Nec solum in N. T. sed etiam in Veteri, qui justitiam & salutem in operibus Legis quærunt, sub maledictio sunt, Gal. 3. v. 10.

66. Statim post lapsum edita est promissio de semine mulieris contrituro caput

caput serpentis, Genes. 3. v. 15. quod fuit Protevangelium, quo sese primi parentes sustentârunt.

67. Quomodo hæc promissio subsequentibus temporibus clarius exposita & repetita per divinam revelationem Patriarchis & Prophetis factam, pulcerrimè exponit magn⁹ ille Chemnicius parte 2. locor. p. 579. & seq.

68. Utq; unum Evangelium, ita una fides, una justitiæ ac salutis consequendæ ratio.

69. Proinde commentum illud falsum est, quòd ante tempora Mosis Lege Naturæ, post Mosis seculum Lege Leviticâ, in N. T. Lege Evangelicâ homines salvati sint.

70. Falsum etiam illud, quòd Legis cum Veteri, Evangelii cum N. T. sit æqualis latitudo, hoc sensu, quòd ad Legem pertineat, quicquid in V. T. proponitur; ad Evangelium, quicquid in Novo.

71. Est enim Evangelium ante promissum per Prophetas in Scripturis sanctis, Rom. 1. v. 2, & omnes Prophetæ testimonium perhibent Christo, quod remissionem peccatorum accipiant, qui in nomen ejus credunt, Act. 10. v. 43.

72. Breviter, quod Prophetæ prædixerunt futurum, idem Apostoli annunciant completum.

73. Per Universalitatem Objecti intelligimus, quòd Evangelii promissiones ad omnes homines pertineant.

74. Ubi tamen distinguimus inter promissionem & promissionis applicationem, Promissio ad omnes omnino spectat, applicatio autem promissionis fit solis credentibus.

75. Non enim hîc quæritur, an actu omnes fiant participes beneficiorum, quæ per Evangelii vocem offerantur? id enim non fieri res ipsa proh dolor, testatur.

76. Sed

76. Sed hoc quæritur, an Evangelii promissiones sint ex se & in se Universales, an v. ita restrictæ, ut ex consilio & decreto DEI non pertineant nisi ad certos homines absolutè ejus beneplacito præ reliquis electos?

77. Ubi dicimus, Deum seriò omnium salutem expetere, Christum pro omnibus omninò hominibus satisfecisse, proinde etiam Deum seriò omnibus beneficia Christi per Evangelium offerre.

78. Christus jubet Evangelium prædicare omni creaturæ, Marc. 16. v. 15. præcipit ergò, ut Apostoli passim omnibus prædicent atq; offerant Evangelium, in Evangelio beneficia suæ passionis & mortis, in beneficiis passionis & mortis remissionem peccatorum, in remissione peccatorum gratiam Dei, in gratia Dei salutem & vitam æternam.

79. Quicumq; proinde crediderit, id

K 5

est,

est, qui fide, quam per hanc ipsam Evangelii vocem, S. S. in omnibus audientibus & non contumaciter reluctantibus operari vult; oblata bona receperit, salvus erit, Marc. 16. v. 16.

80. Omnibus ergo eo fine Deus Evangelium offert, ut per ejus auditum fidem concipiant; cujus anteaambulo contritio, pedissequa verò bona opera, quæ sunt fructus renovationis & fidei per Spiritum sanctum accensæ.

81. Voluntate consequente & judiciariâ prædicatio Evangelii quibusdam fit odor mortis ad mortem, 2. Corinth. 2. v. 15.

82. Circa hanc objecti Universalitatem notandum, quod non excludat, sed potius includat fidem.

83. Fides enim & promissio habent se correlativè.

84. Unde Evangelii doctrina verbum fidei, Rom. 10. v. 8. 1. Tim. 4. v. 6. auditus & prædicatio fidei, Gal. 3. v. 2. appellatur.

85. Quæ

85. Quæ fidei conditio non est ^{causalis} ~~causalis~~ λογική, quo modo Legis promissiones sunt conditionales: sed συλλογιστική, exprimitur enim modus & instrumentum, quo promissa bona amplectimur.

86. Vox Legis est, si perfectè obœdieris salvaberis; ubi conditio est αιτιολογική. Quia obœdientia perfecta est causa, propter quam servantibus Legem datur vita æterna.

87. Vox Evangelii est, si credideris, salvaberis: ubi conditio est συλλογιστική. Quia non propter fidem sed per fidem, quæ Christum apprehendit, coram Deo nos justificari & salvari, Evangelium pronunciat.

88. Ex Evangelii definitione facile potest intelligi, an propriè loquendo Evangelium sit prædicationis poenitentię?

89. Quando Evangelium accipitur generaliter pro tota doctrina, quam Christus & Apostoli prædicârunt, verissimum est, Evangelium esse prædicationem poenitentię.

90. Præ-

90. Præterea Evangelium annunciat gratiam Dei solis pœnitentibus, id est, agnitione peccatorum & sensu iræ divinæ humiliatis.

91. Ac dum in solo Christo salutem quærendam esse pronunciat, omnia extra Christum sub peccatum conclusa esse præsupponit.

92. Quin etiam Evangelium aliquas Legis explicationes monstrat, quas ex sola Lege non posset quis facile & evidenter colligere.

93. Hoc ergò sensu & his respectibus Evangelium prædicatio pœnitentiæ dici & rectè intelligi potest, interim manet propria Evangelii doctrina de remissione peccatorum propter Christum gratuita.

94. Dicis: Fides est ex Evangelio, ergò etiam incredulitas arguitur per Evangelium., Lex enim non novit Christum Mediatorem.

95. Respondemus, Lex jubet credere
omni

omni Dei verbo, Evangelium pponit hoc Dei verbum, quòd Christus pro nobis in cruce mortuus, sit nostra coram Deo iustitia: Concludat Lex, Ergò huic Dei verbo credas.

96. Lex arguit omnia peccata, & sic etiam incredulitatem: Evangelium in antithesi sua ostendit, hoc esse peccatum, & quidem caput peccatorum omnium, non credere in Christum Mediatorem, docente Chemn. p. 2. loc. pag. 570. Concludit Lex, Ergò propter illud peccatum argueris & damnaris.

97. Hoc sensu dicebat D. Lutherus, quòd Lex & Evangelium in praxi sint quovis Mathematico puncto conjunctiora, in cap. 2. Gal.

98. Et tamen manet proprium Legis officium peccatum arguere, operari iram, damnare: proprium Evangelii officium consolari, erigere, salvare.

99. Quando Lex proponit suam Majorem:

jorem : Quicumque furatus est, sub maledicto est: Assumit conscientia furis, Ego sum furatus. Concludit Lex, Ergo es sub maledicto.

100. Ibi totus Syllogismus accusans & damnans tribuitur Legi, etiamsi assumptionem addat conscientia furis.

101. Ita quoque Lex proponit suam Majorem. Quicumq; sub peccato est, maledictus est. Evangelium proponit Minorem. Quicumq; non credit in Filium, adhuc est sub peccato, & ira Dei manet super illum, Ioh. 3. v. 36. Concludit Lex, Ergo maledictus est.

102. Ibi itidem totus Syllogismus accusans & damnans tribuendus Legi, etiamsi assumptionem addat doctrina Evangelii.


103. Lex concludit omnes sub peccatum, Gal. 3. vers. 22. Quicumq; ergo non credit Evangelio Christum monstranti, manet sub Legis maledicto, & in illum Lex suum accusandi & damnandi

mandandi officium in summo vigore & rigore exercet.

104. Accusatio ergò incredulitatis pertinet ad Legem; nimirum Evangelii luce collustratam.

105. Hinc D. Lutherus scribit, opus fidei in Christum & peccatum oppositæ incredulitatis reduci ad primum præceptum, in Genes. c. 22. f. 303.

106. Dominus Jesus voce Evangelii corda nostra in omnibus tentationibus; præsertim verò in hora mortis efficaciter erigat & sustentet.



XIII. APHORISMI THEO- LOGICI DE POENITENTIA.

1. **P**Raxis Legis & Evangelii consistit
in Pœnitentia.

2. Neq; enim sufficit scire, quod sit
Legis, quod Evangelii officium: sed
requiritur utriusq; praxis: Theologia
est doctrina Practica.

3. Pœnitentia tribuitur vel Deo vel
hominibus.

4. Deo quidem ἀνθερωποπαθῶς, non
θεωπαθῶς: ἐνεργητικῶς, non παθητικῶς.

5. Utenim ira Dei non est animi ejus
perturbatio, sed judicium, quo irroga-
tur poena peccato: ita pœnitentia ejus
est mutandarum rerum immutabilis
dispositio. August. 15. de Civitat. Dei
cap. 25.

6. Non cogitat Deus sicut homines,
ut aliqua ei nova accedat sentētia, nec
irascitur quasi mutabilis, sed ideò hæc
leguntur, ut peccatorum nostrorum
acer-

acerbitas exprimatur. Ambros. lib. de
arca & Noah cap. 4.

7. Hominibus longè alio sensu tri-
buitur pœnitentia, quàm Deo. Non
enim est Deus quasi homo, quem pœ-
niteat quippiam, 1. Sam. 15. v. 29.

8. Respectu eo, quo homini pœni-
tentia tribuitur, dupliciter in Scriptu-
ris sumitur, vel ^{totaliter} *ολικῶς* vel ^{partialiter} *μερικῶς*.

9. *ολικῶς* pro toto conversionis actu;
μερικῶς pro sola contritione.

10. Vis vocabuli magis declinat ad si-
gnificationem posteriorem. Est enim
pœnitere idem quod rei commissæ ali-
quem pudere ac pigere. Gell. 17. c. 1.

11. Usus verò Scripturæ & Ecclesia-
rum nostrarum magis declinat ad si-
gnificationem priorem.

12. Unde quibusdam Veteribus com-
modior visa vox Resipiscentiæ. Tert. 2.
contra Marc. Lactant. 6. Inst. c. 24.

13. Hebræi commodissimè vocant
Theschußah, quod Græci vertunt

Προσφών, nos conversionem.

14. Pulcrè hoc explicat Phayorinus,
quòd sit ^α τῶν ^{lapsu (offensio) re} ^{contra} ^{ium bonum} ^{transverso} ^{tionem} ^{αγαθόν} ^{ἵππας} ^{ῥαφῆ}.

15. Intellige autem *ἀνταγιστὸν* & verè
summum bonum.

16. Unde Damascenus pulcherrimè
vertit, quod sit ^{αὐτὸ καὶ ποιεῖ τὸ πῦρ, naturam, ἀρὶς quod}
^{secundū naturam et} οὐκ ἑστὶν οὐσίη εἰς τὴν αὐ-
^{τὴν οὐσίαν, καὶ ἀπὸ τοῦ διαβόλου} τὴν οὐσίαν, καὶ ἀπὸ τοῦ διαβόλου πρὸς τὸν Θεόν
^{reditus} ἐπανορθ. 2. de Orth. fide. 30.

17. Quod nostris poenitentia, id Græcis μεταμέλεια καὶ μετάνοια.

18. Ita tamen, ut poenitentia pro
sola contritione accepta respondeat
μεταμέλεια, quæ est animi dolor ^{non ad-} μή συγ-
^{μισμῶ} κεντραμέν ^{fidci} τῇ αἰσεί : Hebr. 4. vers. 2.
sed poenitentia generaliter accepta
respondeat μετάνοια, quæ est ^{tristitia ad} λύπη eis
^{salutem non poenitenda} σωτηρίαν ἀμεταμέλητ ^{αὐτοῦ}, 2. Corinth. 7.
vers. 10.

19. Quod discrimen non esse perpetuum, apparet ex Matth. 21. vers. 29. & Hebr. 12. v. 17.

20. Ple-

20. Plerunq; tamen μετάνοια veram & salutarem poenitentiam; μεταμέλεια falsam & exitialem denotat.

21. Falsa illa duplex est: alia hypocritica in sola externa specie & simulatione consistens, quam Propheta nominat ^{theatralen} ~~θεατρικὴν~~, quod Christus exprimere voluit, quando dicit, quosdam jejunare (& lugere) ^{ut} ~~πένοντες~~ ^{contemplantur,} ~~καὶ νηστεύοντες~~, ^{ut appareant} ~~ὅπως φανῶσι τοῖς ἀνθρώποις~~ ^{communibus}, Matth. 6. vers. 16.

22. Alia dimidiata & mutila, peccatum deplorans absq; gratia & fide.

23. Vera autem & salutaris poenitentia in seriâ contritione & fide consistit.

24. Quidam eam vocant Evangelicam, ubi addenda est explicatio, quòd ratione partis potioris, videlicet fidei, quæ est ex Evangelio, ita denominetur.

25. Vera illa poenitentia est motus cordis à Spiritu S. accensus, quo, pec-

catis & ira Dei adversus illa agnitis, homo seriò dolet, & fide in Christum, qui pro peccatis satisfecit, vicissim sese erigit, certò propter illum peccata sibi remitti statuens.

26. Est enim pœnitentia conversio quædam à tenebris ad lucem, à potestate Satanæ ad Deum, Act. 26. v. 18.

27. Ergò terminus à quo sunt peccata, ex quorum consideratione oritur contritio, terminus ad quem; est Deus, ad cujus misericordiam per Christi meritum pater aditus.

28. Quot sunt doctrinæ coelestis genera, quorum ministerio pœnitentiam & remissionē peccatorum Deus hominibus prædicat, eandemq; in hominibus operatur, tot sunt partes ejus essentielles. At duo sunt genera doctrinæ coelestis; videlicet Lex & Evangelium. Ergò etiam duæ sunt pœnitentiæ partes.

29. Quælibet istarum doctrinarum
suum

suum proprium & peculiarem, in homine convertendo, effectum obtinet: Lex incutit dolorem, dum manifestat peccata, & Dei iram adversus illa: Evangelium solatur, dum proponit homini contrito Christum Mediatorem, agnum illum Dei, tollentem peccata mundi.

30. Hi effectus Legis & Evangelii etsi distincti sunt, tamen ad unum poenitentiae ^{effectum compoſitum} ~~ἀποκατάστασις~~ absolvendum concurrunt.

31. Bona opera seu novam oboedientiam non partem, sed fructus poenitentiae dignos, Scripturâ duce, vocamus, Luc. 3. v. 8. Act. 26. v. 20.

32. Quidam disputant, Poenitentiae partes esse Mortificationem carnis & Vivificationem Spiritus.

33. Non repugnamus, si per mortificationem intelligatur contritio seu dolor ex peccatorum agnitione & sensu irae divinae conceptus: per vivifica-

tionem consolatio, quæ est ex fide.

34. Si verò intelligatur studium illud converforum ac renatorum perpetuum, in mortificando veteri homine, & fructibus Spiritus. sectandis, tum dicimus illud ad novam oboedientiam pertinere.

35. Quæ cum in hac vita non sit perfecta, ideò tota Christiani hominis vita est perpetua pœnitentia. D. Lutherus in primis suis propos. de Indulgent. th. i.

36. Tres illæ pœnitentiæ partes, quâ dividitur in contritionem cordis, confessionem oris, & satisfactionem operis, locum habent non in conversione illa ad Deum salutarî & interna, quâ cum Deo nobis res est: sed in publica illa Ecclesiastica pœnitentia veteribus usitata.

37. Qui enim publicis suis delictis scandalo olim fuerat reliquis, & propterea ex cœtu Ecclesiastico exclusus,

ab

ab eo publica poenitentiae indicia, praeter internam cordis contritionem, requirebantur, videlicet luctus, ^{et confessio}
ynguis, deprecatio &c. quibus Ecclesiae satisfaceret; B. Rhenanus in scholiis ad Tertull. de poenit.

38. Abutuntur ergò divisione istâ,
qui poenitentiaë illius salutaris, quâ
cum Deo nobis res est, illas partes esse
volunt.

39. Ab ea enim fides nullo modo
excludi potest; quippe absq; fide pœ-
nitentia non potest esse pœnitentia
ad vitam
et *con*; Act. II. v. 18.

40. Bonæ sunt lacrymæ, si Chri-
stum agnoscas ; Ambros. in cap. 24.
Luc. 17.

41. Longè verò pejus additur affu-
mentum, si actiones illę pœnitentis ra-
tionem elementi seu materialis, non
significantis modò, sed causantis quoq;
& efficientis remissionē peccatorum;
in Sacramento pœnitentię obtinere

statuuntur, quib⁹ vox absolventis Confessionarii tanquam formale accedat, de quo ipso mira est inter Scriptores discrepantia. Vide commentat. super 4. sent. dist. 14.

42. Siquidem quam Christo, ejusq; merito, per fidem apprehenso, Scriptura tribuit remissionē peccatorum, ea nostro studio ac merito hac ratione accepta fertur.

43. Contritio in conversione requiritur, non ut causa & meritum reconciliationis cum Deo, sed ratione ordinis.

44. Evangelizat quidem Christus, sed pauperibus: sanat, sed contritos corde; prædicat remissionem, sed captivis, prædicat visum, sed cæcis; prædicat dimissionem, sed confractis, id est, spiritualem suam pauperiem, captivitatem ac cœcitatem agnoscentib. & ob id corde contritis ac confractis, Esa. 61. v. 1. Luc. 4. v. 18.

45. Ad

45. Ad contritionem illam pertinent agnitio peccati, sensus iræ divinæ, dolor & angor trepidantis conscientiæ, detestatio & fuga, quin & signa contriti cordis exteriora, lacrymæ, jejunium, pectoris tunſio, ſaccus &c.

46. Cæterum differentia eſt inter contritionem piorum & impiorum atque hypocritarum.

47. Contritio piorum oritur ex ſpeciali operatione Spiritus ſancti, ſed impiorum & hypocritarum contritio plerumq; ex veteri homine & naturalibus liberi arbitrii viribus ortum habet.

48. Pii in pavoribus conscientiæ principale peccati objectum Deum ipſum intuentur, & propter ejus offenſam unicè dolent; hypocritæ contra mentis ſuæ vel aliorum judicia potiùs extimeſcunt, & poenæ magis, quàm culpæ conſideratione anguntur.

49. Pii non ſolùm actualia peccata: ſed & fontem omnium actualium, vi-

delicet originalem labem; non solum exteriora delicta, sed etiam interiorum corruptionem; non solum presentis, sed etiam futuræ vitæ poenas intuentur: sed hypocritæ saltem externa delicta utcunq; agnoscunt, & ut plurimum saltem hujus vitæ poenas extimescunt, si assurgant ad cōsiderationem æternarum poenarum, in barathrum desperationis abripiuntur.

50. Pii agnoscunt & confitentur Deum, & judicia ejus esse justa: Hypocritis proprium est delicta extenuare, & Dei justiciam vellicare.

51. Interim religio nobis est, aliam legalem: aliam Evangelicam contritionem statuere.

52. Ipsa enim illa piorum contritio (quam vocant Evangelicam) est ex Lege, non autem ex Evangelio.

53. Legis concioni addit D E U S quandoq; reales & oculares conciones

nes de peccatorum & iræ suæ magnitudine, videlicet calamitates publicas & privatas, tum in nobis tum in aliis.

54. Eo enim fine immittit Deus huius vitæ poenas, ut ad peccati agnitionem & detestationem nos deducat, 1. Cor. 10. v. 22.

55. Doctrina de Contritione pervertitur, si pars poenitentiae & terror ex minis Legis conceptus esse negatur, contrà verò asseritur esse dolor voluntariè pro peccatis assumptus.

56. Item si docetur hominem (in vetustate adhuc constitutum) verè cooperari ad conversionem: ad Evangelium contritionē maximè pertinere, esse causam remissionis peccatorum, inclusum illi etiam benè vivendi propositum &c.

57. Hæc n. omnia contra Scripturam & veritatē asseruntur & defenduntur.

58. Quæ ex scholasticis disputantur
de

de dolore summo appreciativè & intensivè : item quod dolor de peccato debeat excedere vel æquare voluptatem de peccato conceptam &c. Ea ad carnificinam animarum comparata esse dicimus.

59. Requiritur omninò non hypocrítica, non superficialia, sed ex toto corde seria contritio;

60. Absit verò, ut eam vel peccati, vel iræ Dei, vel pœnarum magnitudini respondere posse dicamus.

61. Deus infinitum bonum, quod offensum : peccatum infinitum malum, quod commissum : pœna infinitum malum, quod paratum.

62. Quomodo ergò infinitus Deus, infinita ejus justitia, infinita ejus ira adversus peccata, finitâ contritione possent expiari?

63. Doctrina de Fide non minùs pervertitur, quando negatur esse Pœnitentiæ pars, negatur esse fiducia, negatur

tur esse de remissione peccatorum certa ; quando negatur principale fidei objectum esse promissiones Evangelii de Christo Mediatore, quando negatur, fides sola justificare, negatur à caritate esse individua &c.

64. De Confessione hæc sunt erronea, quòd omnium peccatorum, quorum quis, post diligentem præmeditationem, & districtum examen, memoriam habere poterit, per suas circumstantias in aures Sacerdotis, denunciatio, sit jure divino necessaria: quòd confessione illà deleatur peccatum, & per exiguam confusionem, quam confitentes coram Sacerdote patiuntur, redimatur ingens confusio, quam alioqui passiuri sunt in die judicii &c.

65. Variis tamen dissensionibus se invicem hîc oppugnant. Alii extendunt hoc præceptum ad Venialia, quidam ad sola mortalia. Alii ejus originem quærunt in jure divino: quidam
in

in Ecclesiæ constitutione. Alii vim contritionis extendunt ad remissionem culpæ; quidam ad remissionem poenæ vel ex toto vel ex parte. Vide de tota hac re omninò Bielem 4. sent. dist. 17. q. 1.

66. Nos privatam confessionem apprime utilem esse dicimus, tum propter ministrum Ecclesiæ, tum etiam propter confitentes.

67. Hac enim ratione præcaveri potest, ne indigni ad usum sacrae Cœnæ admittantur, possunt delinquētes corrigi, torpentes excitari, territis in specie remissio peccatorum potest denunciari, dubiis consilium dari, & rudiores informari.

68. Rectè ergò Dn. Philipp. in explic. Evang. miser. Dom. 1. post Pascha, quam ultimo vitæ suæ anno Auditoribus dictavit. Amate illum morem private absolutionis: nam si ille mos aboleretur, qualis esset Ecclesia? etiam ille
mos

mos est testimonium, quod in Ecclesia
est remissio peccatorum.

69. Nec improbamus certorum peccatorum enumerationem, quibus conscientia potissimum angitur.

70. Interim omnium peccatorum enumerationem jure divino necessariam esse pernegamus.

71. Nec agnoscimus ullum confessionis meritum, in peccatorum remissione impetranda.

72. Satisfactionem talem quidam docent, per quam vel pro culpa vel certè pro pœna peccatorum temporalis fiat, indulgentiis verò pœnas illas relaxari & redimi posse: ac si non plenè satisfiat, in purgatorio sudandum esse.

73. Nos nullam aliam, quàm Christi satisfactionem agnoscimus, & verè pœnitentibus peccata gratis, propter illam Christi satisfactionem, remitti dicimus.

74. Calamitates piis post suam cum Deo reconciliationem impositæ, non sunt propriè poenæ irati Dei tanquam severi judicis; sed castigationes paternæ.

75. Quæ non eo imponuntur fine, quasi per eas pro peccatis compensatio aut satisfactio fieri possit: sed ut pii peccatum magis detestentur, ut crescat in illis Dei timor, ut excutiaturs securitas, ne novis peccatis Deum offendant, ut carnem cum suis concupiscentiis mortificent, ut sint testimonium, in æternum fuisse illis pereundum nisi per Filium Mediatorem in gratiam reciperentur, ut humilientur sub potenti manu Dei, ut reliqui admoneantur de judicio Dei adversus peccata.

76. Breviter, ut crescat in eis patientia, spes, desiderium vitæ æternæ, preces, mortificatio veteris Adami &c.

77. Pul-

77. Pulcerrimè de his calamitatibus
piorum dicit Nanzianz. quod sint π-
χροὶ οἶσοι ἐκ γλυκεῆς παλάμης Θεῷ, amare
sagittæ ex dulci manu Dei. in σκετλ.

78. Hæc de pœnitentia dicta sint,
quam meritò portum salutis cum La-
ctantio appellamus, 6. div. Instit. c. 24.
Deus (inquit) imbecillitatem nostram
sciens, pro sua pietate aperuit homini
portum salutis, ut huic necessitati, cui
fragilitas nostra subjecta est, medicina
pœnitentiæ subveniret.

79. Quam ne differamus, invitare
nos debent satis multa. Ad Dei gra-
tiam non patet accessus, nisi per pœni-
tentiam.

80. Cor impœnitens thesaurizat sibi
divinam iram, & impœnitens vita est
servitus Diabolica.

81. De crastino vitæ die non sumus
certi, cur ergò pœnitentia in crasti-
num debeat differri?

82. Gaudent Angeli de pœnitenti-
M bus.

bus, ergò dubio procul dolent de pœ-
nitentiæ procrastinatoribus.

83. Sera pœnitentia rarò vera, & qui
ad finem usq; vitæ in peccatis perseve-
rant, non illi peccata, sed peccata re-
linquunt ipsos.

84. Convertat nos Dominus, ut con-
vertamur, & quod ex nobis non possu-
mus, id ipse in nobis per Spiritum
suum operetur.



XIV. APHORISMI THEO- LOGICI DE FIDE, QVA CÖRAM Deo justificamur.

1. **F**ides pœnitentiæ pars altera, non
solum est notitia & assensus, sed
etiam fiducia.

2. Notitiam esse ostendunt appella-
tiones scientiæ, sapientiæ, intelligen-
tiæ, lucis, cognitionis &c. quibus fi-
dem Scriptura denotat.

3. Nec fiducia cordis ferri potest in
objectum menti incognitum.

4. Valeat ergò fides illa implicita,
per quam Christiani labore illo pro-
bandi Spiritus, 1. Joh. 4. v. 1. & caven-
di Pseudoprophetas, Matt. 7. v. 15. sub-
levantur.

5. Valeat commentum, quod fides
rectius per ignorantiam, quàm noti-
tiam definiatur.

6. Etsi enim fides non est notitia ex
ratio-

rationis principiis deducta, iisq; super-
structa, tamē est lux notitiæ ex revela-
tione Dei per Evangelium orta, in hoc
lumine videmus lumen, Psal. 36. v. 11.

7. Fidem esse assensum & *συγκατά-
κτισιν*, in conspicuo est, neq; enim suffi-
cit scire, quæ Deus revelârit, sed etiam
illis, ut divinitus revelatis assensus præ-
bendus.

8. Fidem esse fiduciam ostendunt
appellationes *confidentia* *plena assensionis*
fiduciam *fiduciam*
παραστήσεως, & *ἀσθησις*, quibus Scri-
ptura fidem denotat.

9. Idem ostendunt fidei descriptio-
nes practicæ. Abraham fides ita descri-
bitur, quod crediderit contra spem in
spem, Rom. 4. v. 18. quod non fuerit
infirmatus in fide, v. 19. quod adversus
promissionem Dei non hæsitârit diffi-
dentiâ, sed robustus factus fide dederit
gloriam Deo, v. 20. quod firmissimè
statuerit, Deum posse facere quæcunq;
promisit, v. 21.

10. Fi-

10. Fides hæmorrhousæ, quam Christus celebrat, ita describitur, quòd dixerit in corde suo, si tetigero vestimentum ejus, sanabor, Matth. 9. v. 22.

11. Fides Cananæ, cujus magnitudinem Christus prædicat, ita describitur, quòd pugnaverit cum quadam lucta contra tentationem de dilatione auxilii, de particularitate promissionum & propria indignitate, Matth. 15. v. 28.

12. Sic fides Christum ^{assumit} λαμβανει, Joh. 1. v. 12. est spiritualis pastus animæ, Johan. 4. v. 14. Joh. 6. v. 35. Apoc. 21. v. 6. est obsignatio divinorum promissorum, Joh. 3. v. 33. est intuitus Christi in cruce pendentis, Joh. 3. v. 15. hæc certè nudæ notitiæ tribui nequeunt.

13. Adde, quod opposita sint sub eodem genere proximo. Jam verò fidei non solum opponitur ^{ignorantia} ἀγνοια & tenebræ intellectus, sed etiam ^{parva fides} ἀλγοςια, ^{timiditas} δειλια, Matth. 8. v. 26. ^{dubitatio} δισωσια, Matth. 14.

^{timor}
v. 31. ^{delectatio} ~~delectatio~~, Luc. 8. v. 25. *Sanctitatis in-*
teritio, Rom. 4. v. 20.

14. Fidei ratione notitiæ & assensus, objectum adequatum est Dei verbum in Scriptis Prophetis & Apostolicis comprehensum.

15. Extra Sphæram hujus objecti, quicquid est, illud fidei fundamentum esse nequit.

16. Proinde ab sit, ut traditiones pari pietatis affectu, quo scriptum Dei verbum, suscipiendas esse nobis patiamur persuaderi.

17. Nec ratio humana fidei mensura esse poterit, sed ad præscriptum verbi ea conformanda est. Omnis enim intellectus sub obsequium Christi capitivandus est, 2. Cor. 10. v. 5.

18. Ratione fiducia objectum fidei adequatum est Christus Mediator & Redemptor, seu, quod idem est, promissio Evangelii de Christi satisfactione & merito.

19. Interim non negamus, fidem etiam apprehendere promissiones de aliis bonis spiritualibus & corporalibus, sed eatenus non justificat.

20. Prius namq; in Christo recumbat necesse est, in illo & per illum quærat reconciliationem cum Deo, antequam alia Dei promissa sibi applicare possit.

21. In solo enim Christo omnes Dei promissiones sunt ratæ & Amen., 2. Cor. i. v. 20.

22. Justificat autem fides, quatenus Christi meritum in verbo Evangelii sibi oblatum apprehendit.

23. Diversi quidem generis sunt ea, quæ in Scriptura nobis credenda proponuntur: interim totius Scripturæ scopus est Christus in officio redemptionis, de quo scriptum in capite libri Psal. 40. v. 8.

24. Ita quoq; fides sic assentitur universo Dei verbo, ut cum primis respi-

ciat promissionem gratiæ propositam
in Evangelio.

25. Quòd si fides est fiducia in Christi meritum recumbens, consequitur hominem in Christum verè credentem certò statuere posse & debere, sibi etiam propter Christum peccata remitti, Deum se habere propitium, & vitæ se hæredem fore.

26. Id quod divinarum promissionum firmitas, juramenti divini stabilitas, Spiritus sancti testantis & obsignantis veritas, Sacramentorum utilitas, exauditionis promissæ infallibilitas, & veræ fidei proprietas evidenter arguunt.

27. Quò pertinet egregius ille locus Bernhard. serm. 3. de fragm. sept. miser. Tria considero, in quib⁹ tota mea spes consistit, caritatem adoptionis, veritatem promissionis, potestatem redditionis. Murmuret jam, quantum voluerit insipiens cogitatio mea dicens:

Quis

Quis tu es? & quanta est illa gloria,
 quibusvè meritis hanc obtinere spe-
 ras? & ego fiducialiter respondebo:
 Scio cui credidi, & certus sum, quia in
 caritate nimia adoptavit me, quia ve-
 rax est in promissione, quia potens in
 exhibitione. Hic est funiculus triplex,
 qui difficulter rumpitur, quem nobis è
 patria nostra in hunc carcerē usq; de-
 missum firmiter quæso teneamus, ut
 ipse nos sublevet, ipse nos trahat usq;
 ad conspectum gloriæ magni Dei.

28. Vera illa & salvifica fides est gra-
 tuitum Dei donum, Eph. 2. v. 8. Phil. 1.
 v. 29. ^{efficacia τῆς χάριτος} ἐνεργείᾳ τοῦ Θεοῦ, Col. 2. v. 12. ^{et consummationem} ^{δυνάμει} αἰσχυγὸς καὶ τελειώτης est Christus, Heb.
 12. v. 2.

29. Proinde fides non est operum
 præcedentium meritum, sed operum
 futurorum fundamentum.

30. Nec verò immediatè Deus eam
 in cordibus operatur, sed Spiritus san-
 ctus per verbum Evangelii, tanquam

cœleste lumen, fidei lucem in cordibus nostris Naturâ tenebrosis accendit, Rom. 10. v. 17. Fides ex auditu, auditus autem per verbum Dei.

31. Verbo etiam addita sunt Sacramenta, quæ itidem gignendæ & alendæ fidei sunt media.

32. Proinde cœlestes expectare raptus, extra & præter verbum, est eorum qui mediis à Deo institutis contenti esse nolunt.

33. Vera fides non est *vençà*, Jac. 2. vers. 17. quippe quam Spiritus sanctus per vivum Dei verbum in cordibus operatus est, Hebr. 4. v. 12.

34. Quin potius est ^{*operans*} *ἐνεργησμεν* atque efficax, Gal. 5. v. 6.

35. Illa fidei ^{*operatio*} *ἐνεργεια* duplex est: una, quâ in Christum Mediatorem verbo Evangelii monstratum recumbit, ejusque beneficia apprehendit: altera, quâ per caritatem efficax est.

36. Quan-

36. Quando ergò dicimus, quòd fides justificet, & quidem sola, ibi utraq; propositio explicanda est.

37. Fides justificat, non ratione dignitatis & præstantiæ suæ, nec ratione posterioris ^{operationis} ~~evangelicæ~~, sed quia Christum Mediatorem apprehendit.

38. Nulla ergò discrepantia realis est inter hæc, si dicatur ab aliis fidem justificare instrumentaliter, ab aliis verò, quòd formaliter justificet.

39. Priori modo fides accipitur, ut donum Dei in corde per Evangelium accensum, sive ut cor fidele, & sic est instrumentum, quo Christus apprehenditur.

40. Posteriori modo fides accipitur pro ipsa Christi apprehensione, per fidem, & sic est causa formalis, hoc est ratio & modus nostræ justificationis.

41. Sed nec ulla realis discrepantia est,

est, si dicant alii fidem justificare formaliter, alii verò Christum, alii etiam Christi meritum.

42. Perinde enim est siue dicas fidem, quæ Christum apprehendit, justificare, siue Christum verâ fide apprehensam esse nostram coram Deo justitiam, siue meritum Christi per fidem nobis imputari ad justitiam.

43. Fidei enim salvificæ objectum proprium est Christus cum suo merito, & vicissim Christus nobis nihil prodest, nisi per fidem justitia ejus nobis imputetur.

44. Propriè ergò loquendo, causa formalis nostræ justificationis est Christi justitia; hoc est activa & passiva ejus oboedientia fide apprehensa, & divinitus nobis imputata, Quâ de re sic habendum.

45. Deus in judicio suo rationes exigit donorum nobis concessorum, hoc est, ejus perfectionis & integritatis, cum

cum qua nos creaverat, ad imaginem
nimirum suam.

46. Atqui illam concreatam integritatem, sapientiam ac justitiam in nobis non invenit, sed peccatum & iniquitatem, ob quam à Lege, quæ norma est justitiæ, accusamur & damnamur.

47. Hic ergò gratuita Dei misericordia venit in judicium, quæ nobis Christum Mediatorem ac Redemptorem exhibet, is tollit à nobis quod nostrum est, peccatum scilicet & iniquitatem; ac donat nobis quod suum est, videlicet oboedientiam suam Legi præstitam.

48. Ex hoc fundamento Deus misericors simul ac justus, optimo temperamento nobis non imputat peccatum, sed contrà imputat nobis Christi justitiam scilicet per fidem, quæ in Christo, tanquam propitiatorio, recumbit atq; nititur.

49. Hac

49. Hæc justitiæ Christi per fidem imputatio tam vera ac realis est, quam verè Christus in se recepit iniquitates nostras; Esai. 53. v. 4.

50. Remissio peccatorum fundatur in Christi justitia, non enim Deus peccata remittit per errorem, vel per ignorantiam, vel per levitatem, vel per incuriam; sed propter Christum, quem fides apprehendit.

51. Et sic in justificatione exerit se Justitia & Misericordia Dei. Justitia fulget in perfectissima Christi satisfactione pro peccatis nostris. Misericordia elucet in acceptatione satisfactionis Christi, ejusq; per fidem applicatione.

52. Vicissim imputatio justitiæ Christi fit peccatis remissis, quia reatus personæ cum imputatione justitiæ Christi nequit consistere.

53. Proinde ut peccatum originale non est solum carentia justitiæ originalis, sed etiam prava concupiscentia:

ita

ita quoque nostra coram Deo justifi-
ficatio consistit in remissione pecca-
torum, & imputatione justitiæ
Christi.

54. Cum illa peccatorum remis-
sione, justitiæ Christi imputatione,
regeneratione & ^{in filijs adoptio} ~~quod deo~~ perpetuo ne-
xu conjuncta est renovatio, siquidem
Christus non solum justitiam suam no-
bis donat, sed & Spiritum sanctum, qui
naturam nostram renovat.

55. Interim tamen non consistit in
utroque simul nostra coram Deo justifi-
ficatio.

56. Sed renovatio illa est justifica-
tionis consequens, & quia in hac na-
turæ imbecillitate nunquam est plena
& perfecta, ideò gloriam justitiæ co-
ram Dei judicio subsistentis, ei tribue-
re non possumus.

57. Atq; hoc ipsum denotare volu-
mus, quando dicimus solâ fide nos ju-
stificari.

58. Ubi

58. Ubi particula Sola non determinat subjectum , quasi fides justificans sit sola , & à caritate ac reliquis virtutibus separata.

59. Siquidem vera fides est viva, non autem mortua ; est efficax per caritatem ; non autem absq; operibus.

60. Sed ^{particula} hoc ^{exclusiva} illud ^{ἐκλειστική} determinat prædicatum, hoc sensu, quòd sola Christi justitia, cujus apprehendendæ vis soli fidei, non operibus convenit, imputetur nobis ad justitiam.

61. Non ergò negamus Spiritum sanctum in renatis accendere novos motus, & justificados in bonis operibus ambulare.

62. Quin potius disertè dicimus, ubi nondum sunt novi isti motus à Spiritu sancto excitati, ibi etiam veram fidem nondum esse accensam : disertè dicimus, bona opera debere sequi in justificatis.

63. Hoc verò est, quod modis omnibus

bus negamus, vel novos illos motus esse habituales coram Deo valentem justiciam: vel bona illa opera esse actuales justiciam, quâ coram Dei iudicio niti possimus.

64. Sed totius fiduciæ nostræ certitudo est in precioso Christi sanguine. August. in Meditat.

65. Væ enim hominum vitæ, quantumvis laudabili, si, remotâ Dei misericordiâ discutiatur. Idem lib. 9. Confess. cap. 13.

66. Urgemus ergò particulas exclusivas in merito, in applicatione & in forma justificationis.

67. Ne scilicet opera statuantur vel meritum, vel medium, vel forma nostræ coram Deo justificationis.

68. Sed sola Dei gratia, propter solum Christum, quem sola fides apprehendit, nos justificat.

69. Finis illius salvificæ fidei est salus animarum nostrarum & vita æterna, 1. Pet. 1. v. 8.

N

70. Neq;

70. Neq; enim per fidem solum habemus accessum ad gratiam, verum etiam fide stamus in gratia, Rom. 5. v. 1. & virtute Dei custodimur ad salutem per fidem, 1. Petr. 1. v. 5.

71. Etsi verò tam non possit fides à caritate separari, quàm à Sole radii, ab igne calor: tamen absit, ut fidem per caritatem formari dicamus.

72. Dicitur enim fides absq; operibus mortua, non quasi opera ejus sint anima, sed quia illa fidei professio & jactantia, quæ non habet bonorum operum testimonium, est simulacrum seu cadaver quoddam sine omni vita.

73. Opera ergò testantur de vera fide, sicut respiratio de vita hominis, non autem sunt fidei vita.

74. Perinde ut fructus boni de arboris bonitate testantur, non autem arborem bonam constituunt.

75. Meritò proinde inter causas, propter quas facienda sint bona opera, nume-

numeratur etiam illa, ne excutiatu-
des & Spiritus sanctus.

76. Testatur enim Scriptura dictis
& exemplis, eos, qui verè coram Deo
per fidem in Christum iustificati, si
postmodum peccatis contra conscien-
tiam indulgeant, amittere fidem, & per
consequens etiam gratiam Dei, justi-
tiam, Spiritum S. & salutem æternam,
atque incidere in æternam damnatio-
nem, nisi per veram poenitentiam rur-
sus ad Deum convertantur.

77. Semper ergò insonent auribus &
cordib. nostris admonitiones Apосто-
lica: Cum timore ac tremore opera-
mini salutem vestram, Phil. 2. v. 12. Qui
stare se existimat, videat ne cadat, 1. Co-
rinth. 10. v. 12. Satagite, ut certam ve-
stram vocationem & electionem facia-
tis, 2. Petr. 1. vers. 10. Vosmetipfos
probate, an sitis in fide, ipsi vos pro-
bate. An non cognoscitis vosmet-
ipfos, quia Christus Jesus in vobis
N 2 est?

est ? nisi fortè reprobis estis, 2. Cor. 13. vers. 5.

78. Dominus Jesus fidei nostræ autor sit ejusdem consummator, Hebr. 12. v. 2. ipsi sit gloria in seculum.

XV. APHORISMI THEO.

LOGICI DE BONIS OPERIBUS, hoc est, de renovatione hominis per fidem in Christum renati.

1. **C**um regeneratione ^{in filium adoptionis} & ^{in gloria} per fidem in Christum, perpetuo & individuo nexu conjuncta est renovatio.

2. Quemadmodum enim homo per carnalem ^{generationem} ~~γενεσιν~~, vitæ naturalis redditur particeps, quam motus naturales consequuntur.

3. Ita renatus per suam ex Spiritu sancto ^{regenerationem} ~~τοῦ ἁγίου πνεύματος~~ vitæ spiritualis particeps redditur, quam itidem motus spirituales consequuntur.

4. Neutra generatio absq; vita; neutra

tra vita absque motu.

5. Denotatur sapissimè interna ista renovatio bonorum operum appellatione; idque *συνεπιδόχινός*.

6. Non enim in externis tantum operibus bonis, vel actionibus transeuntibus renovatio consistit, sed etiam (& quidem ^{primario} *πρωτως* in interiori mentis, voluntatis atq; omnium animæ virium ^{renovatione} *ἀνακαινώσει*.

7. Ex interiori ista ^{renovatione} *καὶ νοητῇ* promanant actiones bonæ, & de ea bona opera exteriora testantur.

8. Placuit autem Spiritui sancto bonorum operum appellatione renovationem describere propter nos, quia opera externa notiora sunt internis animi qualitatibus & cordis affectibus.

9. Præterea omnis laus virtutis in praxi consistit, ideo renovamur per Spiritum sanctum interiùs, ut appareant fructus Spiritus exterius.

10. Denique hac ratione excluditur

fallax hypocrisis, quæ est simulata species internæ pietatis, quæ nulla est, nisi in operibus etiam externis demonstretur.

11. Regina ergo fidei ut antecambulo est contritio, ita prædissequæ bona opera.

12. Non enim opera bona præcedunt justificandum, sed sequuntur justificatum, quod est August. de fide & operibus cap. 14.

13. Interim tamen ubi opera non apparent extra, fidem non credam esse intra, quod est Johannis Hussi.

14. Neq; difficile est causam assignare, nexus istius inter fidem veram & bona opera perpetui.

15. Cum hæc sit natura veræ fidei, quod sese exerit per caritatem, Gal. 5. vers. 6.

16. Qui credit, ex Deo natus est, Johan. 1. v. 13. utiq; ergo referet Naturam sui spiritualis Patris, jam verò Deus est
cari-

caritas, 1. Joh. 4. v. 8. Qui non diligit, Deum non novit.

17. Fides est interior, salutaris & efficax Dei cognitio; quomodo verò summum illud bonum verè cognitum non diligeretur? si quis verò diligit Deum, sermonē ejus servabit, Joh. 14. v. 23. qui habet mandata mea & servat ea, dicit Salvator, ille est qui diligit me, v. 21.

18. Ex eo concludit Apostolus, in hoc scimus, quòd cognovim⁹ eum, si mandata ejus observamus: Qui dicit, novi eum, & pręcepta ej⁹ nō servat, mendax est, & veritas in eo nō est, 1. Joh. 2. v. 3. 4.

19. Fides spiritualis lux est animæ, ubi verò lux est interior, ibi radios suos profert exterior, Matth. 5. v. 16. Luceat lux vestra.

20. Per fidem Christus habitat in cordibus, Eph. 3. v. 17. ubi Christus, ibi Spiritus sanctus: ubi Spiritus sanctus, ibi etiam apparent fructus Spiritus.

21. Fides nostra est victoria, quæ vincit mundum, 1. Johan. 5. v. 4. quid verò est mundus? Concupiscentia carnis, concupiscentia oculorum & superbia vitæ, 1. Joh. 2. v. 16. ubi illis securè indulgetur, ibi mundus nondum victus, ibi ergò non est vera fides.

22. Viva est & victrix, si modò vera, fides.

23. Fide purificantur corda, Act. 15. v. 9. ubi ergò securè indulgetur impuris peccatorum sordibus, an ibi erit interior cordis puritas? Ex abundantia cordis os loquitur, Matth. 12. v. 33.

24. Hæc ita disertè explicanda fuerunt, non solum ut à Tridentina accusatione liberaremur, ac si magna contentione prædicemus unam illam ab omni pietate remotam fiduciam: sed etiam ut vana fidei persuasio securis peccatoribus adimeretur.

25. Quibus respondendum est ex Jacob. 2. v. 26. sicut corpus absq; spiritu
sive

sive respiratione mortuum est, ita & fides sine operibus mortua est.

26. Nec solum ex fide bona opera proficiscuntur, sed etiam nulla sunt verè bona opera, nisi ex fide proficiscantur.

27. Cum ergò fides respiciat verbum tanquam suum correlatum, ideò norma bonorum operum est Lex divina, sive Decalogus.

28. Proinde *ἡ ἀποθέκη καὶ αἱ ἐργασίαι* & cultus electitii Deo non placent, sed ea solum opera, quæ fiunt juxta Canonem Legis moralis in Decalogo comprehensæ.

29. Intelligendus autem Decalogus, juxta explicationem Prophetarum, Christi & Apostolorum.

30. Præterea cum fides non oriatur ex naturalibus liberi arbitrii viribus, sed sit donum Spiritus sancti, ideò ex eo, quod diximus, opera ex fide proficisci oportere, ulterius colligimus, nulla esse verè bona opera, nisi homi-

num per Spiritum S. renatorum.

31. Per naturam n. homines sunt mortui in delictis, Eph. 2. v. 5. Col. 2. v. 13.

32. Ergo nondum renatorum, ut spiritualis vita nulla est, ita etiam nulla spiritualis, Deo placens, operatio.

33. Rectè igitur magno conatu disputat Augustinus, sine fide, quæ videntur bona opera, esse peccata lib. 3. ad Bonifac. cap. 5. & alibi passim.

34. Omnem vitam infidelium esse peccatum, cum sine summo bono nihil bonum, disputat Anshelm. in 14. cap. Rom.

35. Quam sententiam qui crudelem esse dicunt, in veritatem crudeles sunt Cens. Colon. pag. 29.

36. Mala arbor bonos fructus ferre nequit, & personâ nondum Deo reconciliatâ, nec opera personæ Deo placent.

37. Plura adhuc ex proposito theoremate, quòd ex fide verè bona opera pro-

proficisci necesse sit, colligere possumus, ex eo enim sequitur, quòd bona opera etiam si non assequantur præscriptam in lege perfectionem, tamen Deo placeant.

38. Christus verà fide apprehensus, & hominem & opera ejus ex fide facta Deo accepta reddit.

39. Atque hoc sensu intelligendum est, quòd in nostris Ecclesiis dici solet, fidem esse formam bonorum operum.

40. Non enim hoc volumus, quòd Christi satisfactio ita operibus imputetur, ut per nostra illa opera in Dei judicio justificemur.

41. Cùm enim Justificari (ut ita loquar) ipsamet indigeant, utiq; nos justificare non poterunt.

42. Sed bona illa opera ideò & inde Deo grata esse dicimus, quia persona per Christum reconciliata ex fide benè operatur.

43. Bo-

43. Bona opera renatorum placent Deo, sed non placant Deum.

44. Deniq; quia ex fide bona opera proficiscuntur, ideò per ea & propter ea coram Deo non justificamur.

45. Quod enim jam dum per fidem in Christum obtinemus, illud ut operibus demùm acquiramus, necessarium non erit.

46. Quando ergò quæritur, an per bona opera justificemur, & salutem mereamur, excutiantur accuratè quæstionis termini.

47. Bona opera sunt justificatorum opera, ergò non sunt opera (ut ita loquar) justificantia: sicut fructus boni, quia sunt bonæ arboris fructus, ideò arborem bonam non faciunt.

48. Novimus responderi distinctione inter Justificationem primam & secundam.

49. Sed præter alia vel hoc unicum evertit istam distinctionem, quod Apostolus

stolus negat Abrahamum, in medio cursu bonorum operum, suis operibus esse coram Deo justificatum, Rom. 4. v. 1, 2, 3. si ullibi, certè in Abrahamo locum habuisset secunda ista (si quæ esset) per opera justificatio.

50. Quinimò loca Scripturæ omnia, quæ negant, operibus nos justificari, discrimen illud evertunt.

51. Bona opera sunt jam antè Deo debita, nihil ergò illis meremur, Luc. 17. vers. 7.

52. Bona opera sunt imperfecta & immunda, cùm ipsa renövatio in hac vita non sit numeris omnib⁹ absoluta, quomodo ergò per ea poterimus mereri vitam æternam ? quid sunt merita omnia ad tantam gloriam, ait Bernh. ferm. 1. in annunc. col. 106.

53. Bona opera sunt fructus Spiritus renatos agentis & impellentis, ac in iis efficaciter operantis. Ergò propter illa homo magis Deo redditur debitor, quàm

quàm ut per illa quicquam apud Deum mereatur. Bernh. ibid.

54. Bona opera si vitam æternam promereri possent, utique etiam eo fine & eâ intentione fieri deberent & possent, ut per ea mercedem vitæ æternæ adipiscamur : atqui opera hac intentione facta non sunt verè bona opera. Vera enim caritas mercenaria non est, quamvis non sit sine mercede.

55. Hactenus de subjecto quæstionis : prædicatum est, justificare & mereri vitam æternam.

56. At si per Christum iustitia, utiq; etiam salus. Qui enim habet filium, habet vitam æternam, Joh. 3. v. 39.

57. Meriti natura postulat, ut opus illud, quo meremur, sit gratuitum, non debitum à nobis illi cui id præstamus, at quicquid boni agim⁹, est nostri Deo debiti officii pars duntaxat quædam.

58. Deinde ut opus illud sit utile & commodum ei, de quo meremur, at
Deus

Deus honorum nostrorum non eget,
Psal. 16. v. 2.

59. Deniq; ut res à nobis oblata sit
par precio & dignitate æqualis illi rei,
quam vicissim ^{retributionis} ~~artificiosè~~ loco accipi-
mus, at quæ inter opera nostra & vi-
tam æternam proportio.

60. Vita æterna est donum Dei gra-
tuitum, non ergò operum nostrorum
meritum, Rom. 11. v. 4.

61. Deest gratiæ quicquid meritis
deputas, nolo meritum quod gratiam
excludat, Bernhard. sermon. 67. in
Cant.

62. Ne quidem frustulum illud pa-
nis quo vescimur, mereri possumus,
sed quotidianis precibus illud à Deo
emendicare cogimur, quomodo ergò
vitam æternam mereri poterimus.

63. Quærat proinde alius meritum,
nos invenire gratiam studeam^{us}, Bern-
hard. ferm. in nativ. Mat. col. 213.

64. Si propriè appellentur ea, quæ
ab

ab aliquibus dicuntur merita, spei quædam sunt seminaria, caritatis incentiva, occultæ prædestinationis indicia, futuræ felicitatis præfagia, via regni non causa regnandi, Bernh. tract. de grat. & lib. arbitr. sub finem.

65. Quamvis verò ad justiciam & salutem promerendam necessaria non sint bona opera: Tamen renatis necessaria sunt. primum Dei, deinde proximi, deniq; ipsorum renatorum respectu.

66 Respectu Dei multis modis. 1. hæc enim ipsius voluntas & mandatum, ut renati benè operentur. 2. ipse Pater est, nos filii, patrissemus igitur. 3. hoc fine sumus creati. 4. per Christum redempti. 5. per Spiritum sanctum regeniti & sanctificati, ut benè operemur. 6. & nostris operib⁹ bonis Deum glorificemus. 7. ne sanctissimum Dei nomen & verbum propter nos malè audiat.

67. Re.

67. Respectu proximi incumbit bene operandi necessitas. 1. ut nostris officiis eum pro virili juvemus. 2. ut bono exemplo alios edificemus. 3. scandala vitemus. 4. & benefaciendo improbis calumniatoribus os obturemus.

68. Respectu ipsorum renatorum incumbit eis bonorum operum studium. 1. ut novitate vite se esse in Christo novam creaturam testentur. 2. ut ambulando tanquam filii lucis ereptos se è tenebris esse comprobent. 3. ut veros exerant fructus fidei, suamq; vocationem hoc modo firmam faciant. 4. ut suspicionem hypocriseos amoliantur. 5. ut vitent poenas temporales & æternas malis operibus constitutas. 6. ne per peccata excutiant fidem, contristant Spiritum sanctum & amittant Dei gratiam. 7. ut corporalia & spiritualia præmia à Deo consequantur.

69. Fides in bonis operibus exexcetur, & per ea quasi pinguescit & augefcit.

O

D. Luth.

D. Luth. in cap. 17. Genes.

70. Urgenda hæc sunt & sedulò inculcanda, ne peccatorum remissionem & gratuitam justificationem privilegium esse turpitudinis arbitremur.

71. Cum tamen Deus eo fine ex gratuita bonitate propter Christum in gratiam nos recipiat, ut habeat populum ^{multum bonorum operum} ζηλωτην καλων εργαων, Tit. 2. vers. 14.

72. Ubi versu proximè præcedente 12. Apostolus tres quasi classes bonorum operum constituit. Requirit enim ut ^{soberie} σωφρονως ^{iuste} δικαιως ^{et pie} καὶ ευσεβως vivamus.

73. ^{pietas} ευσεβεια respicit cultus primæ tabulæ Deo debitos, & complectitur dilectionem & timorem Dei, fiduciam erga Deum, verā invocationem, confessionem, gratiarum actionem.

74. ^{iustitia} δικαιοπραγια proximum respicit, & complectitur omnia humanita-
tis

tis officia, juxta normam secundæ tabulæ, proximo debita; ut exhibeatur superioribus obœdientia & reverentia, æquali consilium & auxilium, inferiori custodia & disciplina, Bernh. ferm. 3. de adv. Domini.

75. ^{sobrietas} Σωφροσύνη respicit nos ipsos, & requirit corporis disciplinam, atque affectuum moderationem. Nulla victoria gloriosior, quàm seipsum vincere.

76. Eodem modo Salvator contra hypocritas Pharisæos modum verè bona opera faciendi ostensur⁹, tria quasi genera bonorum operum constituit; videlicet eleemosynam, orationem & jejunium.

77. Eleemosynæ nomine *ουρεοδοχι-
νῶς* intelliguntur officia caritatis proximo debita, unde prodiit discrimen inter opera corporalis & spiritualis eleemosynæ his versiculis expositum:

*Visito, pota, cibo, redimo, tego, colligo, condo.
Consule, castiga, solare, remitte, fer, ora.*

78. Orationis nomine itidem *συνε-
δοχικῶς* intelligitur omnis Deo debita
devotio, si enim Deo grata esse debet
oratio, oportet ut ex vera fide, timore,
& dilectione Dei proficiscatur.

79. Jejunii nomine intelligitur di-
sciplina corporis, ita enim nutrienda
caro ut serviat, ita domanda est, ut non
superbiat, juxta Hugonis dictum.

80. Ex illis omnibus, quæ hactenus
dicta sunt, talem colligimus definitio-
nem. Bona opera sunt hominum re-
natorum à Deo mandatæ actiones, ex
fide in Christum juxta normam divinæ
legis ad gloriam Dei factæ.

81. In illis ut divites simus, facit
Deus per Christum fidei & operum
bonorum ^{*ducem et consummatorem*}
ἀρχηγόν καὶ τελειωτὴν ce-
lebrandum in secula.

XVI. APHORISMI THEOLOGICI DE SACRAMENTIS.

I. Verbo Evangelii Deus addidit
Sacramenta, quæ sunt verbum
visibile;

2. Et invisibilis gratiæ visibilia si-
gna. August. lib. 19. cont. Faust. c. 16.

3. Per Sacramenta enim oculis quodammodo subicitur, quod auribus per verbum annunciat.

4. Sacramenti vox inScripturis quidem extat.

5. Sed non eo sensu, quo hoc loco
usurpatur.

6. Nec tamen propterea cum Carolstadio usu hujus vocis Ecclesiæ interdendum.

7. Misera namq; servitus foret usu
vocalorum ^{non scriptorum} ~~α ζ ε θ ρ~~ penitus absti-
nere.

8. Apud Scriptores profanos usurpatur vox Sacramenti primò pro pecu-

nia apud Pontificem à litigantibus deposita, eo fine, ut qui sponsione seu iudicio vicisset, suum depositum reciperet integrum, alterius verò fisco cederet.

9. Deinde pro solenni isto juramento, quo milites certo ritu & præscriptis verbis Reipub. & Magistratui ad fidelitatem obstringebantur.

10. Unde postea in genere ad quodvis juramentum transferri cœpit.

11. In Scripturis Interpreti latino id Sacramentum est, quod Græcis *μυστήριον*, Chaldæis Raza, Hebræis Sod.

12. Ecclesiastici Scriptores nomine Sacramenti intelligunt ceremoniam divinitus institutam, per quam bona in Evangelio promissa offeruntur & credentibus applicantur.

13. Sacramenta hæc nostra sunt sancta & incontaminata mysteria *ἁγία καὶ ἀζάρτα μυστήρια*, ut loquitur Damasc. 4. orth.

4. orth. fid. cap. 14. sive ut (ex veteribus) loquitur Jeremias Patriarch. Constant. resp. 1. ad Theol. Wirteb. ^{Corren-}
^{da} *τα μυστήρια*. Utique ergò nomen Sacramenti illis meritò tributum fuit.

14. Per Sacramenta obligamur DEO ad fidem & obœdientiam; sicut milites Imperatori suo, juramento; per Sacramenta etiam obligamur invicem ad dilectionem, sicut illi, qui contendebant in judicio, suâ apud Pontificem depositâ pecuniâ.

15. Porro Sacramenti vox propriè & frequentissimè accipitur de tota actione Sacramentali, quandoque impropriè & synecdochicè notat Sacramenti partem essentialē alteram, videlicet symbolum externum, sive ut loquitur Irenæus lib. 4. cap. 34. rem terrenam.

16. Ita quoque res Sacramenti quandoque notat salutarem Sacramenti fructum,

notat Sacramenti receptionem.

22. Utrobiq; distinguendum est inter rem & rei modum. Δόσις καὶ λήψις simpliciter necessariae sunt: sed ^{et distributionis} δόσις ^{et receptionis modus} καὶ λήψις ^{et} τῶν & libertatem aliquam admittunt.

23. Soli Deo potestatem Sacramenta instituendi vendicamus.

24. Ejus enim est media gratiae instituere, cujus est gratiam conferre.

25. Rectè ergò Thomas scribit p. 3. q. 64. art. 2. Virtus Sacramenti est à solo Deo. Ergò solus Deus est Sacramentorum institutor.

26. Ubi addit hæc ^{memoria digna} ἀξιωματικόν, Apostoli & eorum successores sunt vicarii Dei, quantum ad regimen Ecclesiae à Deo institutæ per fidem & fidei Sacramenta: unde sicut non licet eis constituere aliam Ecclesiam: ita etiam non licet eis tradere aliam fidem, neq; instituere alia Sacramenta, sed per Sacramenta, quæ de latere Christi pen-

1
1
dentis, in cruce fluxerunt, dicitur esse
fabricata Christi Ecclesia.

27. Deus etiam dispensat Sacramen-
ta, sed non immediatè, verùm ordina-
riè per ministros Ecclesiæ.

28. Illi enim sunt dispensatores my-
steriorum Dei, 1. Cor. 4. v. 1 & ^{Dei cap.} 9. ^{per am} ^{reg} ^{you}, 1. Cor. 3. v. 9.

29. Extraordinariè autem in Sa-
cramento initiationis urgente extre-
mâ necessitate etiam aliis Ecclesiæ
membris administratio ejus conve-
nit.

30. Proinde quia minister non suo,
sed Dei nomine hîc agit, ejus vel digni-
tas vel indignitas efficacix Sacramen-
torum nihil addere vel trahere po-
test.

31. Vim Sacramenti non mutat vita
ministri.

32. Instrumentaliter hîc agunt Mi-
nistri : instrumentum autem agit non
secundum propriam formam, sed se-
cundum.

cundum virtutem ejus, à quo move-
tur, Thom. p. 3. q. 64. art. 5.

33. Hinc veterum illæ similitudines,
quòd tam non tollat beneficium Sa-
cramenti vita ministri, quàm non in-
quinatur lumen Solis à luto & cœnosis,
per quæ transit, locis: quàm parum re-
fert, utrum aqua ad irrigandas areolas
per canalem lapideum, an verò per ar-
genteum transeat: quam non mutat fi-
guram sigilli aureus vel ferreus annu-
lus &c. Aug. tract. 5. in Joh. lib. 3. de Bapt.
c. 10. & Nazianz. orat. de Bapt.

34. Id verò etiam de intentione mi-
nistri dicimus, eam videlicet ad inte-
gritatem & fructum Sacramenti non
requiri absolutâ necessitate.

35. Illa enim (ut ita loquar) non in-
tentio species est vel navi vel malitiæ
in ministro: quod ergò de genere ve-
rum est, idem etiam de specie.

36. Porrò Sacramenta solis hominib.
& quidem viventibus instituta sunt:
illis

illis ergò solis administrari debent.

37. Requiruntur autem ad Sacramentum duo : Verbum & Elementum.

38. Accedat verbum ad Elementum & fit Sacramentum. August. de catacl. cap. 3. tract. 80. in Joh.

39. Per Verbum intelligitur primò institutio divina, per quam Elementum, quia percepit vocationem Dei (ut loquitur Iren. lib. 4. cap. 34.) separatur à communi usu & destinatur usui Sacramentali : deinde promissio Evangelii propria, per Sacramentum applicanda & obsignanda.

40. Ac proinde de quolibet Sacramento judicare debemus ex divina institutione, sive quod idem est, ex propria sede, in qua divina institutio describitur.

41. Et quia quodlibet Sacramentum habet peculiarem suam institutionem, ideò etiam peculiarem administrationem,

nem, tanquam formam propriam obtinet.

42. Ac proinde verba substantialia institutionis Sacramenti neutiquam sunt mutanda.

43. Sunt autem duo V. T. Sacramenta, duo etiam Novi: Circumcisio in Veteri, cui in Novo respondet Baptismus; & Agnus Paschalis in Veteri, cui in Novo Testamento respondet Cœna Domini.

44. Si quæ his adduntur alia, in illis desideratur vel institutio divina, vel Elementum externum, vel promissio Evangelii propria.

45. Fines Sacramentorum sunt complures, sed duo tantum principales, reliqui sunt subordinati & minus principales.

46. Finis principalis prior est, quòd Sacramenta sunt organa, media & ^{vehicula} ^{instrumenta}, per quæ Deus offert, exhibet, & credentibus applicat promissionem Evan-

Evangelii propriam de remissione peccatorum, iusticia & vita æterna.

47. Quicquid enim convenit verbo, id Sacramentis non est denegandum, quæ sunt verbum visibile; jam verò verbum Evangelii est tale organum.

48. Per Sacramenta in fœdus Dei recipimur, in eoq; conservamur: jam verò illud est fœdus gratiæ, utiq; ergo Sacramenta sunt gratiæ & salutis organa.

49. Discedimus proinde ab illis, qui *ἐν τῷ ᾧ* detrahunt Sacramentis, eaq; constituunt nuda signa gratiam tantum significantia.

50. Veteres quidem interdum Sacramenta vocant signa, sed intelligunt signa obfignantia, vel ut explicat Augustana Confessio art. 13. signa testificantia de Dei erga nos gratia.

51. Quo sensu vocabulum ^{signum} *σημεῖον*, Gen. 17.v. 11. usurpatum per ^{sigillum} *σφραγίδα* explicat

cat Apostolus Rom. 4. v. II.

52. Ita etiam externum Sacramenti elementum quandoque vocant signum, non nudè ^{significativum} ~~σημαντικόν~~ rei cœlestis absentis (hoc enim sensu figuræ & signi vocem disertè rejiciunt) sed ^{tradens} ~~παρεδοτικόν~~ ac ^{exhibens} ~~πρόσθεσμενον~~, rei cœlestis præsentis & sacramentaliter Elemento unitæ.

53. Signum enim est quod signat, & rei signatæ invisibilitatem, non autem absentiam præsupponit.

54. Signum est res præter speciem, quam ingerit sensibus, aliquid aliud in cogitationem venire ex se faciens, August. 2. de doct. Christ. c. I.

55. Inscitè ergò ^{et indocte} ~~ἡγᾶν ἀπαιδεύτως~~ ex voce signi absentia partis essentialis alterius colligitur.

56. Discedimus etiam ab illis, qui in excessu Sacramentis detrahunt, eaq; ex opere operato gratiam conferre asserunt.

57. Id

57. Id quod, ita explicant, non requiri bonum motum in suscipiente, in Sacramentis esse virtutem quandam supernaturalem, per quam ita sint causa gratiæ, ut est ignis causa caloris.

58. Atqui, ut verbum non prodest absq; fide, Hebr. 4. v. 2: ita nec Sacramenta, quæ sunt verbum visibile.

59. Neq; prodest offerri beneficium, nisi sit qui recipiat. Dei offerentis manus sunt Verbum & Sacramenta: manus hominis accipientis est fides.

60. Pulchrè Hugo 5. de Sacram. p. 9. cap. 2. Dono gratiæ spiritualia, quasi quædam antidota sunt invisibilia: In Sacramentis visibilibus quasi quibusdam vasculis homini porriguntur: jam sicut quod est in vase non est de ipso, sed cum ipso hauritur, sic gratia non est à Sacramentis neq; de Sacramentis, sed oritur à fonte æterno & ab illo hauritur ab anima in ipsis Sacramentis.

61. Cumq; Sacramentis in genere
hunc

hunc finem assignemus, ex eo colligi potest, quòd Veteris Testamenti Sacramentis etiam eum tribuamus.

62. Circumcisioni enim addita erat illa promissio de receptione in fœdus gratiæ, quod verbis hisce emphaticis describitur : Ero Deus tuus & seminis tui, Gen. 17. v. 7. quæ explicanda sunt ex Levit. 26. v. 12. Jerem. 31. v. 2. Matth. 22. v. 32. & apparebit in eis promissionem de Dei gratia, speciali inhabitatione & vita æterna contineri.

63. Discedimus proinde ab illis, qui disputant, quòd Sacramenta Veteris Testamenti non fuerint causæ instrumentales gratiæ: quòd non habuerint virtutem quandam ex passione Christi &c.

64. Posterior principalis Sacramentorum finis est, esse signacula & sigilla divinæ erga nos benevolentiae, confirmandæ in nobis fidei ergò instituta.

65. Circumcisionem enim Aposto

P

lus

constitui in resurrectione Christi, is enim propter justiciam nostram (cujus consequens est pax conscientiae) resurrexit, Rom. 4. v. ult. cap. 5. v. 1.

70. Quò referimus etiam locum 1. Joh. 5. v. 8. Tres sunt qui testificantur in terra, Spiritus, aqua & sanguis; cujus loci ex scopo textus, & fidei analogia hæc emergit paraphrasis, quòd Spiritus S. in ministerio Evangelii, (quod est ministerium Spiritus, 2. Cor. 3. v. 8.) & aqua in Baptismo, (qui est lavacrum aquæ in verbo, Eph. 5. v. 26.) & sanguis (qui in Cœna Domini bibendus nobis porrigitur, 1. Cor. 11. v. 25.) testificentur de paterna Dei erga nos benevolentia.

71. Hinc Tertull. lib. de poenit. Baptismum vocat fidei obsignationem: & August. de catech. rud. cap. 26. Sacramenta vocat signacula.

72. Discedimus ergò ab illis, qui negant, Sacramenta esse sigilla promiss-

missionem gratiæ obſignantiæ.

73. Secundarii & minus principales Sacramentorum fines enumerari poſſunt complures, utpote quòd ſint nervi publicorum congreſſuum; quòd ſint teſſare, quibus Eccleſia ab aliis cœtibus diſtinguitur; quòd in illis Deo ad finem & obœdientiam aſtringamur; quòd ſint typi & ſimulachra virtutum, præcipuè dilectionis &c.

74. Diſputant Scholaſtici in quibusdam Sacramentis imprimi characterem.

75. Quem ſic deſcribunt, quòd ſit ſignum ſpirituale à Deo ſolo animæ impreſſum in ſuſceptione initerabilis Sacramenti, manens indelebilitè de Lege communi.

76. De characteris huius quidditate, ſubjecto & fine miras & miſeras ipſorum pugnas enumerare poſſemus.

77. Sed concludimus cum Biele 4. ſent. diſt. q. 2. Characterem eſſe ponendum

nendum, nec ratio necessaria demonstrat, nec evidens autoritas probat.

78. Omnes namque autoritates ex Dionysio, Augustino, Damasceno & Magistro (Lombardo) adductæ verè & magis pertinenter ad mentem ponentium exponuntur de Baptismatis Sacramento aut forma Sacramentali, quàm de aliquo realiter animæ impresso. Hæc Biel.

79. Indelebilis ergò est ipsorum character, quia nunquam scribitur.

80. Atque hæc dicta sint de Sacramentis in genere, quorum ex superioribus talis colligitur definitio. Sacramenta sunt actiones sacræ & solennes, divinitus institutæ, in quibus DEUS, mediante hominis ministerio, dispensat rem certam, peculiari verbo institutam, ad offerendam & credentibus applicandam atque obsignandam promissionem Evangelii propriam.

81. Quibus ut dignè & salutariter

participemus, faxit Deus Sacramento-
rum autor unicus in secula benedictus.

XVII. APHORISMI THE-

OLOGICI DE S. BAPTISMO.

1. **B**aptismus est *πρόλογος* seu prima
porta gratiæ, primus ad Eccle-
siam introitus, clavis regni cœlorum
& Christianismi investitura.

2. Ideoq; prius N. T. Sacramentum,
initiationis ob id dictum.


3. *Βαπτισμός* generatim quodvis la-
vacrum, seu quamvis tincturam notat,
sive immersione, sive affusione, sive
aspersione eadem fiat.

4. Metaphoricè in Scripturis usur-
patur pro cruce & calamitatibus, Matt.
20. v. 23. pro visibili & larga donorum
Spiritus sancti effusione, Act. 1. v. 5. pro
miraculoso Israëlitarum per mare ru-
brum transitu, 1. Cor. 10. v. 2.

5. Synecdochicè pro doctrina, adeo-
que pro toto ministerio Johannis Pro-
toba.

robaptistæ usurpatur, Matth. 21. v. 25. & c.

6. *ἡ δὲ ὁδὸς καὶ ἡ ζωὴ αἰώνιος*, quin & usu Ecclesiae communi accipitur pro solenni illo initiationis mysterio, priore scilicet N. T. Sacramento.

7. Quod ratione partis essentialis al-
terius, dicitur aqua Joh. 3. v. 5. ratione
essentia, lavacrum aquæ in verbo Eph.
5. v. 26. ratione effecti, lavacrum rege-
nerationis & renovationis Spiritus
sancti; Tit. 3. v. 5. ratione typi qui præ-
cessit, circumcisio ^{non manu facta} ~~αχειροτονια~~ , Co-
loss. 2. v. 11.

8. Primus Baptismi autor, ideoque
 ἡ ἀρχαία causa
 ἡ πρώτη αἰτία est Deus.

9. Is namq; per Prophetas de salutari hoc lavacro typis & vaticiniis in V. etiam Testamento concionatus est.

10. Typi sunt, arca Noë in diluvio,
1. Petri 3. vers. 20. Circumcisio, Col. 2.
vers. 11. transitus Israëlitarum per
mare rubrum, 1. Corinth. 10. vers.
2. aquæ sanguine passeris immolati

mixtæ leprosum mundantes, Levit. 14.
v. 6. aqua expiationis, in quam vaccæ
ruffæ cineres spargebantur, Num. 19. v.
20. variæ ablutiones & aspersiones Ju-
dæis usitatæ, Hebr. 9. v. 10. aqua Jorda-
nis, quâ Naaman à lepra sanatus, 2.
Reg. 5. v. 14.

ii. Vaticinia constant partim pro-
priis, partim allegoricis verbis, Psal. 29.
v. 10. Dominus sedet ad diluvium. ♀.
46. v. 5. rivuli fluminis lætificant civi-
tatem, Esa. 49. v. 22. Gentes in ulnis
suis afferent filios, Ezech. 36. vers. 25.
aspergam vos aquâ mundâ & munda-
bimini ab impuritatibus, cap. 47. v. 9.
aquæ ex templo profluentes omnia vi-
vificant, Zach. 13. vers. 1. In die illa erit
fons apertus domui David & habitan-
tibus in Jerusalem in ablutionem pec-
cati & immundicie, Joël. 3. v. 18. fons
limpidissimus & saluberrimus à domo
Domini egredietur & irrigabit torren-
tem Sittim.

12. Idem

12. Idem est, qui in N. T. Johannem misit baptizare, seu ad baptizandum aquâ, Luc. 3. v. 2. Joh. 1. v. 33. unde Baptismus Johannis dicitur esse è cœlo, Matth. 21. v. 25. & Pharisei renuentes ab ipso baptizari, dicuntur sprevisse consilium Dei, Luc. 7. v. 30.

13. Hanc divinam Baptismi institutionem Christus post mortem & resurrectionem suam solenni promulgatione, & mandato per totum terrarum orbem eundem continuandi, quasi renovavit.

14. Proinde Baptismus Johannis idem fuit Sacramentum cum Baptismo Christi, hoc est, cum eo, quem Christus per Apostolos administravit, hodieq; per ministros Ecclesiæ administrat, eandem etiam habuit efficaciam, nec post Baptismum Johannis necessario fuit Christo Baptismus percipiendus. *Resp. act. 19. ff*

15. Eadem causæ, iidemq; effectus

arguunt utriusque Baptismi identitatem Sacramentalem.

16. Interim non negamus Baptismo Apostolorum visibilem mirandorum Spiritus sancti donorum effusionem fuisse conjunctam, quæ defuit Johannis Baptismo.

17. Administrat autem Deus hoc Sacramentum non immediatè, sed per Ecclesiæ ministros, ad quos ordinariè hoc pertinet, tanquam ^{oeconomia} ^{Dei} ^{mysterionum} οἰκονομία τῶν ἁγίων, I. Cor. 4. v. 1.

18. Vicissim cum illi sint alieni boni administri, ideò ipsorum vitium non tollit Baptismi essentiam vel beneficium.

19. Unde etiam hæretici, modò substantialia Baptismi servant, verum Baptismum administrant.

20. Quod in eo etiam casu statui-
mus, quando minister Ecclesiæ priva-
tim & occultè hæresin veritati Baptis-
mi contrariam fovet, Ecclesiâ ipsâ di-
versum sentiente.

21. Qui

21. Qui verò non in sanctæ Trinitatis invocatione apud hæreticos baptizati sunt, & veniunt ad nos, eos baptizari pronunciamus non rebaptizari: neq; enim credendum est, eos fuisse baptizatos, qui in nomine Patris, Filii & Spiritus S. tincti non sunt.

22. Extraordinariè in casu summæ necessitatis etiam privato baptizare licitum esse dicimus.

23. Sacramentis enim deservit ordo, non autem imperat. Ac proinde in casu necessitatis licet extraordinariè agere, dum non committatur aliquid contra expressum Dei verbum.

24. Neq; hic discrimen facimus inter viros & foeminas, cum in Christo nec mas sit nec foemina, Gal. 3. v. 28.

25. Elementum externum Baptismi est aqua, naturalis scilicet & elementaris.

26. Quotquot igitur aliū quemvis liquorem,

quorem, vel aliud externum Elementum substituunt, vel substitui possent, à divina institutione recedunt.

27. Nec verò Baptismus est simpliciter aqua, sed est lavacrum aquæ in verbo, Eph. 5. v. 26..

28. Ergò nec aqua sine verbo, nec verbum sine aqua Baptismi rationem habet.

29. Verbum illud est tùm mandati, tùm promissionis.

30. Jubentur enim Apostoli baptizare in nomine Patris & Filii & Spiritus sancti, Matth. 28. v. 19. & additur promissio, quòd per Baptismum Deus velit esse efficax in hominibus ad salutem, Marc. 16. v. 16.

31. Ergò juxta hoc verbum adest in Baptismo tota sancta Trinitas, Pater, Filius & Spiritus sanctus, perinde ut in Baptismo Christi, qui est caput Ecclesiæ, Eph. 1. v. 22.

immergere in nomine Patris, Filii & Spiritus sancti.

37. Cumq; forma det esse rei, ideo mutata hac Baptismi formâ non amplius erit Sacramentum.

38. Trina an una fiat immersio vel aspersio, ad Baptismi integritatem nihil interest; ritus Ecclesiæ usitatus in hisce adiaphoris reverenter observandus.

39. In tribus mersionibus personarum Trinitas, in una designari potest Divinitatis Unitas.

40. Verba illa in nomine vel in nomen Patris, Filii & Spiritus sancti magnam habent emphasin, piis auditoribus accuratè & sæpius explicandam.

41. Profitetur enim Minister, se non suo, sed Dei nomine & mandato agere, quicquid hac in parte agit.

42. Ostendit etiam verum Deum, qui est unus in essentia & trinus in perso-

personis, super hunc qui baptizatur invocari.

43. Quin etiam verba ista disertè testantur, singulas sacrosanctæ Trinitatis personas in Baptismo adesse, præsentia & efficaciam gratiæ, nimirum Pater propter Filii meritum recipit baptizatum in gratiam, & Spiritu sancto ad salutem obsignat.

44. Unde baptizati dicuntur Dei filii, Christiani & spirituales, ratione Patris, Filii & Spiritus sancti.

45. Quò pertinet collatio ^{creationis et} ~~regenerationis~~ ^{κρίσεως καὶ} ~~ἀνακλησεως~~ ^{πλάσεως καὶ ἀναπλάσεως}. Ut enim primum hominem Pater per Filium in Spiritu sancto creavit: ita in regenerationis Sacramento itidem tota sacrosancta Trinitas operatur.

46. Deniq; verbis istis baptizatus in nomen, hoc est, agnitionem & invocationem hujus veri Dei obstringitur, ut eum solum loco veri Dei habeat, invo-
cet & per omnem vitam ei deserviat.

47. Δεῖ

^{oportet etiam vos baptizari sicut acce-}
 47. ^{Δεῖ γὰρ υμᾶς βαπτισθῆναι ὡς ἠκούσα-}
^{μεν; οὕτως ὡς βαπτισαμένοι ἡμεῖς}
^{αὐτοὶ ὡς πεπιστεύκαμεν, πατέρα καὶ υἱὸν καὶ}
^{ἁγίον πνεῦμα.} Basil. Epist. 78.

48. Ex hoc fonte promanant omnia
 Encomia, quæ de salutari fructu hujus
 mysterii in Scriptis Apostolicis extant.

49. Utpote, quod sit lavacrum re-
 generationis & renovationis, Tit. 3. v.
 5. per quod Ecclesia mundetur, Eph. 5.
 v. 26. peccata abluantur, Act. 22. v. 16.
 Christus induatur, Gal. 3. v. 27. & ^{conspice} συλ-
^{ληθῆναι} λέγοντες dicendo, salus obtingat, 1. Pet. 3.
 vers. 21.

50. Prodest collationis gratiâ intue-
 ri Baptismum Christi, qui nostrum Ba-
 ptismum consecravit. Quod enim ibi-
 dem in visibilibus symbolis factum est,
 idem in nostro Baptismo invisibiliter,
 verè tamen fieri non dubitemus.

51. Pater recipit nos in filios propter
 Christum : Filius suo sanguine nos ab-
 luit : Spiritus sanctus regenerat & re-
 novat

novat atq; in nobis habitaculum sibi parat, deniq; Paradisi janua nobis aperitur.

52. Ab hac simplicitate & veritate discedunt, qui negāt, Baptismi aquam verbo sanctificatam esse efficax medium, per quod baptizatus regeneretur & renovetur.

53. Contrā verò asserunt, aquam Baptismi saltem significare & adumbrare, quod interius in quibusdam, & quidem tempore demum futuro agit Spiritus sanctus.

54. Quinimò negant, fidelium liberos ideò baptizari, ut filii Dei primū fiant, cū ante Baptismum etiam sint in gratia Dei & gratiæ fœdere.

55. Baptismo autem obsignari saltem dicunt adoptionem illam, cujus etiam ante Baptismum sint participes.

56. Neq; in omnibus infantibus hoc Baptismi officium esse dicunt, sed in illis saltem, qui absoluto decreto sunt ad salutem electi.

Q 57. Quin

57. Quin & disertè scribunt, pueros nec omnes, nec aliquos re ipsa in illo Baptismi momento regenerari : sed regenerationis beneficium suo demùm tempore divinitus ordinato illum Baptismi actum in infantibus, ex verbi auditu demùm subsequi.

58. Quæ omnia quomodo tandem conciliari poterunt cum egregiis istis encomiis, quæ ab Apostolis huic salutari lavacro tribuuntur?

59. Hac certè ratione nullum omnino Scripturæ dictum, quod de Baptismi fructu agit, propriè & in sensu literaliter exponi poterit : sed omnia per analogiam illam Sacramentalem non ex Scripturis haustam; sed in eas illatam ad peregrinam sententiam transferuntur.

60. Nos literaliter verborum sensui (quod omnino in fidei articulis fieri deberi suo loco ostendim⁹) inhærentes, firmiter credimus, Baptismum esse efficax medium

mediū, per quod regeneretur & renovetur homo ad vitam æternam.

61. Qui finis in se complectitur ^{in filium re-}
^{ceptionem} ~~etiam~~, remissionem peccatorum, inſtitutionem in Christum, sanctificationem & vitæ æternæ hereditatem.

62. Negamus autem Baptismum imprimere characterem indelebilem; aut conferre gratiam ex opere operato; aut tollere & prorsus delere quicquid culpæ & pœnæ rationem habet, de his enim omnibus Scriptura tacet.

63. Porro cū Deus in Baptismo fœdus gratiæ cum homine ineat, utiq; efficacia ejus durat per omnem vitam.

64. Fœdus enim Dei non redditur irritum propter nostram incredulitatem, Rom. 3. v. 3.

65. Ergo si vel maximè ex parte nostra à fœdere isto discessum fecerimus, tamen pater ad illud nobis reditus per veram & seriam conversionem.

66. Ad quos pertineat hoc Sacramen-

tum, discimus ex institutione divina, in qua jubentur baptizari omnes gentes.

67. Eo tamen ordine & modo, quem Christus ibidem præscribit, ut qui per ætatem audire Evangelium possunt, prius doceantur & baptizentur.

68. Cum ergò omnes homines sint vel infantes, vel adulti, de utrisq; distinctè respondendum.

69. Infantes illi baptizandi sunt, qui vel ex Christianis parentibus nati, (ubi nihil refert, an uterq; parens an alteruter tantum Christianus sit) vel in ipsorum tutelam sunt translati.

70. Ergò non excluduntur hîc nati, inventitii, de quorum Baptismo dubitatur, partus ratione externi cuiusdam defectus monstrosi &c.

71. Excluduntur autem nondum nati, nemo enim renasci potest, nisi quis prius natus sit: Item liberi infidelium, quàm diu sunt in ipsorum potestate.

72. A-

72. Adulti illi baptizandi sunt, qui de Christo instituti religionem Christianam profitentur.

73. Neq; hîc excluduntur fœminæ, ut præter alia argumenta confirmat praxis Apostolica, Act. 8. v. 12, cap. 16. vers. 15.

74. Sententiæ huic nostræ de pædobaptismo ex Scripturis confirmandæ multæ inserviunt: utile autem erit sequentes hypotheses considerare:

75. Primò, Infantes concepti & nati sunt in peccatis, ac proinde Naturâ filii iræ.

76. Secundò, Deus etiam parvulos sibi vult offerri, non enim est voluntas ejus, ut pereat unus de pusillis.

77. Tertiò, Per verbi Prædicationem non potest cum illis agi, restat ergò unicum illud medium videlicet Baptismus, qui successit circumcisioni.

78. Cave dicas, Baptismum esse infantibus inutilem, cum non credant,

Q 3 nec

nec possint credere.

79. Quia in Baptismo & per Baptismum Spiritus sanctus fidem accendit in infantibus, ut non minus quam circumcisio sit illis signaculum iustitiæ fidei, Rom. 4. v. 11.

80. Quamvis verò non possimus intelligere, quomodo comparata sit illa infantum fides: tamen non debemus propterea Spiritus sancti operationem negare.

81. Si quæras de infantibus sine Baptismo decedentibus, distinctè procedendum.

82. Qui extra Ecclesiam sunt, relinquuntur Dei iudicio.

83. Qui verò à parentibus Christianis nati summo aliquo necessitatis casu à Baptismo exclusi non potuerunt baptizari, vel etiam quorum sepulcrum factus est maternus uterus, illi cum piis parentum & Ecclesiæ precib⁹ Deo commendentur, à cœlestis regni consortio non excluduntur.

applicationem beneficiorum Christi consistit in perpetua contra Satanam pugna.

88. Habet autem Ecclesia libertatem, ut doctrinam illam de peccato originis, de potestate & regno Satanae & de efficacia Baptismi aliis verbis Scripturae magis consentaneis proponat & explicet. D. Chemn. part. 3. Locor. Theolog. p. 178.

89. Consuetudo vetustissima est, sponsores sive fidejussores, quos patrimos & matrimas vocant, adhibere: quorum officium est. 1. pro infantibus orare, ut Deus per Baptismum in gratiam eos recipiat. 2. sua responsione hoc ipsum repetere, quod Christus, tanquam os infantum, pro ipsis testatus est. 3. de mortuis parentibus eos in capitibus pietatis instituere.

90. ^{nominis impressio} ~~Ovo~~ ~~materna~~ rectissime fit in Baptismo, non ideò solum, quia etiam in circumcisione olim ea facta est: sed
vel

vel maximè, qui admonet in Baptismo nomina nostra scribi in libro vitæ, Luc. 10. v. 20. Apoc. 20. v. 15. ac nomen nostrum in album Christianorum militum referri, ut in posterum sub vexillis Christi pugnemus.

91. De reliquis Ceremoniis & circumstantiis alibi plura: unicum hoc addimus, optandum esse, ut in frequentiori Ecclesiæ conventu, & quidem antemeridiano tempore Baptismus administretur, atq; ita sacratissimi huj⁹ mysterii administratio majori cū attentione & devotione peragatur.

92. Neq; tamen ab Ecclesiæ cujusq; consuetudine temerè, & privato ausu recedendum esse dicimus: nec casui necessitatis leges præscribimus.

93. Ex quibus omnibus colligimus, quòd Baptismus sit prius N. T. Sacramentum, quo homo vivus in nomine Patris, Filii & Spiritus sancti in aquam mergitur, vel eā tingitur, ut regene-

ratus & renovatus fiat hæres vitæ æternæ.

94. Deus, qui per Baptismum nos recepit in fœdus gratiæ, conservet nos in eo ^{ad} ~~eis~~ ^{finem} ~~finem~~.

XVIII. APHORISMI THEOLOGICI DE SACRA COENA.

1. **P**osterius N. T. Sacramentum est Cœna Domini, ab autore & institutionis tēpore sic dicta, 1. Cor. II. v. 20.

2. Dicitur etiam Mensa Domini, ut à profanis epulis distinguatur, 1. Cor. 10. v. 20. communicatio corporis & sanguinis Christi, quippe in qua essentia hujus Sacramenti consistit, 1. Cor. 10. v. 16. Testamentum Christi, cum in eo omnia Testamenti requisita appareant, Luc. 22. v. 20. 1. Cor. II. v. 26. fractio panis, quia per eam panis Evcharisticus ad distributionem olim præparabatur, Act. 2. v. 42. 46. cap. 20. v. 7.

3. Veteribus dicitur Evcharistia, ex 1. Cor.

Cor. II. v. 26. quia solennes Christo in
usu hujus Sacramenti agende sunt gra-
tiæ: *σύναξις* ex I. Cor. II. v. 20. quia in
publica Ecclesiæ congregatione cele-
brari hæc sacra Cœna fuit solita, ac mu-
tuæ in Christo conjunctionis symbo-
lum est: *ἀγάπη* ^{*dilectio*} propter epulas sacras
ex muneribus in commune collatis
institutas, I. Corinth. II. vers. 21. ^{*ministerium*} *λατρεία*
^{*publicum*} quia publici ministerii pars est non
postrema.

4. Missæ nomen à formula dimissio-
nis veteribus usitatâ, quâ dicebant ad
Catechumenos, energumenos, & ex-
communicatos, Ite, missa est, dedu-
ctum esse statuimus, B. Rhenanus su-
per 4. lib. Tertull. adv. Marc.

5. Typi hujus Sacramenti ex V. T.
enumerari possunt varii & diversi, po-
tiores autem sunt Agnus Paschalis,
Exod. 12. vers. 47. & seqq. I. Corinth.
5. vers. 7. & Manna, panis ille An-
gelorum, Exod. 16. vers. 15. Psal. 78.
v. 26.

vers. 26. Johan. 6. vers. 49. 50. 1. Cor.
10. v. 3. 4.

6. Autor hujus Sacramenti, qui illud instituit & Ecclesiæ suæ commendavit, est Christus, Matth. 26. v. 26. Marc. 14. v. 22, Luc. 22. v. 19. 1. Cor. 11. vers. 23.

7. Qui cum verus & unus cum Patre ac Spiritu sancto Deus sit, omnipotens, verax, omnisapiens, Mediator & Salvator noster; ideò, si veri ejus Discipuli esse & audire cupimus, verbis ejus absq; ulla tergiversatione fidem adhibere, atq; in iis acquiescere debemus, Joh. 8. v. 31.

8. Idem est, qui adhuc hodiè corpus & sanguinem suum in panis Eucharistici & vini Eucharistici distributione manducandum & bibendum per manus ministri exhibet.

9. Credite igitur omnes, quia etiam nunc illa Cœna celebratur, in qua Christus recumbebat: nihil quippe interest

lem; quod intelligitur, fructum habet spiritualem. Aug. serm. ad Neoph. Be. da in 1. Cor. 10.

13. Quia igitur panis & vinum di. serui Christi ordinatione ad hoc Sacra. mentum constituta sunt, ideò neu. trum istorum Elementorum aliquo a. nalogo permutari debet.

14. Nihil hîc vel sanctius, vel melius, vel tutius, quàm unius Christi autori. tate nos esse contentos.

15. Ceterùm, an panis ille magnus vel parvus, oblongus vel rotundus: vi. num illud an rubrum vel album sit, ad Sacramenti integritatem nihil inter. est, cùm institutioni Christi nihil quic. quam decedat.

16. Valdè autem probamus Cano. nem istum Nicœnum: non sumimus multum, sed parum, ut agnoscamus, non ad saturitatem, sed ad sanctifica. tionem hæc sumi.

17. Pari modo an panis fermentatus
vel

vel azymus sit, nihil referre arbitramur, nec probamus istam *ἀζυμομαχίαν*, quæ in Græcis & latinis Ecclesiis olim agitata.

18. Interim Ecclesiæ consuetudinem secuti azymo utimur, propter exemplum Christi & commune factiones non contemnendas, quas azymus panis præstat.

19. Vinum Evcharisticum aquâ misceri non esse necessarium ducimus, cum de solo vitis genimine expressa mentio extet, Matth. 26. v. 29.

20. Id verò necessarium esse dicimus, ut omnibus ad venerabile hoc Sacramentum accedentibus non panis solum, sed & vinum distribuatur.

21. Aut Sacramenta integra percipiant, aut ab integris arceantur, quia divisio unius ejusdemque mysterii sine grandi sacrilegio non potest provenire. c. comperimus dist. 2. de consecr.

22. Distinctè manducatio instituitur, distinctè

distinctè bibitio, ab illa sapientia, cui
omnis sapientia humana de insepara-
bilitate sanguinis vivi à carne viva ce-
dere debet, non enim hîc disputan-
dum est ex rationibus humanis, sed vo-
luntas Christi intuenda, qui convi-
vium non mancum instituit, sed cibo
addidit potum. Andr. Fric. 4. de Reip.
emend. c. 19.

23. Quod Christus conjunxit, homo
non separet unquam, Matth. 19. v. 6.

24. Analogias quasdam inter panem
& corpus Christi, inter vinum & san-
guinem Christi quæri non improba-
mus, modò officium Sacramentale pa-
nis & vini Evcharistici in eo positum
esse totum, non statuatur.

25. Quippe quod in eo consistit, ut pa-
nis Evcharisticus sit communicatio
corporis Christi; & calix, cui benedi-
cimus, sit communicatio sanguinis
Christi, 1. Cor. 10. v. 16.

26. Quam veram, realem & sub-
stan-

stantialem corporis & sanguinis Christi in Cœna præsentiam firmiter credimus, inhærentes verbis Christi, qui de eo, quod in sacra Cœna manducandum exhibet, illud suum corpus esse pronunciat, de eo quod bibendum in ea exhibet, illud sanguinem suum esse asserit, Matth. 26. v. 26. 27. Marc. 14. v. 22. 23. 24. Luc. 22. v. 19. 20. I. Cor. 11. v. 24. 25.

27. Ab his Testamenti Domini verbis invariata trium Evangelistarum descriptione & Paulinâ repetitione fideliter nobis commendatis, recedere integrum non est, quia sermo, quem locutus est Christus, judicabit nos in die novissimo, Joh. 12. v. 48.

28. Omnes omninò rimas talibus tropis, per quos ^{absentia} ~~absentia~~ corporis & sanguinis Christi introducit, cœlestis sapientia in verbis Cœnæ obstruxit.

29. Pronunciat enim Christus sese suum corpus illud ipsum nimirum,
R quod

quod pro nobis in mortem traditum,
& suum sanguinem, illum ipsum ni-
mirum, qui pro peccatis nostris in ara
crucis effusus est, manducandum ac
bibendum exhibere.

30. Literalem igitur verborum sen-
sum, perinde ut in reliquis locis omni-
bus, in quibus articuli fidei tanquam
in propria sede traduntur, arctè hîc
tenemus.

31. Facit hoc ad conscientiae soli-
dam quietem, quæ ubi à verbis Christi
discedit & peregrinam ex aliis locis
quærit sententiam, in quo consistat,
nullibi invenit.

32. Neq; hîc veritatem humanæ Na-
turæ in Christo, ejusdemque ad cœlos
ascensionem quisquam nobis oppo-
nat, quippe hos articulos immotâ fidei
certitudine, perinde ut hunc de vera
corporis & sanguinis Christi in Cœna
præsentia articulum amplectimur.

33. Damus Christo hunc honorem,
quod

quod vi suæ promissionis salvâ humanæ suæ Naturæ integritate corp^o & sanguinem suum in Cœna nobis exhibere possit, licet quomodo hoc fiat vel fieri possit, nosmet investigare nō possim⁹.

34. Nimirum plura præstare potest, quàm nos intelligimus, Eph. 3. v. 20. quod pronunciatum Spiritus sancti imis sensibûs reponere jubemus.

35. Ex eo enim evidenter colligitur, judicium de vera contradictione in articulis fidei non esse humanæ rationi commendandum.

36. Adde quòd legitima & Scripturis consona articulorum istorum de unionem personali assumptæ Naturæ cum λόγῳ & ascensione Christi ad cœlos, eamque immediatè secutâ sessione ad dextram Dei, explicatio, potentiam illam, quâ hoc facere Christus possit, quod promisit, evidenter asserat, tantum abest, ut ^{quod dictum est} ῥητορ verborum Cœnæ labefactet.

37. Nemo etiam vel localem inclusionem corporis in panem, & sanguinis in vinum, vel impanationem, vel incorporationem in panem, vel inexistentiam physicam, vel delitescentiam corpusculi sub pane, vel penetrationem duorum corporum, vel Capernaiticam ^{carnis essentiam} ~~χρῆστος~~ nobis objiciat, vel etiam hīc cogitet.

38. Quippe hęc omnia sunt humanę rationis modum Sacramentalis pręsentię inquirere sat agentis somnia, ex calumniandi libidine pleraq, profecta.

39. Panem Evcharisticum esse communicationem corporis Christi, vinum Evcharisticum esse communicationem sanguinis Christi cum Apostolo dicimus, modum investigari posse negamus.

40. Detur ergo gloria verbis Christi, & facessant tandem tristes contentiones.

41. Forma hujus sacramenti consistit in panis & vini *εὐλογία* sive benedictione : benedicti panis & vini distributione : distributi panis & vini manducatione atq; bibitione.

42. ^{benedictio} *εὐλογία* illa sacramentalis non consistit in Magica quadam panis in corpus Christi & vini in sanguinem Christi per occultam quandam vim in verbis istis latentem conversione.

43. Sed est sacra & efficax elementorum externorum ad usum Sacramentalem destinatio, quæ ob id Consecratio dicitur.

44. Quando igitur minister Ecclesiæ secutus ordinationem Christi & exemplum Apostolorum (de quo Gregor. lib. 7. cap. 63. in Registro, Platina in vita Xysti primi & alii complures) verba institutionis repetit, iisdemq; orationem Dominicam præmittit, minimè statuamus, hanc esse verè historicam textus lectionem:

45. Sed Minister primò testatur, quòd non proprio arbitrio hìc agat aut agere velit, sed tanquam legitimus mysteriorum Dei œconomus sacrā & solennem actionem Christi nomine instituere.

46. Deinde hac ratione panem & vinum præsens ad sacrum usum segregat, ut in posterum non amplius sint merè panis & vinum, sed corporis & sanguinis Christi ^{œchicuta} ~~o x m u a t e~~.

47. Tertiò seriò rogat, ut Christus suæ promissionis memor huic Sacramentali actioni adesse, suumque corpus & sanguinem cum his externis symbolis distribuere velit:

48. Deniq; testatur, quòd vi institutionis & promissionis Dominicæ panis Evcharisticus sit communicatio corporis, & calix benedictionis sit communicatio sanguinis Christi, atque admonet omnes accessuros, ut meminerint, se esse hospites Christi, verà fide ejus verbis innitatur, ac de seria preparatione & salutari usu seriò sint solliciti.

49. Ceterum per consecrationem
sive ^{benedictionem} ~~eu.λογισαν~~ panem in corpus Christi,
vinum in sanguinem Christi converti
Scriptura non solum nuspiam dicit,
sed etiam contradicit.

50. Parum etiam roboris huic & no-
mine & re barbaræ transubstantiatio-
ni accedit ex disputationibus recentio-
rum, qui eam sic explicant, quòd cor-
pus Christi fiat ex pane non tanquam
ex materia, quomodo factum est ex
carne Mariæ Virginis: sed tanquam ex
termino à quo, quomodo ex nihilo fa-
ctum est cœlum, ex die fit nox, & ex
aqua factum est vinum.

51. Præterquam enim, quod à præ-
decessorum suorum sententia disce-
dunt (quippe qui essentialem panis &
vini in corpus & sanguinem Christi
conversionem statuunt) seipsum insu-
per difficultatibus involvunt maxi-
mis.

52. Qui enim dicit, substantiam unam

in alteram converti, quando in ejus locum succedit, is abutitur nominibus.

53. Quis unquam dixit, nihilum transubstantiatum fuisse in Cœlum, diem transubstantiari in noctem?

54. Si verò eo modo ex pane fit corpus Christi, sicut ex aqua factum est vinum, consequitur essentiam panis converti in corpus Christi, perire accidentia panis, Missifices eâdem potestate mutare panem in corpus Christi, quâ Christus mutavit aquam in vinum, & sic esse creatoris sui creatores, ut loquitur Stella Clericorum.

55. Sacramentum Christus instituire voluit, non novam creationem: communicationem corporis & sanguinis sui per externa illa Elementa instituire voluit, non autem Elementorum in rem cœlestem transubstantiationem.

56. Atq; ut appareat, quàm omninò
nullum

nullum in verbis Christi, Hoc est corpus meum, Hic est sanguis meus, habeant fundamentum, audiemus prætermisissis reliquis vel unicum hac de re Bielem scholasticæ Theologiæ compilatorem.

57. Sic autem ille lib. 4. sentent. dist. II. q. I. art. 3. dub. I. Omnes propositiones affirmativæ, in quibus termini significantes panem & corpus Christi ponuntur in casu nominativo, falsæ sunt: panis est corpus Christi: quod est panis, est, fuit, erit, seu potest esse corpus Christi (disputat autem ex hypothesis transubstantiationis) Veræ propositiones sunt, in quibus terminus à quo, id est, panis & vinum exprimitur per Ablativum cum Præpositione Ex vel De, aut terminus ad quem, id est, corpus & sanguis Christi per Accusativum cum Præpositione: Veræ ergo sunt, ex pane fit corpus Christi, de vino fit sanguis Christi, veræ & hæ:

R 5

Panis

Panis transit, convertitur, vel trans-
substantiatur in Christi corpus, Hactenus Biël.

58. Corruit ergò tota structura, quàm pro extruenda transsubstantiationis turri ædificant super verba Christi, nuppiam enim Christus dixit, Ex hoc pane fit meum corpus, de hoc vino fit meus sanguis.

59. Transsubstantiationi superstructa est Elementorum externorum repositio, circumgestatio, ac adoratio: idem ergò de illis iudicium.

60. Altera Sacramentalis actio est distributio, cui inservit fractio.

61. Nihil igitur interest, sive ante sive post ^{ἐν εὐχαριστία} fractio fiat: modò distributio accedat.

62. Fractio enim peculiarem actum Sacramentalem non constituit, sed est actus ministerialis & præparatorius.

63. Nihil quoq; addit vel demit integritati Sacramenti, sive in os sive in
manus

manus communicantium Elementa
externa dentur.

64. Semper enim distinguenda
sunt res & rei modus, ^{distributio et distributio}
^{nis modus} ^{τοῦ πρὸς} ^{τοῦ πρὸς} ^{τοῦ πρὸς}

65. Qui disputant, fractionem esse
peculiarem actum Sacramentalem
passionis Dominicæ repræsentativum,
transferunt hoc in actionem toto ge-
nere diversam, quam est à Christo insti-
tutum.

66. Ex institutione enim Christi pa-
nis est medium & organum, per quod
manducantibus corpus suum Christus
distribuit: illi dicunt esse signum, quod
significet corpus Christi, sicut fractio
panis significat crucifixionem.

67. Afferunt ergò suæ sententiæ
clara & perspicua ex verbis institutio-
nis fundamenta, & ostendant veram
ac propriè dictam in corpore Christi
fractionem per hanc ^{panis fractionem}
^{ἁγιοκλασίαν} re-
præsentatam.

68. Quin

68. Quin & in altera sacrae Coenae parte eandem repræsentationem nobis monstrant, aut propter ritum suam naturam adiaphoram Ecclesias turbare cessent.

69. Tertia Sacramentalis actio est manducatio & bibitio, quæ non respicit panem solum sive seorsim, & vinum solum sive seorsim : sed illum panem, qui est communicatio corporis Christi, illud vinum, quod est communicatio sanguinis Christi, 1. Cor. 10. v. 16.

70. Manducatio illa nec est merè naturalis, nec merè spiritalis : sed Sacramentalis, ex unione panis & corporis Christi Sacramentali dependens.

71. Ut ergo unio Sacramentalis per quam, in vero & legitimo usu, corpus Christi cum pane, sanguis Christi cum vino unitur; ita quoque manducatio (& bibitio) Sacramentalis à veracis & omnipotentis Christi institutione dependet : humanam autem ratione compre-

prehendi nec potest, nec investigari debet.

72. Si ergò spirituales manducationem opponis naturali, carnali, physica, locali & Capernaïtica, rectè dicimus, corporis Christi cum pane manducationem esse spirituales.

73. Si verò per spirituales manducationem intelligis eam, de qua Joh. 6. agitur, illa pertinet ad fructum Coenae, utique ergò non ad ejus essentiam.

74. Finis sacrae Coenae proponitur in verbis illis Christi, Hoc facite ad mei commemorationem.

75. Quae ^{commemoratio} ~~quoque~~ respicit verba praecedentia, quòd nimirum in Coena manducetur illud corpus, quod pro nobis in mortem traditum, & bibatur ille sanguis, qui pro nostris peccatis in ara crucis est effusus.

76. Ex quo apparet, primarium ac principalem sacrae Coenae finem esse fidei confirmationem.

77. Quæ in sese etiam hos fructus
complectitur, quod in vero ac salutari
usu sacrae Coenæ promissio de remis-
sione peccatorum obsignetur, gratia in
Baptismo accepta confirmetur, ami-
cabile foedus inter Deum & hominem
instauretur, dona spiritualia augean-
tur, ^{implantatio} ἐμψυεύσις in Christum renoveretur,
deniq; quod incorruptibili cibo ad vi-
tam æternam fidelis pascatur.

78 Breviter; hæc sumpta & hausta fa-
ciunt, ut Christus in nobis, & nos in
Christo maneamus. Hilar. 8. de
Trin.

79. ^{panis benedictus} ἀγ. εὐχαριστικός. Ignatio est
^{medicina immortalitatis, coagmentatio malum}
^{φαρμακὸν ἀθανασίας, κατεργητὸν ἀλεξι-}
^{pellens} κακόν: Basilio ^{diaticum, vita æterna, accepta} εὐδοκίαν ζωῆς αἰωνίης, εὐπέρσ-
^{descriptio, ceteris, dominum docentem} δεικ. ἀπολογία οὗτι & Θεοῦ ρημάτων
^{descriptio} Θεοῦ: Damasceno ^{significat & futura} ἀποδείξων τῆς μετὰ τὴν
^{ζωὴν ἐν βασιλείᾳ} ζωῆς καὶ βασιλείας.

80. Minus principales fines enume-
rari possunt complures, usu enim hu-
jus Sacramenti Deo obœdientiam,
Christo

Christo gratam beneficii memoriam,
hominibus poenitentiam nostram,
consensum in doctrina & serium cari-
tatis studium comprobamus.

81. Sed vel propitiatorium vel im-
petratorium sacrificium esse hoc my-
sterium, id verò pernegamus.

82. Unicus enim est Novi Testamen-
ti Sacerdos, unicum sacrificium ^{expiatio} *ἡ ἁγία*
^{θύσις} *θύσις*, unica oblatio.

83. Ad usum sacrae Coenae admitten-
di non sunt nisi Christiani & quidem
soli illi, qui se probare possunt, 1. Cor.
II. V. 28.

84. Ex quo intelligitur, quid de no-
toriis peccatoribus, qui se probare no-
lunt, quid etiam de pueris & aliis, qui
se probare non possunt, statuendum.

85. Vera illa probatio consistit in
seria peccatorum agnitione, & dete-
statione, vera in Christum fide, & se-
rio vitam emendandi proposito.

86. Ve-

91. Excitet olim Deus corpora nostra è sepulchris ad vitam, cum sint Christi corpore & sanguine nutrita, Iren, lib. 4. adv. hæ. cap. 34.

XIX. APHORISMI THEOLOGICI DE ECCLESIA.

1. **P**er verbum & Sacramenta efficaciter operante Spiritu sancto colligitur Deo in his terris Ecclesia.

2. Quæ ideò sic dicitur, quia ex genere humano evocata in sanctum cœtum congregatur.

3. Est enim Ecclesia cœtus hominum ministerio verbi & Sacramentorum ad regnum Dei congregatorum, in quo cœtu semper sunt aliqui verè pii, perseverantes in vera fide usq; ad finem, quibus mixti sunt multi non sancti, professione tamen doctrinæ consentientes.

4. Hic cœtus quia sub vexillo Christi contra Diabolum, mundum & car-

S

nem

nem assidue ei decertandum, Ecclesia militans dicitur.

5. Et quia ministerium docendi verbum & Sacramenta administrandi in sensus incurrit, ideo idem coetus dicitur Ecclesia visibilis.

6. Sed enim siquidem oculis hominum non est conspicuum, quia in illo coetu sint verè credentes, & pii, ideo eorum respectu Ecclesia invisibilis dicitur.

7. Proinde distinctio illa in Ecclesiam visibilè & invisibilem non introducit duas veluti distinctas Ecclesias sive diversos coetus.

8. Sed coetum vocatorum ^{secundum ali-} ^{κατ' αλ-} ^{am ali-} ^{accceptionis} ^{modum} ^{ἑως τοῦ πόντου}, videlicet ^{ἐξ ὧν ἕν ἐστιν ἐκ ὧν ἕν} ^{interne} considerat.

9. Internum Ecclesiæ decus consistit in fide & renovatione, cum quibus immediatè conjuncta vitæ æternæ hereditas.

10. Illa spiritualis regeneratio ac re-
nova-

novatio infirmitatibus carnis : hæc
vitæ æternæ communio scandalo cru-
cis & mortis , velut quodam velamine
in hac vita tegitur , atque eo nomine
Ecclesia invisibilis dicitur.

11. Externum Ecclesiæ decus confi-
sit in sincera verbi prædicatione (atq;
professione) & legitima Sacramento-
rum administratione : quo respectu
Ecclesia visibilis dicitur.

12. Ut ergò quis sit verum ac vivum
in hoc mystico Christi corpore mem-
brum , non sufficit externa illa ejusdē
doctrinæ professio & eorundē sacra-
mentorum participatio , sed accedat
oportet interna Spiritus S. regenera-
tio & inhabitatio.

13. Neque tamen extra Ecclesiam
visibilem quærēda invisibilis : sed hæc
illi inclusa est ; quia extra cœtum vo-
catorum non sunt quærēdi electi.

14. Neque quærēda est ullibi gen-
tium

tium separata & pura illa electorum
invisibilis Ecclesia ab omnibus hypo-
critis exterius segregata.

15. Hic enim (in hac vita) cum Hie-
rosolymitanis habitat Jebusæus; hic
in horto patrisfamilias simul sunt fa-
liunca & abies, urtica & myrtus; in
grege Jacobi animalia alba & nigra,
agni & hoedi; in reti Petri pisces boni &
mali; in agro Domini lilia inter spi-
nas; in area Domini granum cum pa-
lea; in cella Christi vinum cum agre-
sta; oleum cum amurca; in arca Noë
animalia munda & immunda.

16. Hic cœtus, hæc Ecclesia pulcer-
rimis & honoratissimis ornatur à Spiri-
tu sancto in Scriptura encomiis.

17. Vocatur enim Corpus Christi,
Sponsa Christi, regnum Dei, peculium
Dei, populus dilectus &c.

18. Sunt autem omnes hæ appella-
tiones synecdochicæ; siquidem Eccle-
siæ illa encomia tribuuntur propter
verè

verè renatos & electos, qui sunt in isto
cœtu.

19. Evidens enim inter verè renatos
& hypocritas externâ solum professio-
ne Ecclesiæ conjunctos, est & manet
discrimen.

20. Illi sunt Ecclesiæ membra vera
& viva, quia à capite Christo Spiritum
& vitam hauriunt: hæc sunt membra
putrida & emortua; illi pertinent ad
Ecclesiam internè, hi externè; illi in
corde, hi in externa specie; illi ^{vere} ~~ostens~~,
hi ^{opinative} ~~ostens~~; illi iudicio Dei, hi tantum
hominum; illi ut veræ & sanæ corpo-
ris partes, hi ut scabies & mali humo-
res; illi propriè loquendo de Ecclesia,
hi tantum sunt in Ecclesia. August. in
brevic. collat. collat. 3. in Johan. tract.
6. de Bapt. lib. 3. cap. 18. &c.

21. In Symbolo Apostolico Eccle-
sia dicitur una, sancta, Catholica & A-
postolica.

22. Una dicitur propter unitatem

Spiritus, quam exponit. Apostolus Ephes. 4. v 3. & seqq. Unum est corpus & unus spiritus, sicut & vocati estis in unam spem vocationis vestræ: Unus Dominus, una fides unum Baptisma; unus Deus & Pater omnium, qui est super omnia & per omnia & in omnibus vobis.

23. Sancta dicitur, quia à Christo per Spiritum & verbum sanctificatur: quæ sanctitas consistit in hac vita, in sanctitatis Christi imputatione & veræ sanctitatis studio: sed in futura vita demum sanctitas illa perficitur.

24. Catholica dicitur respectu fidei Catholicæ, quæ æstimanda est ex communi omnium piorum, quocunque tempore & loco vixerint, vel adhuc vivunt, in vera doctrina consensu.

25. Consensum autem illum Catholi-

tholicis Prophetarum & Apostolorum scriptis, quæ sunt unicum Ecclesiæ fundamentum, niti omninò oportet. Ephes. 2. v. 20.

26. Apostolica dicitur respectu doctrinæ Apostolicæ, quia ab Apostolis (qui nihil docuerunt extra Mosen & Prophetas. Act. 26. v. 22.) in N. Testamento propagari cœpta, eorundem doctrinâ in Scripturis sonante, adhuc hodiè colligitur.

27. Ex quibus facilè colligitur, quæ sint vera veræ Ecclesiæ ^{signa certa} ~~reperuntur~~, videlicet pura verbi prædicatio, & legitima Sacramentorum administratio.

28. Cùm enim Ecclesia nihil aliud sit, quàm cœtus veram Christi doctrinam publicè profitentium ac Sacramentis legitimè utentium, & verò nulla certior rei nota, quàm ipsius forma, utique has, & nullas alias esse genuinas atque proprias Eccle-

fiat tesseras concludimus.

29. Si quæ aliæ assignantur notæ, videlicet nomen Catholicum, antiquitas, duratio, amplitudo, successio Episcoporum, felicitas temporalis &c. communes sunt Ecclesiæ cum aliis cœtibus, nec ullum habent momentum, nisi cum notis illis nostris exactè congruant.

30. Quod de re annotamus verba Stapletoni in relect. princ. fidei contro. I. quæst. 4. art. 5. p. 113. Quemadmodum discernunt hominem à bruto, parvuli quidem per externa lineamenta corporis & figuram hominis, quia indicium eorum non excedit sensum: adulti verò & rationis usum habentes, indocti tamē & rudes per operationes vitæ & functiones propriè humanas, ut loqui more humano, ambulare, & similia; Sapientes autem & prudentes, quorum iudicium altius penetrat per animi prudentiam aliasq; dotes homini

mini adhuc magis excellenter proprias.

31. Sic Ecclesia Christi à sapientibus quidem & spiritualibus ipsis, quales sunt Ecclesiæ Magistri & Pastores, cognoscitur per sanam doctrinam & rectum Sacramentorum usum: ab imperitis autem fidelibus & parvulis in fide, qui de doctrina ipsa in suis causis principiis & mediis considerata judicare non possunt ab ipsis quoq; infidelibus, qui parum aut nihil de Ecclesia norunt, per externam faciem & multitudinem populorum credentium atq; Pastorum.

32. Hanc Stapletoni comparationem accuratè notari jubemus. Ex ea enim concludi potest, notas nostras esse proprias, genuinas & spiritualibus hominibus accommodatas: ipsorum verò dubias & incertas.

33. Externam speciem Ecclesiæ per lineamenta adumbratam libèter ipsis

concedimus : relinquant nobis illi animam.

34. Eodem pertinet, quod Bellarminus disertè fatetur, notis illis, quas ipsemet assignaverat, non effici evidentè verum, Romanam Ecclesiam esse veram Dei Ecclesiam, sed tamen effici evidentè credibile lib. 4. de Eccles. c. 3. col. 210.

35. Porro cum prædicatio Evangelii & Sacramentorum administratio non in omnibus particularibus Ecclesiis, pari sinceritate fiat : sed à quibusdam fermentum humanarum traditionum & opinionum puræ verbi divini massæ admisceatur, ideo hoc respectu & sensu Ecclesia dicitur purior vel impurior.

36. Sic Christus audiri jubet Scribas & Phariseos in Cathedra Mo-
sis sedentes, Matth. 23. vers. 2. id est, doctrinam à Mose traditam proponen-

ponentes, Interprete Biele 4. sent. dist.
1. q. 4. art. 3. interim tamen etiam
jubet à fermento eorum, id est, à fal-
sa doctrina ipsorum cavere, Matth. 16.
vers. 6.

37. Potest D E U S etiam per cor-
ruptum ministerium spirituales filios
sibi generare, Ezech. 16. vers. 20.

38. Puriores sapè sunt aures discen-
tium, quàm labia docentium.

39. Sic Papatus non est vera & pu-
ra Ecclesia : interim tamen superio-
ribus temporibus D E U S sibi sub Pa-
patu collegit, & adhuc hodiè in me-
dia Roma sibi colligit Ecclesiam.

40. Ecclesiæ nostræ è Romana
Babylone egressæ juxta divinum
mandatum, Jerem. 15. vers. 19. se-
pararunt pretiosum à vili, Scriptu-
ras Propheticas & Apostolicas ac
doctrinam illis conformem, ab hu-
manarum traditionum fermento
segre-

segregatam acceptarunt & adhuc profitentur.

41. Ecquis ergò Apostolicæ Ecclesiæ nomen nostræ denegare poterit? qualis doctrina, talis Ecclesia; doctrina Apostolica efficit Ecclesiam Apostolicam.

42. Aut ergò convincant nos ex Prophetis & Apostolicis Scriptis, quòd à doctrina Prophetarum ac Apostolorum secessionem fecerimus: aut nomen Catholicæ & Apostolicæ Ecclesiæ nobis relinquant.

43. Ubi accuratè observari jubemus, quod Acta Comitiorum Augustanorum Anni 30. testentur, præcipuos ex adversariis tum fuisse cōfessos ex Scripturis oblatam fidei nostræ confessionem refutari non posse.

44. Subjungimus ergò ex Augustini Epist. 166. In Scripturis didicimus Christum, in Scripturis didicimus Ecclesiam; quare non in eis & Christum
&

& Ecclesiam communiter retinemus?

45. Occinimus etiam illis istud ex August. de unit. Eccles. c. 2. Inter nos & Donatistas (Romanenses) quæstio est ubi sit Ecclesia? Quid ergo facturi sumus? In verbis nostris eam quæsituri, an in verbis Capitis sui Domini nostri? puto quòd in illius verbis eam quærere debeamus, qui veritas est & optimè novit corpus suum.

46. Quin urgemus exclusivam Chrysostomi hom. 49. operis imperf. in Matth. nullo modo cognoscitur volentibus cognoscere, quæ sit vera Christi Ecclesia, nisi tantummodò per Scripturas.

47. Verbum Dei, quod hodiè non nisi in Prophetis & Apostolicis Scriptis extat, est semen, est fundamentum, est anima Ecclesiæ: ab illius tramite si Ecclesia abit, in errores abit, atq; eò quidem graviores, quò à sinceritate verbi longius recedit.

48. Ex

48. Ex quo facile colligi potest, quid statuendum sit de quaestione illa: an Ecclesia errare possit.

49. Distinguendum enim inter Ecclesiam Catholicam, & inter particulares Ecclesias.

50. Distinguendum denique inter errores evertentes fundamentum, & inter stipulas fundamento superstructas.

51. Distinguendum deniq; inter Ecclesiam visibilem & invisibilem.

52. Romanenses, quando satis diu & fortiter disputarunt de infallibili Ecclesiae judicio, tandem nos deducunt ad unicum Papam. Ipsa infallibilitas ait Bell. 4. de Pontif. c. 2. non est in coetu Consiliariorum, vel in Concilio Episcoporum; sed in solo Pontifice.

53. Populus fidelis non errat, si sequitur Pastores suos: Pastores non errant, si sequuntur suos Episcopos: Epi-

Episcopi non errant, si sequuntur Papam. Ergò immunitas illa Ecclesiæ ab errore à Papa solo apud ipsos descendit.

54. Quod illi Papæ, nos Christo per Scripturas & in Scripturis Ecclesiam docenti tribuimus: Ecclesia non errat, quatenus & quandiu sequitur vocem Christi & regimen Spiritus sancti.

55. Deniq; eo fine Deus Ecclesiam colligit, ut habeat cœtum, à quo in hac & futura vita rectè agnoscatur, celebretur & glorificetur.

56. Ecclesia militans in terris, est seminarium Ecclesiæ triumphantis in cœlis, cui associet nos Christus Ecclesiæ caput, cui sit gloria in æternum.



XX. APHORISMI THEO- LOGICI DE MINISTERIO EC- clesiastico.

1. **T**res sunt in Ecclesia status sive ordines a Deo instituti omnes: Ecclesiasticus, Politicus & Oeconomicus.

2. Vocantur communiter tres Hierarchyæ.

3. Ordo Ecclesiasticus in Scripturis vocatur *διακονία* ^{publicum Eccl. munus} *καὶ λειτουργία*.

4. Ergo non est ^{absoluta} *διακονία* quædam ^{dominatio} *κυριαρχία*.

5. In hoc Ministerio Ecclesiastico consideranda sunt, Legitima ad illud vocatio, & fidelis ejusdem administratio.

6. Vocatio Ministris Ecclesiæ utiq; necessaria est, & ea quidem legitima.

7. Quomodo enim prædicabunt nisi missi fuerint? Rom. 10. v. 15.

8. Jus vocandi ministros Deo competit,

petit; is tanquam Dominus messis operarios mittit in messem suam, Math. 9. v. 38.

9. Vocatautem Deus Ministros Ecclesiæ tum immediatè, tum mediatè.

10. Immediata vocatio Prophetarum in V. & Apostolorum, in N. T. propria est.

11. Eam D. Apostolus Gal. 1. v. 1. sic describit: Quòd fiat ab ipso Deo, non ab hominibus neq; per homines.

12. Cum qua descriptione minimè pugnat, quòd interdum per Prophetam vel Apostolum aliquem, vel etiam per sortem immediata ista Dei vocatio exterius declaratur.

13. Immediatam vocationem semper extraordinaria quædam divina dona & testimonia comitantur.

14. Neq; tamen per illa dona & testimonia miracula intelligi volumus.

15. Siquidem Johannes Baptista nullum edidit signum, Johan. 10. v. 41.

T

quem

quem tamen immediatè vocatum esse constat.

16. Sed per ista immediatæ vocationis testimonia peculiaris Spiritus ^{de} ~~monstratio~~ ^{monstratio} ~~monstratio~~, & efficacia singularis ministerii ipsorum intelligatur.

17. Qui immediatè à Deo vocati sunt, illorum doctrinæ, utpote quam Spiritu Dei ^{acti} ~~per~~ ^{per} ~~per~~ proferunt, 2. Pet. i.v.21 simpliciter fides est habenda.

18. Unde dicimur extructi super fundamentum Prophetarum & Apostolorum, Eph.2.v.20.

19. Habent etiam eo modo vocati hoc privilegium, quod non sint ad certam quandam Ecclesiam Topicam alligati, sed ubiq; prædicandi potestate instructi.

20. Ex quo apparet, vocationem ejusmodi potissimum habere locum, vel in Ecclesia constituenda, vel eadem ab erroribus repurganda.

21. Mediata vocatio est, quæ fit à
Deo

Deo per homines idoneos juxta Canonem in Dei verbo expressum.

22. Ubi accuratissimè observandum, mediatam vocationem non minùs esse divinam, quàm est immediata illa altera.

23. Deus enim est, qui in Ecclesia constituit non tantùm Prophetas, Apostolos & Evangelistas, sed etiam Doctores & Pastores, 1. Cor. 12. v. 28. Eph. 4. v. 11.

24. Ephesinæ Ecclesiæ ministri à Spiritu sancto dicuntur constituti, quamvis Paulus per manuum impositionem ministerium ipsis commenderat, Act. 20. 28.

25. Adhuc hodiè Spiritus sanctus arguit mundum per ministerium eorum qui mediatè vocantur, Joh. 16. v. 8.

26. Mediatam illam vocationem peragit Deus ministerio Ecclesiæ.

27. Ei enim concredidit verbi sui depositum, Rom. 3. v. 2. et tradidit Sa-

cramenta, eidem tanquam Sponsæ suæ, claves regni cœlorum commisit, Matth. 18. v. 17.

28. Ergò totius Ecclesiæ est jus vocandi ministros, certâ tamen ratione atq; ordine in Scripturis expresso.

29. Qualem autem vocandi rationem atque ordinem intelligamus, ex præceptis & praxi Apostolorum constat.

30. Quoscunq; probaveritis per Epistolas (dicit Apostolus 1. Cor. 16. v. 3.) hos mittam, 1. Tim. 3. v. 7. oportet Episcopum habere bonum testimonium, 1. Tim. 5. v. 22. manus citò nemini imposueris, antequam scilicet Ecclesiæ testimonium & consensus accedat.

31. Coniunge etiam praxin Apostolicam, Act. 16. v. 3. in electione & ordinatione Diaconorum, Apostoli sic loquuntur: Dispicite fratres ex vobis viros septem idoneo testimonio ornatos,

tos, plenos Spiritu sancto & sapientiâ,
quos præficiamus huic negotio, Act.
14. v. 23. per suffragia (χειροτονήσαντες)
creantur per singulas Ecclesias Pres-
byteri.

32. Hinc veteres isti Canones. Nul-
la ratio finit, ut inter Episcopos ha-
beantur, qui nec à Clericis electi, nec à
plebibus expetiti, nec à comprovincia-
libus Episcopis cum metropolitani ju-
dicio consecrati, c. nulla. dist. 62. ex
Leone Ep. Rom.

33. Item: sint à plebe expetiti, à Cle-
ricis electi, Episcoporum judicio ordi-
nati.

34. Item: Qui futuri sunt Sacerdo-
des, ab Episcopis postulentur, tenea-
tur subscriptio Clericorum, honora-
torum testimonium & consensus ple-
bis.

35. Peculiariter notandus locus Cy-
priani lib. 1. Epist. 4. plebs maximè ha-
bet potestatem vel eligendi dignos Sa-

cerdotes, vel indignos recusandi, quod
& ipsum videmus de divina autoritate
descendere, ut Sacerdos plebe præsente
sub omnium oculis eligatur, & dign⁹
atque idoneus publico iudicio ac testi-
monio comprobetur.

36. Quare, cum ad totam Ecclesiam
pertineat ius vocandi ministros, nec
solum Presbyterium, nec solus Magi-
stratus, nec reliqua multitudo sibi soli
illud vendicet vel usurpet.

37. Quod enim omnes tangit, ab o-
mnibus curari debet.

38. Ordine tamen omnia debent
fieri & confusiones vitari, 1. Cor. 14.

39. Vocationis hujus publica & so-
lennis testificatio est ordinationis ri-
tus quo in conspectu Dei & coram to-
ta Ecclesia, per manuum impositio-
nem, persona legitimè vocata è reli-
qua multitudine ad hoc munus separa-
tur, precibus Deo commendatur, &
vocationi antegressæ publicum testi-
monium defertur.

40. Ordinationem esse Sacramentum negamus, propriè & strictè Sacramenti voce acceptâ.

41. Caret enim Elemento externo ab ipso Christo disertè in N. T. instituto, caret etiam promissione de applicatione & oblatione gratiæ Evangelii propriæ.

42. Ordinationem antecedit accurata ^{inquisitio} ~~exetasis~~, quâ in confessionem, eruditionem, donum docendi & vitam ordinandi inquiratur.

43. Norma hujus examinis proponitur, 1. Tim. 3. & Tit. 1.

44. Ubitalles virtutes requiruntur ab eo, cujus munus docendi in Ecclesia committendum, quæ vel sint communes ipsi cum aliis verè piis, vel ipsi propriæ & peculiare.

45. Communes sunt, quòd debeat esse ^{incomprehensibilis} ~~avet~~ ^{unius uxoris} ~~ανη~~ ^{sanctus} ~~αγιος~~ ^{sobrius} ~~σοφρων~~ ^{temperans} ~~σοφρων~~ ^{compositus} ~~κοσμιος~~ ^{hospitalis} ~~φιλοτιμος~~ ^{non violentus} ~~μη βιολεντος~~ ^{non percuissor} ~~μη περτυσος~~ ^{non turpis lucri} ~~μη αλοχορος~~

cupidus sed, æquus non litigiosus, non avarus
κέρδης, ἀλλ' ἰσθμῆς, ἀμαχός, ἀφιλόγυ-
e &c. 1. Tim. 3. v. 2. 3. 4. & seqq. Tit.
1. v. 6. 7. 8.

46. Facit autem Apostolus communium harum virtutum mentionem ideò, quia vitæ integritas non solum propter istas causas à ministris requiritur, quæ eandem à reliquis Christianis flagitant, sed etiam peculiariter hoc nomine, ne ministerium ipsorum calumniis sit obnoxium, atq; ita fructificationi verbi impedimentum vel certè remora afferatur.

47. Unius uxoris virum esse in Episcopo requirit Apostolus, ut obturet ora hæreticis, qui nuptias criminantur, ostendens, quòd negocium hoc non sit impurum, sed adeò honorabile, ut cum eo possit, quis etiam sacrum Episcopatus thronum ascendere. Chrysoft. in cap. 1. Epist. Tit.

48. Proinde cœlibatus non est jure divino Ordini Ecclesiastico annexus.

49. ἐγκρά-

^{continentiam}
49. ἐγκράτεια enim illam, quam ibi-
dem in Episcopo requirit Apostolus,
de voto coelibatus intelligendam esse
tum demum probabitur, quando o-
stensum fuerit, nullam esse in piorum
conjugio ἐγκράτειαν, Ecclesia st. 26. v.
20. Gal. 5. v. 22.

50. Sed nec arcet hoc suo pronuncia-
to Apostol⁹ à ministerio eos qui defun-
ctâ uxore aliam legitimè sibi sociarint.

51. Verùm eos eligi ad ministerium
prohibet, qui quocunq; modo contra
sextum Dei Præceptum peccant, ut
non sint unius uxoris mariti.

52. Utpote si vivant in adulterio, si
plures simul habeant uxores, si dimissâ
vel repudiatâ uxore legitimâ (extra a-
dulterii casum) aliam ducant, vel ab a-
lio repudiatam sibi eligant.

53. Sed nec absolutè necessarium o-
mnib. Ecclesiæ ministris conjugium es-
se præscribit, verùm liberū conjugium
ipsis relinquit, & Ministros uxoratos

legibus conjugii divinitus sancitis sub-
jicit.

54. Peculiares virtutes, quas ab Ec-
clesiæ ministris Apostolus requirit, hæ-
sunt, quod debeant esse ^{apud docendum} διδακτικοί, 1.

^{potentes etiam adhortari} Tim. 3. v. 2. dono docendi instructi.
^{in doctrina} οὐκ αὐτοὶ καὶ παρακαλεῖν ἐν τῇ διδασκαλίᾳ,
^{et contradicentes arguere} τῇ ὑγιαίνουσῃ καὶ τὰς ἀντιλεγοντάς ἐλέγχειν,
Tit. i. v. 9.

55. Hæc de legitima ad Ministerium
vocatione: sequitur fidelis ejusdem
administratio.

56. Per fidelem Ministerii admini-
strationem intelligimus omnia Eccle-
siasticæ διακονίας munia, exemplo Apo-
stoli 1. Corinth. 4. vers. 1. Sic nos æsti-
met homo ut ministros Christi & dis-
pensatores mysteriorum Dei, vers. 2.
jam verò hoc solum requiritur in œ-
conomo, ut fidelis inveniatur.

57. Fidelitas illa consistit in eo, ut
res Ecclesiæ à D E O commissæ ex præ-
scripto

scripto ejusdem administrentur.

58. Res Ecclesiæ aut doctrinam spectant, aut Sacramenta, aut denique disciplinam.

59. Officium ergò Ministrorum doctrinæ, Sacramentorum & disciplinæ legitimâ administratione continetur.

60. Doctrinæ administratio constat tum veritatis assertionem, tum errorum refutationem.

61. Norma tam ^{doctrinae} διδασκαλίας, quam ^{refutationis} ἀλεγχ^ς est unicum Dei verbum, 2, Tim. 3, v. 16.

62. Ad doctrinam pertinet Scripturæ sacræ interpretatio, ejusdemque ad usum Ecclesiæ accommodatio.

63. In Sacramentorum administratione objectum & Modus spectanda.

64. Objecti nomine intelligimus providam illam curam, quâ Minister prospicere tenetur, quibus Sacra-

Sacramenta administrari debeant, vel
qui ab illis arcendi.

65. Atq; hæc præcipua causa est, pro-
pter quam privata Confessio & Abso-
lutio in Ecclesiis nostris retinentur,
nec tamen defunt aliæ itidem præ-
gnantes.

66. Modi nomine intelligitur, ut
juxta Christi præscriptum, quin & ^{secundum} ~~et~~ ^{scilicet}
^{ordinem et decorem} ~~et~~ ea administrentur.

67. Disciplina Ecclesiastica occupa-
tur tum in corrigendis lapsibus, tum in
Ecclesiasticis judiciis exercendis.

68. Lapsus corrigendi sunt juxta
gradus à Christo præscriptos, Matth.
18.v.15.

69. Præcedat enim ^{admonitio} ~~et~~ ^{severa} privata
& publica, quæ si à manifesto peccato-
re contemnitur, succedat severa illa
Ecclesiastici judicii administratio, in
excommunicatione consistens.

70. Excommunicatio (pars clavi-
um posterior) est vel minor vel major.

71. Minor

71. Minor est, quâ interdicitur peccatori ad tempus Cœnæ participatione.

72. Major est, quâ præeunte legitimâ cognitione contumax peccator ex Ecclesiæ societate exclusus Satanæ traditur.

73. Illa dicitur ^{separatio} ~~à~~ ^{exco-} ~~omni~~ ^{com-} ~~munio~~, hæc ^{exco-} ~~com-~~ ^{mu-} ~~nio~~ ^{peragitur}.

74. Utinam verò vincula discipline Ecclesiasticæ in hac effœta mundi senecta arctius constringerentur, quàm vulgò fieri videmus!

75. Potestas excommunicandi ad totam Ecclesiam pertinet, cujus nomine à Ministerio peragitur.

76. Accedat ergò Ecclesiæ consensus expressus vel tacitus. Congregatis vobis (ait Apostolus 1. Cor. 5. v. 4.) & in eo Spiritu in nomine Domini nostri Jesu Christi constitui Satanæ tradere ejusmodi hominem.

77. Ut in legitimam Ministrorum

voca-

vocationem , ita etiam in hanc disciplinæ Ecclesiasticæ administrationem injurius est Romanus Pontifex.

78. Derogat enim Magistratui & populo Christiano jus eligendi Ministros , idque solis Episcopis & potissimum sibi vendicat.

79. Se Ecclesiæ Monarcham, Caput & Sponsum esse gloriatur.

80. Sed ex hac ipsa & compluribus aliis notis Antichristum ipsum esseprehendimus.

81. Quascunq; enim notas Antichristo Scriptura tribuit, eas Pontifici Romano ad unum omnes competere , Historiarum & experientia documentantur.

82. In disciplinæ Ecclesiasticæ administrationem itidem multis modis peccat Romanus Papa.

83. Sibi enim soli vendicat summam potestatem excommunicandi, absolvendi, dispensandi, casus reservandi,

vandi, indulgentias, beneficia & similia conferendi, leges proponendi, statuendi, puniendi, Ecclesiasticam Hierarchiam moderandi &c. Franc. Vargas de jurisd. Episc.

84. Hanc potestatem in sese tanquam in fonte repositam, & à se ad Episcopos tanquam rivos derivari gloriatur.

85. Episcopis subicit Presbyteros, eisque longè minorem jurisdictionis potestatem concedit.

86. Nos ordinem inter Ecclesiæ Ministros nec tollimus, nec confusiones approbamus; interim eandem jurisdictionis potestatem omnibus Ecclesiæ Ministris competere dicimus.

87. Tempore Apostolorum eundem fuisse & Episcopum & Presbyterum ostendit Hieron. in Tit. i. & agnoscit Mich. Medina lib. i. de sacror. homin. origin. & cont. cap. 5. in eadem sententia esse Ambrosium,

brofium, Auguftinum; Sedulium, Pri-
mafium, Chryfoftomum, Theodore-
dum, Oecumenium & Theophila-
ctum.

88. Improbandum etiam hoc in Pa-
pali excommunicatione, quòd fulmen
ejus vibrat in integras civitates, inte-
gras provincias, integra regna unius
aut paucorum hominum causâ.

89. Nec propter atheifmum vel alia
flagitia excommunicationem exercet,
fed Hiftoriis testibus, ex privato odio,
levitate, ambitione & dominandi li-
bidine ut plurimum ea procedit.

90. Confundit etiam hanc Eccle-
fiasticam disciplinam cum pœnis civi-
libus, fiquidem Reges & Imperatores
excommunicatos regno atq; Imperio
exuit, fubditos ab homagiis & jura-
mentis ipsis præstitis absolvit, bona eo-
rum in prædam omnibus proponit.

91. Quis deniq; finis fit Papalis ex-
communicationis, de eo confulantur

Histo-

Historiæ, præcipuè videatur Rodericus Zamorensis in speculo vite humane lib. 2. cap. 3. Nicol. de Cleman. lib. de Ruin. & reparat. Eccles. quorum testimonium hac in parte verissimum est.

92. Ex his & similibus abusibus procul dubio factum, ut saluberrima illa disciplinæ Ecclesiasticæ pars hodiè ferè collapsa sit; causas alias vide omnino in Comment. D. Lutheri supra 3. Joël. tom. 4. Jen. f. 801. & seqq. Lege eas & perpende.

93. O Christe, qui extrudis operarios in messem tuam, venit hora ut metas, quoniam aruit messis terræ, & maturæ sunt uvæ ejus, Apoc. 14. v. 15. & 18.

Qui te amat, dicat veni

AMEN.



XXI. APHORISMI THEO- LOGICI DE ORDINE POLITICO.

1. **P**ROPTER Filii intercessionem & meritum, generi humano non æterna solùm, sed & hujus vitæ bona, quibus utrisq; suâ *dispositio* exciderat, à Deo sunt restituta.

2. Per Ministerium verbi colligit sibi Deus Ecclesiam, à qua rectè agnoscat-
tur & celebretur, in cujus veris mem-
bris imaginem suam instauret, & æter-
nam vitam inchoët.

3. Sed quia hæc Ecclesiæ collectio
& imaginis divinæ instauratio fit in
hac vita, ideò instituit Deus Ordinem
Politicum, qui sit quasi septum quod-
dam Ecclesiæ.

4. Hoc enim fine Regibus & omni-
bus in sublimitate constitutis Deus
Imperium concedit, ut quietam &
tranquillam vitam sub ipsis agamus, in
omni pietate & modestia, 1. Tim. 2. v. 2.

5. Ec-

litias, nec divinæ ordinationes sese mutuò destruunt.

13. Vocat autem Deus ad Magistratum, vel mediatè vel immediatè.

14. Immediatæ vocationis exempla sunt in Mose, Davide &c. Illos enim suâ voce Deus ad regimen populi sui immediatè & extraordinarie vocavit.

15. Mediata vocatio potissimum fit duobus modis, vel successionē hereditaria, vel hominum electione, ad hos modos reliqui referri possunt.

16. Qui mediatè vocantur ad Magistratum, non minùs quam illi, qui divinâ voce immediatè vocati sunt, pro divinitùs constitutis & concessis sunt habendi.

17. Quod enim Petrus eos vocat ^{humanam} ^{creaturam} ^{ἐκ τῆς ἀνθρώπων κτίσεως}, 1. Epist. 2. v. 13. id fit ideò, non quia est tantum humana ordinatio: sed quia fit per homines; quia ex hominibus Magistratus constituitur, & quia ad usum humanæ societatis

tis ejus constitutio spectat.

18. Officium Magistratus spectatur vel in pace, vel in bello

19. Tempore pacis justitiam & judicium administret.

20. Nomine justitiæ intelligitur obœdientia externa utriq; Decalogi tabulæ debita.

21. Sit enim Magistratus custos utriusq; tabulæ, quoad externam disciplinam.

22. Falsa & blasphema dogmata spargi, & potest & debet prohibere Magistratus; animarum seductores, præsertim seditiosos coërcere; Sabbati prophanationem prohibere.

23. Interim tamen in conscientias hominum, quarum Rex Deus est, Imperium sibi non sumat.

24. Ad falsam ergò religionem Magistratus subditos nec cogat, nec illi Magistratui cogenti obtemperent.

25. Quin nec ad veram religionem

vel potest vel debet cogere Magistratus:

26. Non illud, quia externam tantum extorquendo professionem, facit hypocritas: nō hoc, quia religio sponte suscipi debet, non vi cogi.

27. Pulchrè Tertull. ad Scap. Religionis non est ad Religionem cogere:

28. Cui consonat illud Maximil. II. Imperatoris laudatissimi: nulla intolerabilior Tyrannis, quàm dominari velle conscientijs.

29. Ad justitiæ administrationem pertinet potestas ferendarum legum civilium, quæ sint determinationes juris naturæ.

30. Neq; enim Christianorum politiæ ad leges Mosaicas forenses simpliciter sunt alligatæ.

31. Ad eandem pertinent contractus, quos caritas & aequitas moderari debent: unde facile colligitur, quid in quæstione de usuris sit statuendum.

32. Usu-

32. Usuras simpliciter Scriptura prohibet, sed qui contractus sint usurarii ex fine legis, qui est caritas, ex descriptione prohibitionis & ex incorrupto prudentum judicio discendum.

33. Judicii nomine intelligimus defensionem bonorum, & poenam improborum, Rom. 13. v. 4.

34. Quo fine introducta sunt judicia forensia, in quibus fit cognitio causarum tum civilium tum criminalium.

35. Ergò in foro contendere, modò id fiat legitime, Christiano non est prohibitum.

36. Poena, quàm Magistratus legum transgressoribus & societatis humanæ turbatoribus infligit, debet correspondere culpæ.

37. Neq; enim liberum est Magistratui delinquentibus, præsertim enormiter, poenas omninò remittere.

38. ^{æquitas} ~~Eni~~ tamen quandoq; adhiberi debet, respectu habito ad delinquē-

tem & delictum ipsum.

39. Ut summum jus summa sæpè injuria: ita vicissim intempestiva indulgentia Legis & Magistratus auctoritatem minuit.

40. Quæritur hîc de pœna hæreseos, furti & adulterii, an debeat esse capitalis.

41. Qui hæresin privatim tuetur, vel eandem etiam spargit absq; seditione, eum capitali supplicio afficiendum esse negamus.

42. Alios autem modos coërcendi hæresium disseminatores Magistratui relinquimus.

43. Pœnam simplicis furti, præsertim levioris, semper capitalem esse debere, durum dicimus.

44. Rigorem interim legum in fures, irruptores & furtum sæpius iterantes non improbamus.

45. Adulterio ipsa Lex divina gladii pœnam adjudicat.

46. Bel.

46. Belli tempore Magistratus itidem sui memor sit officii, ut bellum legitimè geratur.

47. Neq; enim vel Magistratui indicare bellum, vel subditis illud gerere est prohibitum; modò sit legitimum.

48. Legitimi belli conditiones sunt, ut geratur autoritate superiorum, ut causa sit iusta, ut intentio sit bona, Thom. 2. 2. q. 40.

49. Absq; legitima indicentis autoritate si geratur, non bellum est, sed latrocinium.

50. Causæ belli iustæ tres sunt, vel iusta defensio, vel pœna iusta, vel legitima recuperatio.

51. Intentio finis convenientis itidem adsit; pacem habere debet voluntas, bellum necessitas: ideò bellum geratur, ut pax acquiratur. Aug. Epist. 205.

52. Ad rectam intentionem referimus

V 5. mus

mus etiam modum belli gerendi legitimum.

53. Pulchrè Aurelianus ad Tribunum militum: Si vis tribunus esse, si vis vivere, manus militum contine. Nemo pullum alienum rapiat, ovem nemo contingat, uvam nullus auferat, segetem nemo deterat, oleum, sal, lignum nemo exigat, annonâ suâ contentus sit: de præda hostis, non de lachrymis provincialium habeat.

54. Nec sperari potest, feliciter res suas gesturos milites eos, qui maledictiones & lachrymas in habitu suo secum ad viaticum auferunt. Gregorius lib. 6. Hist. c. 12.

55. Contra hostem vires suas experiantur, cōtra quem etiam stratagemata militaria licita esse statuimus.

56. Sed enim omnia prius experiri, quàm arma capere Magistratū decet, nec nisi extremâ necessitate Reipub. id exigente ad bellum accedat; perinde ut Medici ad unctiones & sectiones.

57. Ut pecunia nostro arbitrio aleæ
exposita illicò alieni sit juris, incertum
cui sit cessura: ita Magistratus & tota
ditio in sortem eventus conjicitur mo-
to bello. Lud. Viv. in Epist. ad Henr. 8.
Reg. Angl.

58. Ordinis Politici partem alteram
constituunt Subditi, qui relatè magi-
stratui opponuntur.

59. Sunt autem vel merè subditi,
vel in partem potestatis recepti.

60. Subditi debent Magistratui ho-
norem, timorem, fidelitatem, obœ-
dientiam, tributa & preces.

61. Honor iste sit in corde, in ore &
in externo opere.

62. Intueamur Magistratum tan-
quam Dei ordinationem, nec maledi-
co ore ei detrahamus, nec externam
reverentiam detractemus.

63. Obœdientiæ istius sunt certi li-
mites: qui enim in partem potestatis
recepti, illi crescenti potentiæ habe-
nas

nas quasi injicere possunt.

64. Quid quod etiam merè subditi non tenentur in omnibus Magistratui obœdire? nimirum si quid contra pietatem vel honestatem præcipiatur.

65. Regum timendorum in proprios greges, Reges in ipsos Imperium est Dei.

66. Ergò hac in parte timendo potestatem (Dei summi Monarchæ) contemne potestatem (Magistratus injusta præcipientis.)

67. Si mandatur aliquid, quod grave ac durum, ferendum est: si mandatur aliquid, quod impium & iniquum, obœdientia deneganda est.

68. Tributa debentur Magistratui ratione laboris, ratione gubernationis & ratione defensionis.

69. Debita tamen hîc adsit moderatio, quæ æstimanda est ex subditorum facultate & Reipublicæ necessitate.

70. Quæritur hîc, an locus 1. Sam. 8.

de

de jure vel de consuetudine agat? Distinctione res expediri potest inter regiminis necessitatem, & Regis voluntatem.

71. Preces itidem Magistratui deberi, expressè docet Apostolus 1. Tim. 2. v. 2.

72. Pulchrè Bugenhagius : Si tam prompti effemus ad preces pro Magistratu fundendas, quàm parati sumus ad detrahendum ipsis, næ res nostræ melius haberent.

73. Væ Principatui sepelienti dominos suos, dicunt Hebræorum Magistri referente R. Salom. Jario in Comment. Hos. 1.

74. Et sæpè refoditur à subditis post sua fata Antigonus.

75. Atq; hæc de ordine Politico dicta sint, reliquorum ^{opera} ~~ἐργασια~~ pertinet ad doctrinam politicam.

76. Deus qui stabilit regna, concedat Magistratui nostro Imperii tranquill-

quillitatem perennem, corporis & animæ salutem sempiternam, Amen.

XXII. APHORISMI THEOLOGICI DE CONJUGIO.

1. **C**onjugium est status à Deo ordinatus homine in concreata integritate adhuc persistente.

2. Honorabile ergò sit in omnibus, & cubile impollutum, Heb. 12. v. 4.

3. Nec tamen propriè & exquisitè, hoc est, eâ definitione, quæ Baptismo & sacrae Coenæ competit, Sacramentum est.

4. Caret namq; externo & visibili elemento divinitus instituto, & promissione gratiæ Evangelii propriæ.

5. Generatim tamen & latè acceptâ voce Sacramentum, hoc est, sacrae rei signum dici potest, Eph. 5. v. 32.

6. Propria sedes doctrinæ de Conjugio extat Gen. 2. v. 18. & seqq.

7. Ad quam revocans nos Christus
Matth.

Matth. 19. vers. 5. quæstionum matrimonialium ^{solutionem} λυσιν ex isto loco sumendam esse ostendit.

8. Docetur ibi conjugium esse duorum tantum, unius scilicet maris & unius foeminae legitimam & indissolubilem conjunctionem.

9. Adversatur ergo Conjugio ^{figura} δίγαμια ac πολυγαμία.

10. Δίγαμ. ¶ est, non qui priore uxore demortuâ alteram ducit, sed qui κατὰ ταύτον simul habet duas uxores, Chrys. in 1. Tim. 3.

11. Nam nec secundæ, nec tertiæ, nec ulteriores nuptiæ sunt à S.S. prohibite, modò in Domino instituantur.

12. Cum priore conjugē demortuo eadem causa nubendi non commoriatur, sed superstes sæpius maneat.

13. Polygamiā Patrum in V. T. Deus toleravit, nūspiam mandavit.

14. Toleravit autem, quia non effrenis

nis libidinis causâ, sed Ecclesiam propagandi studio, & promissionem de benedicto semine promovendi desiderio πολὺ γὰρ erant.

15. Et sic ipsorum malo Deus benè usus est.

16. Ut legitima sit conjugum copula, requiritur utriusque partis consensus.

17. Absit igitur violentia, absit error, præsertim talis, qui substantialia conjugii attingat.

18. Consensus verò iste debet esse licitus, honestus, justus, liber, plenus ac sincerus.

19. Nec tamen omnis error, matrimonii fidem datam rescindi permittit.

20. Nec ob quemcunq; defectum conditionis in consensu sponsalia rescindi debent.

21. Porro consensus contrahentium absq; parentum consensu inefficax est atq; invalidus.

22. Il-

22. Illum ergò non minùs quàm contrahentium non honestatis solummodò causâ, sed necessitatis jure requiri dicimus.

23. Secuti juris divini, naturalis & civilis auctoritatem.

24. Quam & Canones quidam juris Pontificii præsertim vetustiores approbant.

25. Si parentes officii sui parùm memores fuerint, vel potestate patriâ abuti velint, Magistratus in locum parentum succedat.

26. Ad legitimam conjunctionem requiritur etiam istud, ne cognationis gradus violentur.

27. Quibus autem liceat maritali vinculo copulari, expressâ limitatione graduum tam consanguinitatis, quàm affinitatis, Levit. 18. & 20. docetur.

28. Quos textus non tantùm de per-

X

sonis,

sonis, sed etiam de gradibus accipien-
dos esse dicimus.

29. Atq; istas Constitutiones esse
juris Naturæ disertè affirmamus.

30. Dispensatio ergò in eis locum
non habet.

31. Divinis hisce legibus bono ac u-
tili consilio majoris reverentiæ ergò
additæ sunt à piis Magistratibus prohi-
bitiones usq; ad tertium gradum lineæ
inæqualis.

32. Quas itidem observandas esse
statuimus, interim probabili de causa
eas relaxari permittimus.

33. Providendum tamen seriò, ne
dispensatio fiat dissipatio.

34. In computatione graduum se-
quimur Canonum dispositionem.

35. Non quòd Pontificii juris legi-
bus nos obstrictos agnoscamus, sed
quia hac in parte sanum est & æ-
quum.

36. Id in recta linea tradit hanc re-
gulam:

gulam : Quot sunt personæ , tot sunt gradus , unâ demtâ.

37. In linea collateralī æquali hæc traditur regula : Quot gradibus una persona distat à stipite, tot gradibus etiam ab altera distat.

38. In linea collateralī inæquali quoto gradu remotior persona distat à stipite, toto etiam ab altera distat.

39. Affinitatis quoq; veneratione à quorundam nuptiis abstinendum.

40. Sed affinitas illa, quæ matrimonium impedit, non latè vagatur.

41. Nam inter cognatos mariti & inter cognatos uxoris non est talis affinitas, quæ matrimonium impediat.

42. Sed inter uxorem & cognatos mariti; & inter maritum ac cognatos uxoris est affinitas matrimonium impediens.

43. Ergò juxta legum omnium constitutiones in linea recta prohibitio se extendit in infinitum.

44. In linea collateralis legibus provincialibus prohibitio extenditur usq; ad tertium gradum lineæ inæqualis (inclusivè)

45. Ac respicit non solum cognitionem, sed & affinitatem.

46. Rectissimè autem monet JGtus: In conjunctione matrimoniali non tantum quid liceat, sed etiam quid honestum sit, spectandum esse.

47. Finis conjugii principalis est propagatio generis humani, & per consequens etiam Ecclesiæ.

48. Minus principales sunt, fidele adjutorium, & Christi ac Ecclesiæ typus.

49. Accidentarius finis est vitatio scortationis.

50. Quod enim ante lapsum institutum ad officium, post lapsum cessit etiam in remedium.

51. Matrimonium constituendum nõ sine ratione antecedunt Sponsalia.

52. Quæ

52. Quæ sunt futurarum nuptiarum promissio.

53. Possunt ea propter causas quasdam rescindi, quarum dijudicatio pertinet ad viros pios, eruditos ac prudentes in Consistoriis.

54. In genere dicimus propter plures causas repudia, quàm divortia fieri posse.

55. Multa enim impediunt matrimonium contrahendum, quæ non dirimunt contractum.

56. Matrimonium solvitur morte & adulterio.

57. Per adulterium ipsum conjugii vinculum solvitur, ita ut parti innocenti liceat ad secunda vota transire.

58. Non posse adulteram retineri, putat Hieronymus: non posse dimitti existimat Augustinus: incedimus nos viâ mediâ.

59. Malitioso desertore disceden-

te, Magistratus parti innocenti rectè
consultit.

60. Interim tamen exclusiva Chri-
sti aliam divortii causam, quam adul-
terium non permittit.

61. Statutum exceptivè loquens non
extenditur ad ^{casus} causas alios. Bald. l. 28.
C. de adult.

62. Inhabilitas corporis ad usum ma-
trimonii divortium non facit, sed nul-
lum præcessisse matrimonium arguit.

63. Argumento est, quod inhabili-
tas superveniens post nuptias, divor-
tium non admittit.

64. Idem esto iudicium de errore
in substantialibus.

65. Violentia æquiparatur desertioni.

66. Propter hæresin matrimoni-
um esse dissolvendum non concedi-
mus.

67. Conjugio subordinatur virgini-
tas, cum in utroq; statu sit Deo placens
castitas.

68. Vir-

68. Virginitatem Apostolus conjugio præfert, videlicet in personis idoneis continentia dono instructis, & ^{secundum quid} ~~natura~~ ^{et} propter conjugii molestias & temporum circumstantias.

69. Jugum virginitatis nemini invito imponendum est, cum non omnes sint ejus capaces.

70. Conjugium ergo omnibus liberum; illis qui uruntur, etiam necessarium.

71. Si Spiritus spontaneus te virginem facit, verè virgo es, nec opus erit voto vel coactione.

72. Si coactè virgo es, coram Deo non es virgo, nec proderit votum.

73. Virginitas corporis absq; virginitate mentis hypocritica est.

74. Quæ non est conjugio pio ac casto cōferenda, sed longè postponenda.

75. Nihil prodest corpus servare impollutum, si animus æstuet intus libidinum urentibus flammis.

76. Quid prodest caro integra, mente corrupta?

77. At quotus quisq; illorum, qui vovent virginitatem, corpus omnimodè impollutum servat!

78. Longè pauciores sunt, qui animum habent ab unctionibus liberum.

79. Paulus tantus Apostolus legem hîc ferre aut laqueum injicere cui-piam noluit.

80. Utinam ergò, qui continere non valent, coelibatui dare nomina vereantur, sumtuosa enim turris est & verbum grande, quod non omnes capere possunt! Bernh. ferm. ad Cleric.

81. Mulierem ignoro & virgo non sum. Citat ex Basilio Cassianus lib. 6. de Spir. fornic.

82. Bonus benè utitur conjugio, malus nec conjugio, nec virginitate rectè utitur.

83. Christus Ecclesiæ Sponsus piis
con-

conjugibus adsit , & ad cœlestes nuptias nos omnes olim transferat.

XXIII. APHORISMI THEOLOGICI DE QUATUOR HOMINIS NOVISSIMIS.

1. **E**cclesiæ in terra militantis constitutionem vidimus; restat, ut ad Ecclesiæ in cœlo triumphantis considerationem animos nostros eleve-
mus.

2. Transitus piorum ex militante Ecclesia ad Triumphantem, fit per Mortem, quam propterea Gregorius Nyssenus in Orat. de morte scitissimè comparat obstetrici ad vitam verè sic dictam nos promoventi.

3. Mortem sequitur iudicium, cuius antea mbulo est universalis omnium hominum resurrectio. Statutum est hominibus semel mori, post hoc autem iudicium, Heb. 9. v. 27.

4. Qui bona fecerunt, procedent in resurrectionem vitæ: qui verò mala fecerunt, in resurrectionem judicii, Joh. 5. vers. 29.

5. Quatuor igitur sunt hominis novissima, quorum consideratio nunquam excidat nostrâ memoriâ: Mors, Resurrectio, Judicium & Mora sive habitatio sempiterna, piorum in cælo, damnatorum in inferno.

6. Mortis nomine hîc intelligimus, non miseras illas vitæ hujus mortalis perpetuas, 1. Corinth. 15. v. 31. nec mortem illam animæ in delictis, Ephes. 2. vers. 5. nec beatam illam mortem, quâ mortui peccato, hoc est, à dominio & damnatione ejus liberati vivimus Deo, Rom. 6. vers. 2. Nec æternam illam, sive secundam mortem damnatorum: Apo. 2. v. 11.

7. Sed corporis mortem, quæ est separatio animæ à corpore, vitæ animalis privatio & microcosmi transitus.

8. Qui

8. Qui moritur vitiis, antequam moritur, (corpore) non moritur æternâ morte, quando moritur (corporis morte) Sphinx Phil. c. 36.

9. Per peccati portam mors in mundum intravit, atq; ita in omnes homines pertransiit, Rom. 5. v. 12.

10. Quæ non est animæ in nihilum redactio, sed ex corporis domicilio egressio. Anima occidi nequit, Matth. 10. vers. 28.

11. Receptacula animarum à corporibus per mortem separatarum duo tantum commemorat Scriptura, unum piorum, alterum impiorum.

12. Valeat ergò purgatorium, valeat ^{animarum purgatio} ~~ψυχῶν καθαρισμός~~, valeat ~~μετεμψύχωσις~~ Pythagorica, valeant animarum apparitiones.

12. Nec ullus est medius locus, ubi non sit in supplicio, qui non fuerit constitutus in regno; ut possit esse nisi cum Diabolo, qui non fuerit

fuerit cum Christo. August. de pecc.
mor. & remiss. c. 2.

14. Resurrectionem universalem
præcedet macrocosmi transitus, se-
quetur universale iudicium.

15. Veteres pleriq; existimant mun-
dum transiturum qualitatum immu-
tatione, non autem substantiali abo-
litione.

16. Scriptura verbis utitur valdè
emphaticis. Coelum & terra peribunt,
transibunt, *παρελεύσονται*, ita fugient,
ut locus eis non inveniatur &c.

17. Clavis sepulchrorum nostro-
rum, ac nostræ resurrectionis arrha-
bo, est Christi capitis nostri resur-
rectio.

18. Resurrectionem illam corpo-
rum nostrorum confirmant manifesta
ac sæpiùs repetita Spiritus sancti ora-
cula.

19. Præludia ejus sunt particularia
illa resuscitatorum in Veteri ac Novo
Testa-

Testamento exempla, quos futuræ immortalitatis Candidatos appellat Tertullianus.

20. Homo & corpore & animâ ad immortalitatem olim creatus; corpus nostrum in bonis vel malis operibus animæ organum est; corpus piorum est Spiritus sancti templum, etiam corpora nostra vivifico Christi corpore & sanguine aluntur, quomodo ergò in sepulchro perpetim manebunt?

21. Resuscitationis autor est D E U S ;
consumentor
τελειωτης Christus, in & cum assumpta humana natura.

22. Resurget non solùm omnis caro, sed & eadem, quæ cecidit caro.

23. Resuscitationi mortuorum analogæ est immutatio momentanea eorum, quos vivos dies extrema deprehendet.

24. Nec suscitabit tantùm Christus, sed & judicabit, quippe omne iudicium

cium Pater ei tradidit, Johan. 5. vers.
27.

25. In illa Natura Christus apparebit ad iudicium, quam sibi per incarnationem univit. Ipsa erit Iudex, quæ sub iudice stetit, ipsa iudicabit, quæ iudicata est.

26. Iudicium hoc universale exigunt Dei veritas & iustitia.

27. Exactam formam, modum & processum iudicii magis tum docebit rerum experientia, quam nunc possit perfectè consequi hominum intelligentia.

28. Suspiremus in illa die liberari à verbo aspero; audiamus vocem invitantis, ut olim audiamus vocem consolantis.

29. Sententia lata executioni statim dabitur. Ibunt, qui à dextris Iudicis constituti, in vitam æternam, qui à sinistris, projicientur in ignem æternum, Matth. 25. v. 26.

30. Fe-

30. Felicitas æternæ vitæ comple-
ctitur <sup>privatorem omnium malorum et positionem omni-
um beneficiorum</sup> *ἡ ἐκτίσις τῶν κακῶν καὶ ἡ ἐκτίσις τῶν εὐεργε-
σιῶν*, erit tibi absentia omnis ma-
li & perfructio omnis boni.

31. Liberabimur à peccato, libera-
bimur ab omnibus pœnis peccati.

32. Corpus nostrum ^{conforme} *συνμορφῶν* erit
corpori Christi, Philip. 3. v. 21. salvo
tamen gloriæ discrimine.

33. DEUM sine fine videbimus, sine
fastidio amabimus, sine defatigatio-
ne laudabimus. August. 22. de Civitat.
Dei c. 30.

34. Fidei succedet visio, spei perfe-
cta fruitio; caritatis erit perfectissima
consummatio.

35. Erit Deus plenitudo luminis in-
tellectui, multitudo pacis voluntati,
continuatio æternitatis memoriæ no-
stræ. Bernhard. serm. II. super Cant.
Col. 519.

36. Lætabuntur Sancti propter loci a-
mœnitatē, quam possidebunt; propter
jucun.

jucundam societatem, in qua regnabunt; propter corporis glorificationem, quam habebunt, propter mundum, quem contemserunt; propter infernum, quem evaserunt. Bonvent. in Diœt. c. 50.

37. Suspiremus ergò ad vitam illam, cujus Rex Trinitas, Lex caritas, modus æternitas.

38. Nec esse nostrum; mortem, nec nosse, errorem, nec amare habebit offensionem. Sph. Phil. pag. 5.

39. Videbimus DEUM ^{4 facis ad faciem} αὐτοῦ πρὸς ὡπῶς, audiemus eum ^{αὐτοῦ φωνῶς. propria voce} αὐτοῦ φωνῶς.

40. Erit omnium Electorum sapientia summa, justitia perfecta, lætitia æterna, ^{glorificatio} δόξα αἰώνια sempiterna.

41. Una salus communis erit, sed gloria dispar.

42. Non ascendit in cor hominis, qualem gloriam præparaverit DEUS suis electis, 1. Corinth. 2. v. 9. quantò minùs

minus verbis istius gloriæ conditionem assequemur?

43. Vitæ beatorum æternæ opponitur mors damnatorum æterna, mors secunda in Apocalypsi dicta.

44. Vita damnatorum erit mortifera & mors immortalis: si vita est, cur occidit? si mors, quomodo semper durat?

45. Ita vivent damnati, ut semper moriantur: ita morientur, ut semper vivant. Bernhard. in med. devot. cap. 3. col. 193.

46. In carne cruciabuntur per ignem, in anima per conscientiae vermem. Ibid.

47. Æternitas poenarum est, quæ ultra omnem modum damnatorum supplicia accumulatur.

48. Etenim sine fine cruciandum esse, ultra omnes desperationis terminos fertur. Isidor. Clar. Orat. 12.

Y

49. Gra-

49. Gravis est damnatorum pœna propter tormenti acerbitem, gravior propter suppliciorum diversitatem, gravissima propter suppliciorum æternitatem. Dionys. in 18. Apocal. f. 301.

50. Causa erit ipsis janua, Matth. 25. vers. 10. janua scilicet indulgentiæ, janua misericordiæ, janua spei, janua consolationis, & janua bonæ operationis.

51. Alienatum esse ab intuitu Dei omnes gehennæ pœnas superabit.

52. Oppressi pœnarum istarum pondere ^{finem} ~~ἀνταρξίας~~ optabunt, sed frustra: desiderabunt mori, sed mors fugiet ab eis, Apoc. 9. v. 6.

53. Præ impatientia cordis rugient, frement & dentibus stridebunt: erit ibi fletus ex dolore, stridor dentium ex furore. Bernhard. serm. 8. in Psal. 91.

54. Quo-

54. Quorum omnium ^{πρᾶγμῶν} ~~πεπονημένων~~
quibusdam in hac vita obtingit.

55. Diabolorum societas & loci
qualitas non mediocriter augent da-
mnatorum pœnas.

56. Nec solum æternæ erunt da-
mnatorum pœnæ, sed nec interrup-
ptæ. Apoc. 14. v. II.

57. Quemadmodum autem in cœ-
lo alius alio gloriosior, ita in inferno
alius alio miserior. Augustin. in En-
chirid. cap. 3.

58. Ubi sit infernus, curiosè quæ-
ritur: quomodo pœnas ejus effugere
possimus, utilius cogitatur.

59. Atq; utinam cum cœnatur, aut
prandetur: cum è lecto surgitur, aut
cubitumitur, semper apud nos ge-
hennæ mentio fiat!

60. Neq; enim sinet in gehennam
incidere, gehennæ meminisse. Chry-
sost. hom. 44. in Matth.

61. Num si de gehenna tacueris,

hinc illam extinxisti : aut incendisti, si
de ea locutus fueris? siue locutus fue-
ris de illa, siue minùs, fervebit omni-
nò incendium. Idem homil. 2. in 2.
Thessal.

62. Ab æterna morte liberet nos,
qui pro nobis mortuus : ad vitam æter-
nam perducatur nos, qui vitæ Dux
est in secula benedictus.

F I N I S.



J E N Æ



TYPIS ET SUMTIBUS
TOBIÆ STEINMANNI,

Anno 1611.